

॥ तैत्तिरीय संहिता ॥

॥ काण्डम् २ ॥

॥ प्रथमः प्रश्नः ॥

॥ तैत्तिरीयसंहितायां द्वितीयकाण्डे प्रथमः प्रश्नः ॥

वा॒य॒व्य॑ꣳ श्वे॒तमा॑ल॒भेत् भू॒ति॑का॒मो वा॒युर्वै॑ क्षे॒पि॑ष्ठा दे॒वता॑
वा॒युमे॒व स्वेन॑ भा॒ग॒धेये॒नोप॑ धावति॒ स ए॒वैनं॑ भू॒तिं ग॑मयति॒
भ॒वत्ये॒वाति॑क्षि॒प्रा दे॒वते॒त्याहुः॑ सैन॑मीश्व॒रा प्र॑दह॒ इत्ये॒तमे॒व
सन्तं॑ वा॒यवे॑ नि॒युत्वंत॑ आल॒भेत् नि॒युद्वा अ॑स्य॒ धृति॑र्धृत ए॒व
भू॒तिमु॒पैत्य॑प्र॒दाहा॒य भ॒वत्ये॒व (१)

वा॒यवे॑ नि॒युत्वंत॑ आल॒भेत् ग्रा॒म॒का॒मो वा॒युर्वा इ॒माः प्र॒जा
न॑स्यो॒ता नै॒नीय॑ते वा॒युमे॒व नि॒युत्वंन्त॑ꣳ स्वेन॑ भा॒ग॒धेये॒नोप॑ धावति॒
स ए॒वास्मै॑ प्र॒जा न॑स्यो॒ता नि॒यच्छ॑ति ग्रा॒म्ये॒व भ॑वति॒ नि॒युत्वंते॑
भ॒वति ध्रु॒वा ए॒वास्मा॑ अन॑पगाः करोति॒ वा॒यवे॑ नि॒युत्वंत॑ आल॒भेत्
प्र॒जाका॑मः प्रा॒णो वै वा॒युर॑पा॒नो नि॒युत्प्रा॑णापा॒नौ खलु॑ वा ए॒तस्य॑
प्र॒जाया॑ (२)

अप॑क्रामतो॒ योऽलं॑ प्र॒जायै॑ सन्प्र॒जां न वि॒न्दते॑ वा॒युमे॒व
नि॒युत्वंन्त॑ꣳ स्वेन॑ भा॒ग॒धेये॒नोप॑ धावति॒ स ए॒वास्मै॑ प्रा॒णापा॒नाभ्यां॑
प्र॒जां प्र॒ज॑नयति॒ वि॒न्दते॑ प्र॒जां वा॒यवे॑ नि॒युत्वंत॑ आल॒भेत्

ज्योगामयावी प्राणो वै वायुरपानो नियुत् प्राणापानौ खलु वा
 एतस्मादपक्रामतो यस्य ज्योगामयति वायुमेव नियुत्वंन्तः३ स्वेन
 भागधेयेनोप (३)

धावति स एवास्मिन्प्राणापानौ दधात्युत यदीतासुर्भवति
 जीवत्येव प्रजापतिर्वा इदमेक आसीत्सोऽकामयत प्रजाः
 पशून्सृजेयेति स आत्मनो वपामुदक्खिदत्तामग्नौ प्रागृह्यत्ततो-
 ऽजस्तूपरः समभवत्तः३ स्वायै देवताया आऽलभत ततो वै स
 प्रजाः पशून्सृजत यः प्रजाकामः (४)

पशुकामः स्यात्स एतं प्राजापत्यमजं तूपरमालभेत
 प्रजापतिमेव स्वेन भागधेयेनोप धावति स एवास्मै प्रजां
 पशून्प्रजनयति यच्छ्रुणस्तत्पुरुषाणां रूपं यत्तूपरस्तदश्वानां
 यदन्यतोदन्तद्वानां यदव्या इव शफास्तदवीनां यदज-
 स्तदजानामेतावन्तो वै ग्राम्याः पशवस्तान् (५)

रूपेणैवावरुन्धे सोमापौष्णं त्रैतमालभेत पशुकामो
 द्वौ वा अजायै स्तनौ नानैव द्वावभिजायेते ऊर्जं पुष्टिं
 तृतीयः सोमापूषणावेव स्वेन भागधेयेनोप धावति तावेवास्मै
 पशून्प्रजनयतः सोमो वै रेतोधाः पूषा पशूनां प्रजनयिता सोमं
 एवास्मै रेतो दधाति पूषा पशून्प्रजनयत्यौदुम्बरो यूपो भवत्यूर्वा

उ॒दु॒म्बर॒ ऊ॒र्क्प॒शव॑ ऊ॒र्जे॒वास्मा॒ ऊ॒र्जं॑ प॒शून॑व॒रुन्धे॑॥ (६)

भव॑त्ये॒व प्र॒जाया॑ आ॒मय॑ति वा॒युमे॒व नि॒युत्व॑न्तः॒ स्व॑नं भा॒ग॒धेये॒नोप॑
प्र॒जाका॑म॒स्तान् यू॒प॒स्त्रयो॑दश च॥ [१]

प्र॒जाप॑तिः प्र॒जा अ॑सृजत् ता अ॑स्मात्सृ॒ष्टाः प॒रा॑ची॒राय॑न्ता
वरु॑णमगच्छन्ता अन्वै॒त्ताः पुन॑रयाचत् ता अ॑स्मै न पुन॑रददा॒त्सो॑-
ऽब्र॒वीद्व॑रं वृणी॒ष्वार्थं॑ मे पुन॑र्देहीति तासां वर॒माऽल॑भत् स
कृ॒ष्ण एक॑शितिपादभवद्यो वरु॑णगृहीतः स्यात्स ए॒तं वा॑रु॒णं
कृ॒ष्णमेक॑शितिपादमाल॑भेत् वरु॑ण- (७)

मे॒व स्व॑नं भा॒ग॒धेये॒नोप॑ धावति स ए॒वैनं॑ वरु॑णपा॒शान्मु॑ञ्चति
कृ॒ष्ण एक॑शितिपा॒द्भव॑ति वा॒रु॒णो ह्ये॒ष दे॒वता॑या॒ समृ॑द्धौ
सुव॑र्भानुरासुरः सूर्यं तम॑साऽवि॒द्ध्य॑त्तस्मै दे॒वाः प्राय॑श्चित्तिमैच्छन्तस्य
यत्प्र॑थमं तमोऽपाघ्नन्त्सा कृ॒ष्णाऽवि॑रभवद्यद्वितीयः॑ सा फल्गु॑नी
यत्तृ॑तीयः॑ सा ब॒ल॒क्षी यद॑द्ध्य॒स्थाद॑पाकृ॑न्तन्त्साऽवि॑र्ज॒वशा॑ (८)

सम॑भव॒त्ते दे॒वा अ॑ब्रुवन्दे॒वप॑शु॒र्वा अ॒यः॑ सम॑भू॒त्कस्मा॑
इ॒ममाल॑प्स्यामह॒ इत्य॑थ॒ वै तर्ह्य॑ल्पा॒ पृथि॑व्यासीदजा॑ता
ओष॑धयस्तामवि॑ व॒शामा॑दित्येभ्यः॒ कामा॑याऽल॑भन्त॒ ततो॑ वा
अप्र॑थत पृथि॒व्यजा॑यन्तौष॑धयो॒ यः का॒मये॑त् प्रथे॑य प॒शुभिः॑ प्र
प्र॒जाया॑ जाये॒येति॑ स ए॒ताम॑वि॑ व॒शामा॑दित्येभ्यः॒ कामा॑- (९)

यऽऽ ल॑भेतादित्याने॒व का॒मः॑ स्व॑नं भा॒ग॒धेये॒नोप॑ धावति

त ए॒वैनं॑ प्र॒थय॑न्ति प॒शुभिः॑ प्र प्र॒जया॑ जनयन्त्य॒सावा॑दित्यो
न व्य॑रोचत॒ तस्मै॑ दे॒वाः प्राय॑श्चित्तिमैच्छन्तस्मा॑ ए॒ता म॒ल्हा
आलं॑ऽभन्ताग्ने॒यीं कृ॑ष्णग्री॒वीः स॑हि॒तामै॒न्द्रीः श्वे॒तां बा॑र्हस्प॒त्यां
ताभि॑रे॒वास्मिन्नु॑चमदधुर्यो ब्र॒ह्मव॑र्च॒सका॑मः स्यात्तस्मा॑ ए॒ता म॒ल्हा
आल॑भे (१०)

ताऽऽग्ने॒यीं कृ॑ष्णग्री॒वीः स॑हि॒तामै॒न्द्रीः श्वे॒तां बा॑र्हस्प॒त्यामे॒ता
ए॒व दे॒वताः स्वेन॑ भा॒गधे॑येनोप॑ धावति॒ ता ए॒वास्मिन्ब्र॑ह्मव॑र्चसं
द॑धति ब्रह्मव॑र्चस्यै॒व भ॑वति व॒सन्ता॑ प्रा॒तरा॑ग्ने॒यीं कृ॑ष्णग्री॒वीमा॑ल॒भेत॑
ग्री॒ष्मे म॒ध्यन्दि॑ने स॑हि॒तामै॒न्द्रीः श॒रद्य॑परा॒ह्णे श्वे॒तां बा॑र्हस्प॒त्यां
त्री॒णि वा आ॑दित्यस्य॒ तेजा॑सि व॒सन्ता॑ प्रा॒तर्ग्री॒ष्मे म॒ध्यन्दि॑ने
श॒रद्य॑परा॒ह्णे याव॑न्त्ये॒व तेजा॑सि॒ तान्ये॒- (११)

वाचं॑ रुन्धे संव॒त्सरं॑ प॒र्याल॑भ्यन्ते संव॒त्सरो॒ वै ब्र॑ह्मव॑र्चसस्य॒
प्रदा॑ता संव॒त्सर ए॒वास्मै॑ ब्रह्मव॑र्चसं प्रयच्छति ब्रह्मव॑र्चस्यै॒व भ॑वति
ग॒र्भिण॑यो भवन्तीन्द्रि॒यं वै गर्भ॑ इन्द्रि॒यमे॒वास्मिन् द॑धति सारस्वतीं
मे॒षीमा॑ल॒भेत॑ य ई॒श्वरो॒ वाचो॑ वदि॒तोः स॒न्वाचं॑ न वदेद्वाग्वै सर॑स्वती
सर॑स्वतीमे॒व स्वेन॑ भा॒गधे॑येनोप॑ धावति॒ सैवास्मिन्॑ (१२)

वाचं॑ दधाति प्रवदि॒ता वा॒चो भ॑वत्य॒पन्न॑दती भवति॒
तस्मा॑न्मनु॒ष्याः सर्वा॑ वाचं॑ वदन्त्याग्ने॒यं कृ॑ष्णग्री॒वमा॑ ल॒भेत॑ सौम्यं
ब॒भ्रुं ज्यो॑गा॒मया॒व्यग्निं॑ वा ए॒तस्य॑ शरी॒रं ग॑च्छति॒ सोम॑ः र॒सो
यस्य॑ ज्यो॒गा॒मय॑त्य॒ग्नेरे॒वास्य॑ शरी॒रं निष्क्री॑णाति॒ सोमा॑द्रसमु॒त

यदी॒तासु॑र्भ॒वन्ति जी॒वन्त्ये॒व सौ॒म्यं ब॒भ्रुमाल॑भेता॒ग्नेयं कृ॒ष्णग्री॑वं
प्र॒जाका॑मः सोमो॒ (१३)

वै रे॑तो॒धा अ॒ग्निः प्र॒जानां॑ प्र॒जनयि॑ता सोमं॑ ए॒वास्मै॒ रेतो॒
दधा॑त्य॒ग्निः प्र॒जां प्र॒जनय॑ति वि॒न्दते॑ प्र॒जामा॑ग्नेयं कृ॒ष्णग्री॑वमाल॑भेत
सौ॒म्यं ब॒भ्रुं यो ब्रा॑ह्म॒णो वि॒द्याम॑नूच्य॒ न वि॒रोचे॑त् यदा॑ग्नेयो भ॒वन्ति
तेज॑ ए॒वास्मि॑न्तेन॑ दधाति॒ यत्सौ॒म्यो ब्र॑ह्मवर्च॒सं तेन॑ कृ॒ष्णग्री॑व
आ॒ग्नेयो भ॑वति॒ तम॑ ए॒वास्मा॑दप॒हन्ति॒ श्वेतो॑ भ॒वति॒ (१४)

रुच॑मे॒वास्मि॑न्दधाति॒ ब॒भ्रुः सौ॒म्यो भ॑वति ब्रह्मवर्च॒स-
मे॒वास्मि॑न्त्विषि॑ दधात्या॒ग्नेयं कृ॒ष्णग्री॑वमाल॑भेत सौ॒म्यं ब॒भ्रुमा॑ग्नेयं
कृ॒ष्णग्री॑वं पु॒रोधा॒याः स्पर्ध॑मान आ॒ग्नेयो वै ब्रा॑ह्म॒णः सौ॒म्यो
रा॒ज॒न्योऽभि॑तः सौ॒म्यमा॑ग्नेयो भ॑वत॒स्तेज॑सै॒व ब्रह्म॑णोभ॒यतो॑ रा॒ष्ट्रं
परि॑गृह्णात्ये॒क॒धा स॒मावृ॑ङ्के पु॒र ए॑नं दधते॥ (१५)

ल॒भेत् वरु॑णं व॒शैता॑मवि॒ व॒शामा॑दित्येभ्यः॒ कामा॑य म॒ल्हा आ॑ल॒भेत्
तान्ये॒व सै॒वास्मि॑न्त्सोमः॒ श्वेतो॑ भ॒वति॒ त्रिच॑त्वारि॒ंशच्च॑। (२)॥ ——— [२]

दे॒वा॒सुरा॑ ए॒षु लो॒केष्व॑स्पर्धन्त॒ स ए॒तं वि॑ष्णु॒र्वाम॑नम॒पश्य॑त्तः
स्वायै॑ दे॒वता॑या॒ आ॒ल॒भत् ततो॑ वै स इ॒माल्लो॑कान॒भ्यज॑यद्वैष्ण॒वं
वा॑म॒नमाल॑भेत् स्पर्ध॑मानो॒ विष्णु॑रे॒व भू॒त्वेमाल्लो॑कान॒भिज॑यति॒ विष॑मं
आ॒ल॒भेत् विष॑मा इ॒व ही॑मे लो॒काः समृ॑द्ध्या॒ इन्द्रा॑य म॒न्युम॑ते
मन॑स्वते ल॒लाम॑ प्राशृङ्गमाल॑भेत सङ्गामे॒ (१६)

सं यत्त इन्द्रियेण वै मन्युना मनसा सङ्ग्रामं जयतीन्द्रमेव
मन्युमन्तं मनस्वन्तुः स्वेन भागधेयेनोप धावति स एवास्मिन्निन्द्रियं
मन्युं मनो दधाति जयति तः सङ्ग्राममिन्द्राय मरुत्वन्ते
पृश्निसक्थमालभेत ग्रामकाम इन्द्रमेव मरुत्वन्तुः स्वेन
भागधेयेनोप धावति स एवास्मै सजातान्प्रयच्छति ग्राम्येव भवति
यदृषभस्ते- (१७)

नैन्द्रो यत्पृश्निस्तेन मारुतः समृद्धौ पश्चात्पृश्निसक्थो भवति
पश्चादन्ववसायिनीमेवास्मै विशं करोति सौम्यं बभ्रुमालभेतान्नकामः
सौम्यं वा अन्नः सोममेव स्वेन भागधेयेनोप धावति स एवास्मा
अन्नं प्रयच्छत्यन्नाद एव भवति बभ्रुर्भवत्येतद्वा अन्नस्य रूपः समृद्धौ
सौम्यं बभ्रुमालभेत यमलः (१८)

राज्याय सन्तः राज्यं नोपनमेत्सौम्यं वै राज्यः सोममेव
स्वेन भागधेयेनोप धावति स एवास्मै राज्यं प्रयच्छत्युपैनः राज्यं
नमति बभ्रुर्भवत्येतद्वै सोमस्य रूपः समृद्ध्या इन्द्राय वृत्रतुरे ललामं
प्राशृङ्गमालभेत गतश्रीः प्रतिष्ठाकामः पाप्मानमेव वृत्रं तीर्त्वा प्रतिष्ठां
गच्छतीन्द्रायाभिमातिघ्ने ललामं प्राशृङ्गमा- (१९)

लभेत यः पाप्मनां गृहीतः स्यात्पाप्मा वा अभिमातिरिन्द्रमेवाभिमा
स्वेन भागधेयेनोप धावति स एवास्मात्पाप्मानमभिमातिं प्रणुदतु
इन्द्राय वज्रिणं ललामं प्राशृङ्गमालभेत यमलः राज्याय सन्तः
राज्यं नोपनमेदिन्द्रमेव वज्रिणः स्वेन भागधेयेनोप धावति स

ए॒वास्मै॒ वज्रं॑ प्रयच्छति॒ स ए॒नं॒ वज्रो॑ भू॒त्या इ॒न्ध॒ उपै॒न॑ ॥ रा॒ज्यं
न॑मति॒ ल॒लामः॑ प्राशृङ्गो भ॑वत्येतद्वै वज्र॑स्य रू॒प॑ ॥ स॒मृद्धौ॑ ॥ (२०)

स॒ङ्ग्रामे॒ तेना॒ल॒मभि॑माति॒घ्ने ल॒लामं॑ प्राशृङ्ग॒मै॒नं प॑ञ्चद॒श च॑ ॥ ३ ॥ — [३]

अ॒सावा॑दि॒त्यो न॒ व्य॑रोच॒त॒ तस्मै॑ दे॒वाः प्रा॑यश्चि॒त्ति-
मैच्छ॑न्तस्मा॑ ए॒तान्द॑श॒र्षभा॑मा॒ल॒भन्त॒ तयै॑वास्मि॒न्नुच॑म॒दधु॑र्यो
ब्र॒ह्मव॑र्च॒सका॑मः स्या॒त्तस्मा॑ ए॒तान्द॑श॒र्षभा॑मा॒ल॒भेता॑मु॒मेवा॑दि॒त्यः
स्वेन॑ भा॒ग॒धेये॒नोप॑ धा॒वति॒ स ए॒वास्मि॑न्ब्र॒ह्मव॑र्च॒सं द॑धाति
ब्र॒ह्मव॑र्च॒स्यैव॑ भ॑वति॒ व॒सन्ता॑ प्रा॒त॒स्त्री॒ल्ल॒लामा॑ना॒ल॒भेत॑ ग्री॒ष्मे
म॒ध्यन्दि॑ने (२१)

त्री॒ञ्छि॒तिपृ॒ष्ठाञ्छ॑रद्य॒परा॑ह्णे त्री॒ञ्छि॒तिवा॑रा॒त्रीणि॑ वा
आ॑दि॒त्यस्य॒ तेजा॑सि॒ व॒सन्ता॑ प्रा॒त॒स्त्री॒ष्मे म॒ध्यन्दि॑ने श॒रद्य॑परा॒ह्णे
याव॑न्त्ये॒व तेजा॑सि॒ तान्ये॑वाव॒रुन्धे॒ त्रय॑स्त्रय॒ आ॒ल॒भ्यन्ते-
ऽभि॑पूर्व॒मेवास्मि॑न्तेजो॑ दधाति॒ संव॑त्स॒रं प॒र्या॒ल॒भ्यन्ते॒ संव॑त्स॒रो
वै ब्र॒ह्मव॑र्च॒सस्य॑ प्र॒दा॒ता संव॑त्स॒र ए॒वास्मै॑ ब्र॒ह्मव॑र्च॒सं प्र॑यच्छति
ब्र॒ह्मव॑र्च॒स्यैव॑ भ॑वति॒ संव॑त्स॒रस्य॑ प॒रस्ता॑त्प्राजाप॒त्यं क॑द्गु- (२२)

मा॒ल॒भेत॑ प्र॒जाप॑तिः सर्वा॑ दे॒वता॑ दे॒वता॑स्वे॒व प्र॑ति॒तिष्ठ॑ति॒ यदि॑
बिभी॒याद्दु॑श्च॒र्मा भ॑विष्या॒मीति॑ सोमा॒पौष्णः॑ श्या॒ममा॑ल॒भेत॑ सौ॒म्यो
वै दे॒वत॑या॒ पुरु॑षः पौ॒ष्णाः प॒शवः॑ स्वयै॒वास्मै॑ दे॒वत॑या प॒शुभि॑स्त्वचं
करो॑ति॒ न दु॑श्च॒र्मा भ॑वति॒ दे॒वाश्च॒ वै य॒मश्चास्मि॑ल्लो॒कैः ऽस्पर्ध॑न्त॒ स

य॒मो दे॒वाना॑मिन्द्रि॒यं वी॒र्य॑मयुवत॒ तद्य॑मस्य॒ (२३)

यम॒त्वं ते दे॒वा अ॑मन्यन्त॒ य॒मो वा इ॒दम॑भूद्यद्वय॑ः स्म॒ इति॒ ते
प्र॒जाप॑तिमुपा॒धाव॑न्त्स ए॒तौ प्र॒जाप॑तिरा॒त्मन॑ उक्षव॒शौ निर॑मिमीत॒
ते दे॒वा वै॑ष्णावरु॒णीं व॒शामा॑ऽल॒भन्तै॑न्द्रमु॒क्षाण॑न्तं वरु॒णेनै॒व
ग्रा॑हयित्वा विष्णु॑ना य॒ज्ञेन॒ प्राणु॑दन्तै॒न्द्रेणै॒वास्यै॑न्द्रि॒यम॑वृ॒ञ्जत॒ यो
भ्रातृ॑व्यवा॒न्त्स्यात्स॒ स्पर्ध॑मानो वैष्णावरु॒णीं (२४)

व॒शामा॑ल॒भेतै॑न्द्रमु॒क्षाणं वरु॑णेनै॒व भ्रातृ॑व्यं ग्राहयित्वा विष्णु॑ना
य॒ज्ञेन॒ प्रणु॑दत॒ ऐ॒न्द्रेणै॒वास्यै॑न्द्रि॒यं वृ॒द्धे भ॑वत्या॒त्मना॒ परा॑स्य॒
भ्रातृ॑व्यो भव॒तीन्द्रो॑ वृ॒त्रम॑हन्तं वृ॒त्रो ह॑तः षोड॒शभि॑र्भो॒गैर॑सिना॒त्तस्य॑
वृ॒त्रस्य॑ शी॒र्षतो॑ गाव॒ उदा॑यन्ता॒ वैदे॒ह्योऽभ॑वन्तासा॒मृष॑भो
ज॒घने॑ऽनू॒दैत्तमिन्द्रो॑- (२५)

चाय॑त्सोऽमन्यत॒ यो वा इ॒ममा॑ल॒भेत॒ मुच्ये॑ता॒स्मात्पा॒-
प्मन्॒ इति॒ स आ॑ग्ने॒यं कृ॑ष्णग्री॒वमा॑ल॒भेतै॑न्द्रमृष॒भं तस्या॑ग्निरे॒व
स्वेन॑ भाग॒धेये॒नोप॑सृतः षोड॒शधा॒ वृ॒त्रस्य॑ भो॒गान॑प्य॒दह॑-
दै॒न्द्रेणै॑न्द्रि॒यमा॑त्मन्न॒धत्त॒ यः पा॒प्मना॑ गृहीतः स्यात्स॒ आ॑ग्ने॒यं
कृ॑ष्णग्री॒वमा॑ल॒भेतै॑न्द्रमृष॒भम॑ग्निरे॒वास्य॒ स्वेन॑ भाग॒धेये॒नोप॑सृतः (२६)

पा॒प्मान॑मपि॒ दहत्यै॑न्द्रेणै॒न्द्रि॒यमा॑त्मन्ध॒त्ते मुच्य॑ते पा॒प्मनो॒
भ॑वत्ये॒व द्या॑वापृथि॒व्या धे॑नुमा॒ल॒भेत॒ ज्यो॒गप॑रुद्धोऽनयो॒र्हि
वा ए॒षोऽप्र॑तिष्ठि॒तोऽथै॑ष ज्यो॒गप॑रुद्धो॒ द्यावा॑पृथि॒वी ए॒व स्वेन॑

भागधेयेनोपं धावति ते एवैनं प्रतिष्ठां गमयतः प्रत्येव तिष्ठति
पर्यारिणी भवति पर्यारीव ह्येतस्य राष्ट्रं यो ज्योगपरुद्धः समृद्धौ
वायव्यं (२७)

वत्समा लभेत वायुर्वा अनयोर्वत्स इमे वा एतस्मै
लोका अपंशुष्का विडपंशुष्काऽथैष ज्योगपरुद्धो वायुमेव स्वेन
भागधेयेनोपं धावति स एवास्मां इमाल्लोकान् विशं प्रदापयति
प्रास्मां इमे लोकाः सुवन्ति भुञ्जत्येनं विडुपंतिष्ठते॥ (२८)

मध्यन्दिने कद्रुं यमस्य स्पर्धमानो वैष्णावरुणीन्तमिन्द्रोऽस्य स्वेन
भागधेयेनोपंसृतो वायव्यं द्विचत्वारिंशच्च। (४)॥ [४]

इन्द्रो वलस्य बिलमपौर्णोत्स य उत्तमः पशुरासीत्तं पृष्ठं
प्रति सङ्गृह्योदक्खिदत्तं सहस्रं पशवोऽनूदायन्त्स उत्ततोऽभवद्यः
पशुकामः स्यात्स एतमैन्द्रमुन्नतमालभेतेन्द्रमेव स्वेन भागधेयेनोपं
धावति स एवास्मै पशून्प्रयच्छति पशुमानेव भवत्युन्नतो (२९)

भवति साहस्री वा एषा लक्ष्मी यदुन्नतो लक्ष्मियैव
पशून्वरुन्धे यदा सहस्रं पशून्प्राप्नुयादथ वैष्णवं वामनमा
लभेतैतस्मिन्वै तत्सहस्रमर्द्धतिष्ठत्तस्मादेष वामनः समीषितः
पशुभ्य एव प्रजातेभ्यः प्रतिष्ठां दधाति कोऽरहति सहस्रं
पशून्प्राप्तुमित्याहुरहोरात्राण्येव सहस्रं सम्पाद्यालभेत पशवो (३०)

वा अहोरात्राणि पशून्नेव प्रजातान्प्रतिष्ठां गमयत्योषधीभ्यो

वेह॑त॒माल॑भेत प्र॒जाका॑म॒ ओष॑धयो वा ए॒तं प्र॒जायै॑ परि॑बाधन्ते
 योऽलं॑ प्र॒जायै॑ सन्प्र॒जां न वि॑न्दत॒ ओष॑धयः खलु॒ वा ए॒तस्यै॑
 सू॒तुम॑पिं घ्नन्ति॒ या वे॒हद्व॑वत्योष॑धीरेव॒ स्वेन॑ भा॒गधे॑येनोप॑ धावति॒
 ता ए॒वास्मै॑ स्वा॒द्योनेः॑ प्र॒जां प्रज॑नयन्ति वि॒न्दते॑ (३१)

प्र॒जामा॑पो वा ओष॑धयोऽस॒त्पुरु॑ष॒ आप॑ ए॒वास्मा॑ अस॑तः
 स॒द्वद॑ति॒ तस्मा॑दाहु॒र्यश्चै॒वं वेद॑ यश्च॒ नाप॑स्त्वावा॒सतः॑ स॒द्वद॑तीत्यै॒न्द्री॑
 सू॒तव॑शा॒माल॑भेत॒ भूति॑कामोऽजा॑तो वा ए॒ष योऽलं॑ भू॒त्यै सन्भू॑तिं
 न प्रा॒प्नोती॑न्द्रं खलु॒ वा ए॒षा सू॒त्वा व॒शाऽभ॑व॒ (३२)

दि॒न्द्रमे॒व स्वेन॑ भा॒गधे॑येनोप॑ धावति॒ स ए॒वैनं॑ भूतिं॒ गम॑यति॒
 भव॑त्ये॒व य॑ सू॒त्वा व॒शा स्या॑त्तमै॒न्द्रमे॒वाल॑भेतै॒तद्वा॒व तदि॑न्द्रि॒य॑
 सा॒क्षादे॒वेन्द्रि॑यमव॑रुन्ध॒ ऐन्द्रा॑ग्रं पु॒नरु॑थ्सृष्ट॒माल॑भेत॒ य आ
 तृ॒तीया॒त्पुरु॑षा॒थ्सोमं॑ न पिबे॒द्विच्छि॑न्नो वा ए॒तस्य॑ सोमपी॒थो यो
 ब्रा॑ह्मणः सन्ना (३३)

तृ॒तीया॒त्पुरु॑षा॒थ्सोमं॑ न पिब॑तीन्द्रा॒ग्नी ए॒व स्वेन॑ भा॒गधे॑येनोप॑
 धावति॒ तावे॒वास्मै॑ सोमपी॒थं प्र॑यच्छ॒त उपै॑न॑ सोमपी॒थो न॑मति॒
 यदै॒न्द्रो भव॑तीन्द्रि॒यं वै सो॑मपी॒थ इन्द्रि॑यमे॒व सो॑मपी॒थमव॑रुन्धे
 यदा॑ग्ने॒यो भव॑त्याग्ने॒यो वै ब्रा॑ह्मणः स्वा॒मे॒व दे॒वता॑मनु॒ सन्त॑नोति
 पु॒नरु॑थ्सृष्टो भ॑वति पु॒नरु॑थ्सृष्ट इ॒व ह्यै॒तस्य॑ (३४)

सोमपी॒थः समृ॑द्धौ ब्राह्मणस्प॒त्यं तू॒पर॑माल॑भेताभि॒-

चरन्ब्रह्मणस्पतिमेव स्वेन भागधेयेनोप धावति तस्मा एवैनमा
 वृश्चति ताजगार्तिमाच्छति तूपरो भवति क्षुरपविर्वा एषा
 लक्ष्मी यत्तूपरः समृद्धौ स्फ्यो यूषो भवति वज्रो वै स्फ्यो
 वज्रमेवास्मै प्रहरति शरमयं बर्हिः शृणात्येवैनं वैभीदक इध्मो
 भिनत्येवैनम्॥ (३५)

भवत्युन्नतः पशवो जनयन्ति विन्दतेऽभवत्सन्नैतस्येद्धस्त्रीणि च॥—[५]

बारहस्पत्यः शितिपृष्ठमालभेत ग्रामकामो यः कामयेत पृष्ठः
 समानानां स्यामिति बृहस्पतिमेव स्वेन भागधेयेनोप धावति स
 एवैनं पृष्ठः समानानाङ्करोति ग्राम्येव भवति शितिपृष्ठो भवति
 बारहस्पत्यो ह्येष देवतया समृद्धौ पौष्णः श्याममालभेतान्नकामो-
 ऽन्नं वै पूषा पूषणमेव स्वेन भागधेयेनोप धावति स एवास्मा (३६)

अन्नं प्रयच्छत्यन्नाद एव भवति श्यामो भवत्येतद्वा अन्नस्य
 रूपः समृद्धौ मारुतं पृश्निमालभेतान्नकामोऽन्नं वै मरुतो
 मरुत एव स्वेन भागधेयेनोप धावति त एवास्मा अन्नं
 प्रयच्छन्त्यन्नाद एव भवति पृश्निर्भवत्येतद्वा अन्नस्य रूपः
 समृद्ध्या ऐन्द्रमरुणमालभेतेन्द्रियकाम इन्द्रमेव (३७)

स्वेन भागधेयेनोप धावति स एवास्मिन्निन्द्रियं दधातीन्द्रियाव्यैव
 भवत्यरुणो भ्रूमाभवत्येतद्वा इन्द्रस्य रूपः समृद्धौ सावित्रमुप-
 ऋस्तमालभेत सनिकामः सविता वै प्रसवानामीशे सवितारमेव
 स्वेन भागधेयेनोप धावति स एवास्मै सुनिं प्रसुवति दानकामा

अस्मै प्रजा भवन्त्युपद्धस्तो भवति सावित्रो ह्येष (३८)

देवतया समृद्धौ वैश्वदेवं बहुरूपमालभेतान्नकामो वैश्वदेवं वा
अन्नं विश्वानेव देवान्स्वेन भागधेयेनोप धावति त एवास्मा अन्नं
प्रयच्छन्त्यन्नाद एव भवति बहुरूपो भवति बहुरूपः ह्यन्नः समृद्धौ
वैश्वदेवं बहुरूपमालभेत ग्रामकामो वैश्वदेवा वै संजाता विश्वानेव
देवान्स्वेन भागधेयेनोप धावति त एवास्मै (३९)

सजातान्प्रयच्छन्ति ग्राम्येव भवति बहुरूपो भवति
बहुदेवत्यो^(१) ह्येष समृद्धौ प्राजापत्यं तूपरमालभेत
यस्यानाज्ञातमिव ज्योगामयेत्प्राजापत्यो वै पुरुषः प्रजापतिः खलु
वै तस्य वेद यस्यानाज्ञातमिव ज्योगामयति प्रजापतिमेव स्वेन
भागधेयेनोप धावति स एवैनं तस्मात्स्त्रामान्मुञ्चति तूपरो भवति
प्राजापत्यो ह्येष देवतया समृद्धौ॥ (४०)

अस्मा इन्द्रमेवैष संजाता विश्वानेव देवान्स्वेन भागधेयेनोप धावति त
एवास्मै प्राजापत्यो हि त्रीणि च॥ [६]

वषट्कारो वै गांयत्रियै शिरोऽच्छिन्नतस्यै रसः पराऽपतत्तं
बृहस्पतिरुपांगृह्णात्सा शितिपृष्ठा वशाऽभवद्यो द्वितीयः परापतत्तं
मित्रावरुणावुपांगृह्णीताः सा द्विरूपा वशाऽभवद्यस्तृतीयः परापतत्तं
विश्वे देवा उपांगृह्णात्सा बहुरूपा वशाऽभवद्यश्चतुर्थः परापतत्तस्य
पृथिवीं प्राविशत्तं बृहस्पतिरभ्य- (४१)

गृह्णादस्त्वेवायं भोगायेति स उक्षवशः समभवद्यल्लोहितं
 परापतत्तद्बुद्ध उपांगृह्णात्सा रौद्री रोहिणी वशाऽभवद्वारहस्पत्याः
 शितिपृष्ठामालभेत ब्रह्मवर्चसकामो बृहस्पतिमेव स्वेन भागधेयेनोप
 धावति स एवास्मिन्ब्रह्मवर्चसं दधाति ब्रह्मवर्चस्यैव भवति छन्दसां
 वा एष रसो यद्वशा रस इव खलु (४२)

वै ब्रह्मवर्चसं छन्दसामेव रसेन रसं ब्रह्मवर्चसमवरुन्धे
 मैत्रावरुणीं द्विरूपामालभेत वृष्टिकामो मैत्रं वा अहर्वारुणी
 रात्रिरहोरात्राभ्यां खलु वै पर्जन्यो वर्षति मित्रावरुणावेव
 स्वेन भागधेयेनोप धावति तावेवास्मा अहोरात्राभ्यां पर्जन्यं
 वर्षयतश्छन्दसां वा एष रसो यद्वशा रस इव खलु वै
 वृष्टिश्छन्दसामेव रसेन (४३)

रसं वृष्टिमवरुन्धे मैत्रावरुणीं द्विरूपामालभेत प्रजाकामो
 मैत्रं वा अहर्वारुणी रात्रिरहोरात्राभ्यां खलु वै प्रजाः प्रजायन्ते
 मित्रावरुणावेव स्वेन भागधेयेनोप धावति तावेवास्मा अहोरात्राभ्यां
 प्रजां प्रजनयतश्छन्दसां वा एष रसो यद्वशा रस इव खलु वै
 प्रजा छन्दसामेव रसेन रसं प्रजामव (४४)

रुन्धे वैश्वदेवीं बहुरूपामालभेतान्नकामो वैश्वदेवं वा अन्नं
 विश्वानेव देवान्स्वेन भागधेयेनोप धावति त एवास्मा अन्नं
 प्रयच्छन्त्यन्नाद एव भवति छन्दसां वा एष रसो यद्वशा रस

इव खलु वा अन्नं छन्दसामेव रसेन रसमन्नमवरुन्धे वैश्वदेवीं
बहुरूपामालभेत ग्रामकामो वैश्वदेवा वै (४५)

संजाता विश्वानेव देवान्स्वेन भागधेयेनोप धावति त एवास्मै
सजातान्प्रयच्छन्ति ग्राम्यैव भवति छन्दसां वा एष रसो यद्वशा
रसं इव खलु वै संजाताश्छन्दसामेव रसेन रसं सजातानवरुन्धे
बारहस्पत्यमुक्षवशमालभेत ब्रह्मवर्चसकामो बृहस्पतिमेव स्वेन
भागधेयेनोप धावति स एवास्मिन्ब्रह्मवर्चसं (४६)

दधाति ब्रह्मवर्चस्यैव भवति वशं वा एष चरति यदुक्षा
वशं इव खलु वै ब्रह्मवर्चसं वशेनैव वशं ब्रह्मवर्चसमवरुन्धे
रौद्रीं रोहिणीमालभेताभिचरन्नुद्रमेव स्वेन भागधेयेनोप धावति
तस्मा एवैनमावृश्चति ताजगार्तिमाच्छति रोहिणी भवति रौद्री
ह्येषा देवतया समृद्धौ स्फ्यो यूपो भवति वज्रो वै स्फ्यो
वज्रमेवास्मै प्रहरति शरमयं बर्हिः शृणात्येवैनं वैभीदक इध्मो
भिनत्येवैनम्॥ (४७)

अभि खलु वृष्टिश्छन्दसामेव रसेन प्रजामवं वैश्वदेवा वै ब्रह्मवर्चसं यूप
एकान्नविंशतिश्च। (७)॥

[७]

असावादित्यो न व्यरोचत तस्मै देवाः प्रायश्चित्तिमैच्छन्तस्मा
एतां सौरींश्चेतां वशामालभन्त तयैवास्मिन्नुचमदधुर्यो
ब्रह्मवर्चसकामः स्यात्तस्मा एतां सौरींश्चेतां वशामालभेतामुमेवाऽऽ

स्वेन॑ भाग॒धेये॒नोप॑ धावति॒ स ए॒वास्मिन्ब्र॑ह्मवर्च॒सं द॑धाति
ब्रह्मवर्च॒स्यैव॑ भवति बै॒ल्वो यू॒पो भवत्य॒सौ (४८)

वा आ॑दित्यो यतोऽजा॑यत॒ ततो॑ बि॒ल्वं उ॑दतिष्ठ॒त्सयो॑न्ये॒व
ब्र॑ह्मवर्च॒समव॑रुन्धे ब्राह्मणस्प॒त्यां ब॑भ्रुक॒र्णीमा ल॑भेताभिचर॒न्वारु॑णं
दश॑कपालं पु॒रस्ता॒न्निर्व॑पे॒द्वरु॑णेनै॒व भ्रातृ॑व्यं ग्राहयित्वा ब्रह्म॑णा
स्तृ॑णुते बभ्रुक॒र्णी भ॑वत्येत॒द्वै ब्रह्म॑णो रू॒पः समृ॑द्ध्यै स्फ्यो यू॒पो
भवति॒ वज्रो॒ वै स्फ्यो॒ वज्र॑मे॒वास्मै॒ प्रह॑रति शर॒मयं ब॒र्हिः
शृ॒णा- (४९)

त्ये॒वैनं॑ वैभी॑दक इ॒ध्मो भि॑नत्ये॒वैनं॑ वैष्ण॒वं वा॑म॒नमा॑ल॒भेत॒ यं
य॒ज्ञो नो॑प॒नमे॒द्विष्णु॑र्वै य॒ज्ञो वि॑ष्णुमे॒व स्वेन॑ भाग॒धेये॒नोप॑ धावति॒
स ए॒वास्मै॒ यज्ञं॑ प्रयच्छत्यु॒पैनं॑ य॒ज्ञो न॑मति वाम॒नो भ॑वति वैष्ण॒वो
ह्ये॒ष दे॒वत॑या॒ समृ॑द्ध्यै त्वा॒ष्ट्रं व॑ड॒बमा॑ल॒भेत॒ प॒शुका॑म॒स्त्वष्टा॒ वै प॑शूनां
मि॑थु॒नाना॑ (५०)

प्र॒ज॒नयि॑ता त्वष्टा॑रमे॒व स्वेन॑ भाग॒धेये॒नोप॑ धावति॒ स ए॒वास्मै॒
प॒शून्मि॑थु॒नान्प्र॑ज॒नय॑ति प्र॒जा हि॒ वा ए॒तस्मिन्प॑शवः प्रवि॑ष्टा अथै॒ष
पु॒मा॒न्त्सन्व॑ड॒बः सा॒क्षादे॒व प्र॒जां प॒शून्व॑रुन्धे मै॒त्रः श्वे॑तमा॒ल॒भेत॒
सङ्ग्रा॑मे सं य॒त्ते स॒मय॑का॒मो मि॒त्रमे॒व स्वेन॑ भाग॒धेये॒नोप॑ धावति॒
स ए॒वैनं॑ मि॒त्रेण॒ सन्न॑यति (५१)

वि॒शा॒लो भ॑वति॒ व्य॒वसा॑ययत्ये॒वैनं॑ प्रा॒जाप॑त्यं कृष्णमा॒ल॒भेत॒

वृष्टिकामः प्रजापतिर्वै वृष्ट्या ईशे प्रजापतिमेव स्वेन भागधेयेनोप
धावति स एवास्मै पर्जन्यं वर्षयति कृष्णो भवत्येतद्वै वृष्ट्यै रूपं
रूपेणैव वृष्टिमवरुन्धे शबलो भवति विद्युतमेवास्मै जनयित्वा
वर्षयत्यवाशृङ्गो भवति वृष्टिमेवास्मै नियच्छति॥ (५२)

शृणाति मिथुनानात्रयति यच्छति॥ [८]

वरुणं सुषुवाणमन्नाद्यन्नोपानमत्स एतां वारुणीं
कृष्णां वशामपश्यत्तां स्वायै देवताया आलभत ततो वै
तमन्नाद्यमुपानमद्यमलमन्नाद्याय सन्तमन्नाद्यन्नोपनमेत्स एतां
वारुणीं कृष्णां वशामालभेत वरुणमेव स्वेन भागधेयेनोप धावति
स एवास्मा अन्नं प्रयच्छत्यन्नादः (५३)

एव भवति कृष्णा भवति वारुणी ह्येषा देवताया समृद्धौ
मैत्रं श्वेतमालभेत वारुणं कृष्णमपां चौषधीनां च सन्धावन्नकामो
मैत्रीर्वा ओषधयो वारुणीरापोऽपां च खलु वा ओषधीनां
च रसमुपजीवामो मित्रावरुणावेव स्वेन भागधेयेनोप धावति
तावेवास्मा अन्नं प्रयच्छतोऽन्नाद एव भव- (५४)

त्यपां चौषधीनां च सन्धावालभत उभयस्यावरुद्धौ विशाखो
यूपो भवति द्वे ह्येते देवते समृद्धौ मैत्रं श्वेतमा लभेत वारुणं
कृष्णं ज्योगामयावी यन्मैत्रो भवति मित्रेणैवास्मै वरुणं शमयति
यद्वारुणः साक्षादेवैनं वरुणपाशान्मुञ्चत्युत यदीतासुर्भवति जीवत्येव
देवा वै पुष्टिर्नाविन्द- (५५)

न्तां मिथुनेऽपश्यन्तस्यां न समं राधयन्तावश्विना-
 वब्रूतामवयोर्वा एषा मैतस्यां वदद्धमिति साऽश्विनोरेवाभवद्यः
 पुष्टिकामः स्यात्स एतामाश्विनीं यमीं वशामालंभेताश्विनावेव
 स्वेनं भागधेयेनोपं धावति तावेवास्मिन्पुष्टिं धत्तः पुष्यति प्रजयां
 पशुभिः॥ (५६)

अन्नादोऽन्नाद एव भवत्यविन्दन्यश्चत्वारिंशच्च॥—————[९]

आश्विनं धूम्रलंलाममालंभेत् यो दुर्ब्राह्मणः सोमं पिपासेदश्विनौ
 वै देवानामसोमपावास्तां तौ पश्चा सोमपीथं प्राप्नुतामश्विनावेतस्य
 देवता यो दुर्ब्राह्मणः सोमं पिपासत्यश्विनावेव स्वेनं भागधेयेनोपं
 धावति तावेवास्मै सोमपीथं प्रयच्छत् उपैनं सोमपीथो नमति
 यद्धूम्रो भवति धूम्रिमाणमेवास्मादपहन्ति ललामो (५७)

भवति मुखत एवास्मिन्तेजो दधाति वायव्यं गोमृगमा-
 लंभेत् यमजंघ्रिवांसमभिश् संयुरपूता वा एतं वागृच्छति
 यमजंघ्रिवांसमभिश् संन्ति नैष ग्राम्यः पशुर्नाऽरण्यो यद्गोमृगो
 नेवैष ग्रामे नारण्ये यमजंघ्रिवांसमभिश् संन्ति वायुर्वै देवानां
 पवित्रं वायुमेव स्वेनं भागधेयेनोपं धावति स एवै- (५८)

नं पवयति पराची वा एतस्मै व्युच्छन्ती व्युच्छति तमः
 पाप्मानं प्रविशति यस्याश्विने शस्यमाने सूर्यो नाविर्भवति सौर्यं
 बहूरूपमालंभेतामुमेवाऽऽदित्यं स्वेनं भागधेयेनोपं धावति स

ए॒वास्मात्त॒मः पा॒प्मान॒मप॑हन्ति प्र॒तीच्य॑स्मै व्यु॒च्छन्ती व्यु॑च्छत्यप॒
तमः पा॒प्मान॑ ह॒ते॥ (५९)

ल॒लामः स ए॒व षट्त्वारि॑शच्च॥ _____ [१०]

इन्द्रं॑ वो वि॒श्वत॑स्परीन्द्रं॑ नरो मरु॑तो यद्ध॑ वो दि॒वो या वः शर्म॑।
भरे॒ष्विन्द्र॑ ह॒वामहे॑ऽहोमुच॑ सु॒कृतं॑ दै॒व्यं जन॑म्। अ॒ग्निं
मि॒त्रं वरु॑ण॒ सात॑ये भगं॒ द्यावा॑पृथि॒वी मरु॑तः स्व॒स्तये॑। म॒मत्तु॑ नः
परि॑ज्मा वस॒रहा॑ म॒मत्तु॑ वातो॒ अपां॑ वृष॑ण्वान्। शि॒शीत॑मिन्द्रा॒पर्वता॑
यु॒वन्न॑स्तन्नो॒ विश्वे॑ वरि॒वस्य॑न्तु दे॒वाः। प्रि॒या वो नाम॑ (६०)

हु॒वे तुरा॑णा॒म्। आय॑त्तृप॒न्मरु॑तो वाव॒शानाः॑। श्रि॒यसे॑ कं
भा॒नुभिः॑ स॒मिमि॑क्षिरे॒ ते र॒श्मिभि॑स्त ऋ॒क्भिः सु॒खाद॑यः। ते
वा॒शीम॑न्त इ॒ष्मिणो॑ अ॒भीर॑वो वि॒द्रे प्रि॒यस्य॑ मा॒रुत॑स्य॒ धाम्नः॑।
अ॒ग्निः प्र॑थ॒मो वसु॑भिर्नो॒ अव्या॑त्सोमो॒ रुद्रे॑भि॒रभिर॑क्षतु॒ त्मना॑।
इन्द्रो॑ म॒रुद्वि॑र॒ऋतु॑धा कृ॒णोत्वादि॑त्यैर्नो॒ वरु॑णः स॒ शि॑शातु। सन्नो॑
दे॒वो वसु॑भिर॒ग्निः स॑ (६१)

सोम॑स्त॒नूभी रु॒द्रिया॑भिः। स॒मिन्द्रो॑ म॒रुद्वि॑र्य॒ज्ञियैः स॒मादि॑त्यैर्नो॒
वरु॑णो अ॒जिज्ञि॑पत्। यथा॑ऽऽदि॒त्या वसु॑भिः स॒म्बभू॑वुर्म॒रुद्वी
रु॒द्राः स॒मजा॑नता॒भि। ए॒वा त्रि॑णाम॒न्नह॑णीयमा॒ना वि॒श्वे दे॒वाः
स॒मन॑सो भवन्तु। कुत्रा॑चि॒द्यस्य॑ स॒मृतौ॑ र॒ण्वा नरो॑ नृष॑दे॒ने।
अ॒रह॑न्तश्चि॒द्यमि॑न्ध॒ते सं॒ञ्जन॑यन्ति ज॒न्तवः॑। सं य॒दिषो॑ वना॑महे

स९ ह॒व्या मानु॑षाणाम्। उ॒त द्यु॒म्रस्य॑ श॒वंस (६२)

ऋ॒तस्य॑ र॒श्मिमा॑ददे। य॒ज्ञो दे॒वानां॑ प्र॒त्येति॑ सु॒म्रमा॑दित्यासो
भ॒वता॑ मृ॒डय॑न्तः। आ॒वोऽर्वा॑ची सु॒मति॑र्वृ॒त्याद॑होश्चि॒द्या
व॑रि॒वोवि॑त्तरा॒ऽसत्। शुचि॑र॒पः सू॒यव॑सा अ॒दब्ध॑ उप॑क्षेति वृ॒द्धव॑याः
सु॒वीरः॑। नकि॑ष्टं घ्नन्त्यन्ति॑तो न दू॒राद्य॑ आ॒दित्या॑नां भ॒वति॑ प्र॒णीतौ॑।
धा॒रय॑न्त आ॒दित्या॑सो जग॑त्स्था दे॒वा वि॒श्वस्य॑ भु॒वन॑स्य गो॒पाः।
दी॒र्घाधि॑यो रक्ष॑माणा (६३)

असु॑र्यमृ॒तावा॑न॒श्चय॑माना ऋ॒णानि॑। ति॒स्रो भू॑मी॒र्धा॒रय॑न्त्री९ रु॒त
द्यु॒न्त्रीणि॑ व्र॒ता वि॒दथे॑ अ॒न्तरे॑षाम्। ऋ॒तेना॑ऽऽदि॒त्या म॑हि वो म॒हित्वं
तद॑र्यम॒न्वरु॑ण मि॒त्र चारु॑। त्यां नु क्ष॑त्रिया॒९ अ॒व आ॑दि॒त्यान्
या॑चिषामहे। सु॒मृडी॒का९ अ॒भिष्ट॑ये। न दक्षि॑णा विचि॑किते न स॒व्या
न प्रा॒चीन॑मादि॒त्या नो॑त प॒श्चा। पा॒क्याचि॑द्व॒सवो॑ धी॒र्याचि॑- (६४)

द्यु॒ष्मानी॑तो अ॒भयं॑ ज्योति॑रश्याम्। आ॒दि॒त्याना॑म॒वसा॑ नू॒तने॑न
सक्षी॑महि श॒र्मणा॑ श॒न्तमे॑न। अ॒नागा॑स्त्वे अ॒दिति॑त्वे तु॒रास॑ इ॒मं
य॒ज्ञं द॑धतु श्रोष॑माणाः। इ॒मं मे॑ वरु॑ण श्रु॒धी ह॑व॒मद्या॑ च॑ मृ॒डय।
त्वा॒मव॑स्युराच॑के। तत्त्वा॑ या॒मि ब्र॑ह्म॒णा व॑न्द॒मान॑स्तदाऽऽशा॑स्ते
यज॑मानो ह॒विर्भिः॑। अहे॑ड॒मानो॑ वरु॒णेह॑ बो॒द्ध्युरु॑श॒९ स॒ मा न॒ आयुः॑
प्रमो॑षीः॥ (६५)

नाम॒ग्निः स९ श॒वसो॑ रक्ष॑माणा धी॒र्याचि॑दे॒कान्न॑पञ्चा॒शच्च॑॥ [११]

[वायव्यं प्रजापतिस्ता वरुणं देवासुरा एष्वसावादित्यो दशरूपभामिन्द्रो वलस्यं बारहस्पत्यं वषट्कारोऽसौ सौरीं वरुणमाश्विनमिन्द्रं वो नर एकादश॥११॥ वायव्यमाग्नेयीं कृष्णग्रीवीमसावादित्यो वा अंहोरात्राणि वषट्कारः प्रजनयिता हुवे तुराणां पञ्चपटिः॥६५॥ वायव्यं प्रमोषीः॥]

॥द्वितीयः प्रश्नः॥

॥तैत्तिरीयसंहितायां द्वितीयकाण्डे द्वितीयः प्रश्नः॥

प्रजापतिः प्रजा असृजत् ताः सृष्टा इन्द्राग्नी अपागूहताः
सोऽचायत्प्रजापतिरिन्द्राग्नी वै मे प्रजा अपाघुक्षतामिति
स एतमैन्द्राग्रमेकादशकपालमपश्यत्तन्निरवपत्तावस्मै प्रजाः
प्रासाधयतामिन्द्राग्नी वा एतस्य प्रजामपगूहतो योऽलं प्रजायै
सन्प्रजां न विन्दत ऐन्द्राग्रमेकादशकपालं निर्वपेत्प्रजाकाम
इन्द्राग्नी (१)

एव स्वेन भागधेयेनोप धावति तावेवास्मै प्रजां प्रासाधयतो
विन्दते प्रजामैन्द्राग्रमेकादशकपालं निर्वपेत्स्पर्धमानः क्षेत्रे वा
सजातेषु वेन्द्राग्नी एव स्वेन भागधेयेनोप धावति ताभ्यामेवेन्द्रियं
वीर्यं भ्रातृव्यस्य वृद्धे वि पाप्मना भ्रातृव्येण जयतेऽप वा
एतस्मादिन्द्रियं वीर्यं क्रामति यः सङ्ग्राममुपप्रयात्यैन्द्राग्रमेकादश-
कपालं निर्- (२)

वपेत्सङ्ग्राममुपप्रयास्यन्निन्द्राग्नी एव स्वेन भागधेयेनोप

धावति तावेवास्मिन्निन्द्रियं वीर्यं धत्तः सहेन्द्रियेण वीर्येणोपप्रयाति
जयति त९ सङ्ग्रामं वि वा एष इन्द्रियेण वीर्येणर्द्धते यः सङ्ग्रामं
जयत्येन्द्राग्रमेकादशकपालं निर्वपेत्सङ्ग्रामं जित्वेन्द्राग्नी एव स्वेन
भागधेयेनोप धावति तावेवास्मिन्निन्द्रियं वीर्यं (३)

धत्तो नेन्द्रियेण वीर्येण व्यृद्धतेऽप वा एतस्मादिन्द्रियं वीर्यं
क्रामति य एति जनतामैन्द्राग्रमेकादशकपालं निर्वपेज्जनता-
मेष्यन्निन्द्राग्नी एव स्वेन भागधेयेनोप धावति तावेवास्मिन्निन्द्रियं
वीर्यं धत्तः सहेन्द्रियेण वीर्येण जनतामेति पौष्णं चरुमनुनिर्वपेत्पूषा
वा इन्द्रियस्य वीर्यस्यानुप्रदाता पूषणमेव (४)

स्वेन भागधेयेनोप धावति स एवास्मा इन्द्रियं
वीर्यमनु प्रयच्छति क्षेत्रपत्यं चरुं निर्वपेज्जनतामागत्येयं वै
क्षेत्रस्य पतिरस्यामेव प्रतिष्ठत्यैन्द्राग्रमेकादशकपालमुपरिष्ठा-
न्निर्वपेदस्यामेव प्रतिष्ठायैन्द्रियं वीर्यमुपरिष्ठादात्मन्धत्ते॥ (५)

प्रजाकाम इन्द्राग्नी उपप्रयात्यैन्द्राग्रमेकादशकपालं निर्वीर्यं
पूषणमेवैकान्नचत्वारि९ शब्द॥ [१]

अग्नये पथिकृते पुरोडाशमष्टाकपालं निर्वपेद्यो दृशपूर्णमासयाज
सन्नमावास्या वा पौर्णमासी वाऽतिपादयेत्पथो वा एषो-

ऽद्धपथेनैति यो दर्शपूर्णमासयाजी सन्नमावास्यां वा पौर्णमासीं
वाऽतिपादयत्यग्निमेव पथिकृतं स्वेन भागधेयेनोप धावति स
एवैनमपथात्पन्थामपि नयत्यनङ्गान्दक्षिणा वही ह्येष समृद्ध्या
अग्नये व्रतपतये (६)

पुरोडाशमष्टाकपालं निर्वपेद्य आहिताग्निः सन्नव्रत्यमिव
चरेदग्निमेव व्रतपतिं स्वेन भागधेयेनोप धावति स एवैनं
व्रतमालम्भयति व्रत्यो भवत्यग्नये रक्षोघ्ने पुरोडाशमष्टाकपालं
निर्वपेद्य रक्षांसि सचैरन्नग्निमेव रक्षोहणं स्वेन भागधेयेनोप
धावति स एवास्माद्रक्षांस्यपहन्ति निशितायां निर्वपे- (७)

निशिताया रक्षांसि प्रेरते सम्प्रेणान्येवैनानि हन्ति
परिश्रिते याजयेद्रक्षसांमनन्ववचाराय रक्षोघ्नी याज्यानुवाक्ये
भवतो रक्षसां स्तृत्या अग्नये रुद्रवते पुरोडाशमष्टाकपालं
निर्वपेदभिचरन्नेषा वा अस्य घोरा तनूर्यद्रुद्रस्तस्मा एवैनमावृश्चति
ताजगार्तिमाच्छत्यग्नये सुरभिमतं पुरोडाशमष्टाकपालं निर्वपेद्यस्य
गावो वा पुरुषा - (८)

वा प्रमीयेरन् यो वा बिभीयादेषा वा अस्य भेषज्यां
तनूर्यथ्सुरभिमती तयैवास्मै भेषजं करोति सुरभिमतं भवति
पूतीगन्धस्यापहत्या अग्नये क्षामवते पुरोडाशमष्टाकपालं
निर्वपेथ्सङ्ग्रामे सं यत्ते भागधेयेनैवैनं शमयित्वा परानभि

निर्दिशति यमवरेषां विद्ध्यन्ति जीवन्ति स यं परेषां प्र स मीयते
जयति त९ सङ्ग्राम- (९)

मभि वा एष एतानुच्यति येषां पूर्वापरा अन्वञ्चः प्रमीयन्ते
पुरुषाहुतिर्ह्यस्य प्रियतमाऽग्नये क्षामवते पुरोडाशमष्टाकपालं
निर्वपेद्भागधेयेनैवैन९ शमयति नैषां पुराऽऽयुषोऽपरः प्रमीयतेऽभि
वा एष एतस्य गृहानुच्यति यस्य गृहान्दहत्यग्नये क्षामवते
पुरोडाशमष्टाकपालं निर्वपेद्भागधेयेनैवैन९ शमयति नास्यापरं
गृहान्दहति॥ (१०)

व्रतपतये निशितायान्निर्वपेत्पुरुषाः सङ्ग्रामत्र चत्वारि च॥—————[२]

अग्नये कामाय पुरोडाशमष्टाकपालं निर्वपेद्यं कामो
नोपनमैदग्निमेव काम९ स्वेनं भागधेयेनोपं धावति स एवैनं
कामेन समर्द्धयत्युपैनं कामो नमत्यग्नये यविष्ठाय पुरोडाशमष्टा-
कपालं निर्वपेत्स्पर्धमानः क्षेत्रे वा सजातेषु वाऽग्निमेव यविष्ठ९
स्वेनं भागधेयेनोपं धावति तेनैवेन्द्रियं वीर्यं भ्रातृव्यस्य (११)

युवते वि पाप्मना भ्रातृव्येण जयतेऽग्नये यविष्ठाय
पुरोडाशमष्टाकपालं निर्वपेदभिचर्यमाणोऽग्निमेव यविष्ठ९
स्वेनं भागधेयेनोपं धावति स एवास्माद्रक्षा९सि यवयति
नैनमभिचरन्श्स्तृणुतेऽग्नय आयुष्मते पुरोडाशमष्टाकपालं निर्वपेद्यः

का॒मये॑त॒ सर्व॑मायुरि॒यामि॒त्यग्नि॑मे॒वाऽऽयु॑ष्मन्त॒ः॒ स्वेन॑ भा॒गधे॑ये॒नोप॑
धाव॑ति॒ स ए॒वास्मि॑- (१२)

त्रायु॑र्दधाति॒ सर्व॑मायुरे॒त्यग्नये॑ जा॒तवे॑दसे पु॒रोडा॑शम॒ष्टाक॑पालं
निर्व॑पे॒द्भूति॑कामोऽग्नि॑मे॒व जा॒तवे॑दस॒ः॒ स्वेन॑ भा॒गधे॑ये॒नोप॑ धाव॑ति
स ए॒वैनं॑ भूतिं॑ गमयति॒ भव॑त्ये॒वाग्नये॑ रुक्म॑न्ते पु॒रोडा॑शम॒ष्टाक॑पालं
निर्व॑पे॒द्भुक्का॑मोऽग्नि॑मे॒व रुक्म॑न्त॒ः॒ स्वेन॑ भा॒गधे॑ये॒नोप॑ धाव॑ति॒ स
ए॒वास्मिन्नु॑च॑ दधाति॒ रोच॑न्ते ए॒वाग्नये॑ तेज॑स्वते पु॒रोडा॑श- (१३)

म॒ष्टाक॑पालं निर्व॑पे॒त्तेज॑स्कामोऽग्नि॑मे॒व तेज॑स्वन्त॒ः॒ स्वेन॑
भा॒गधे॑ये॒नोप॑ धाव॑ति॒ स ए॒वास्मिन्ते॑जो॑ दधाति॒ तेज॑स्व्ये॒व
भव॑त्य॒ग्नये॑ सा॒हन्त्या॑य॒ पु॒रोडा॑शम॒ष्टाक॑पालं निर्व॑पे॒त्सीक्ष॑माणो-
ऽग्नि॑मे॒व सा॒हन्त्य॑ः॒ स्वेन॑ भा॒गधे॑ये॒नोप॑ धाव॑ति॒ तेनै॒व स॑हते॒ यः
सीक्ष॑ते॥ (१४)

भ्रातृ॑व्यस्यास्मिन्तेज॑स्वते पु॒रोडा॑शम॒ष्टात्रिं॑शच्च॥ [३]

अ॒ग्नये॑ऽन्न॑वते पु॒रोडा॑शम॒ष्टाक॑पालं निर्व॑पे॒द्यः का॒मये॑तान्न-
वा॒न्थस्या॑मि॒त्यग्नि॑मे॒वान्न॑वन्त॒ः॒ स्वेन॑ भा॒गधे॑ये॒नोप॑ धाव॑ति॒ स
ए॒वैन॑मन्न॑वन्तं॒ करो॑त्यन्न॑वाने॒व भव॑त्य॒ग्नये॑ऽन्ना॒दाय॑ पु॒रोडा॑श-
म॒ष्टाक॑पालं निर्व॑पे॒द्यः का॒मये॑तान्ना॒दः स्या॑मि॒त्यग्नि॑मे॒वान्ना॑दः॒ स्वेन॑
भा॒गधे॑ये॒नोप॑ धाव॑ति॒ स ए॒वैन॑मन्ना॒दं करो॑त्यन्ना॒द - (१५)

ए॒व भव॑त्य॒ग्नये॑ऽन्न॑पतये पु॒रोडा॑शम॒ष्टाक॑पालं निर्व॑पे॒द्यः

कामयेतान्नपतिः स्यामित्यग्निमेवान्नपतिः॥ स्वेन॑ भागधेयेनोप॑
धावति॒ स ए॒वैन॒मन्न॑पतिं करोत्यन्नपतिरे॒व भ॑वत्य॒ग्नये॒ प॒वं॒मानाय॑
पुरो॒डाश॑म॒ष्टाक॑पालं॒ निर्व॑पेद॒ग्नये॑ पाव॒काया॒ग्नये॑ शुच॑ये॒ ज्यो॒गा॒मया॑वी
यद॒ग्नये॒ प॒वं॒मानाय॑ निर्वपति प्रा॒णमे॒वास्मि॒न्तेन॑ दधाति॒ यद॒ग्नये॑ (१६)

पाव॒काय॒ वाच॑मे॒वास्मि॒न्तेन॑ दधाति॒ यद॒ग्नये॑ शुच॑य
आयु॑रे॒वास्मि॒न्तेन॑ दधात्यु॒त यदी॒तासु॑र्भवति॒ जीव॑त्ये॒वैतामे॒व
निर्व॑पेच्चक्षु॑ष्कामो॒ यद॒ग्नये॒ प॒वं॒मानाय॑ निर्वपति प्रा॒णमे॒वास्मि॒न्तेन॑
दधाति॒ यद॒ग्नये॑ पाव॒काय॒ वाच॑मे॒वास्मि॒न्तेन॑ दधाति॒ यद॒ग्नये॑ शुच॑ये
चक्षु॑रे॒वास्मि॒न्तेन॑ दधा- (१७)

त्यु॒त यद्य॒न्धो भ॑वति॒ प्रैव॑ पश्यत्य॒ग्नये॑ पु॒त्रव॑ते पुरो॒डाश॑म॒ष्टा-
क॑पालं॒ निर्व॑पेदिन्द्रा॒य पु॒त्रिणे॑ पुरो॒डाश॑मेकादशकपालं प्र॒जाका॑मो-
ऽग्निरे॒वास्मै॑ प्र॒जां प्र॑ज॒नय॑ति वृ॒द्धामिन्द्रः॒ प्रय॑च्छत्य॒ग्नये॒ रस॑वते-
ऽज॒क्षीरे॒ चरुं॑ निर्वपेद्यः कामये॑त् रस॑वान्धस्यामित्य॒ग्निमे॒व रस॑वन्तः॥
स्वेन॑ भागधेयेनोप॑ धावति॒ स ए॒वैन॒ रस॑वन्तं करोति॒ (१८)

रस॑वाने॒व भ॑वत्यज॒क्षीरे॒ भव॑त्याग्नेयी॒ वा ए॒षा यद॑जा सा॒क्षादे॒व
रस॑मवरु॒न्धेऽग्नये॒ वसु॑मते पुरो॒डाश॑म॒ष्टाक॑पालं॒ निर्व॑पेद्यः कामये॑त्
वसु॑मान्धस्यामित्य॒ग्निमे॒व वसु॑मन्तः॥ स्वेन॑ भागधेयेनोप॑ धावति॒ स
ए॒वैन॒ वसु॑मन्तं करोति॒ वसु॑माने॒व भ॑वत्य॒ग्नये॑ वाज॒सृते॑ पुरो॒डाश॑-
म॒ष्टाक॑पालं॒ निर्व॑पेत्सङ्ग्रामे सं य॑त्ते वाजं॒ (१९)

वा ए॒ष सिंसी॒र॒षति॒ यः सं॒ङ्गामं॑ जिगी॒षत्य॒ग्निः खलु॑
 वै दे॒वानां॑ वा॒ज॒सृ॒द॒ग्निमे॒व वा॒ज॒सृ॒तः॑ स्वेन॑ भा॒ग॒धे॒येनोप॑
 धाव॒ति धाव॑ति॒ वा॒जः॑ ह॒न्ति वृ॒त्रं ज॑य॒ति तः॑ सं॒ङ्गाम॑मथो
 अ॒ग्निरि॑व न प्र॒ति॒धृषे॑ भवत्य॒ग्नये॑ऽग्न॒िवते॑ पुरो॒डाश॑म॒ष्टाक॑पालं
 निर्व॑पेद्यस्या॒ग्नाव॒ग्निम॑भ्युद्धरे॒युर्निर्दिष्ट॑भागो वा ए॒तयो॑र॒न्यो-
 ऽनिर्दिष्ट॑भागोऽन्यस्तौ स॒म्भ॒वन्तौ यज॑मान- (२०)

म॒भिस॑म्भ॒वतः॑ स ई॒श्वर आ॒र्ति॒मा॒र्तो॒र्यद॒ग्नये॑ऽग्न॒िवते॑ निर्व॑प॒ति
 भा॒ग॒धे॒येनै॒वैनौ॑ श॒मय॑ति॒ ना॒र्ति॒मा॒र्छति॑ यज॑मानोऽग्नये॒ ज्योति॑ष्मते
 पुरो॒डाश॑म॒ष्टाक॑पालं निर्व॑पेद्यस्या॒ग्निरुद्ध॑तोऽहु॒तेऽग्नि॑होत्र उ॒द्वाये॑दप॒र
 आ॒दी॒प्या॒नूद्ध॑त्य॒ इत्या॑हुस्तत्तथा न का॒र्यं यद्वा॑ग॒धेय॑म॒भि पूर्वं॑
 उद्ध्र॑यते॒ किम॑प॒रोऽभ्यु॑- (२१)

द्वि॒येते॑ति॒ तान्ये॑वाव॒क्षाणा॑नि सन्नि॒धाय॑ म॒न्थेदि॑तः प्र॒थ॒मं
 ज॒ज्ञे अ॒ग्निः स्वा॒द्योने॑रधि॒ जा॒तवे॑दाः। स गा॑य॒त्रिया॑ त्रि॒ष्टुभा॑
 जग॑त्या दे॒वेभ्यो॑ ह॒व्यं वे॑हतु प्र॒जा॒न॒त्रिति॑ छ॒न्दो॑भिरे॒वैनः॑ स्वा॒द्योनेः॑
 प्र॒ज॒नय॑त्येष वाव सोऽग्निरि॒त्याहु॑ज्योति॒स्त्वा अ॑स्य॒ परा॑प॒तित॑मि॒ति
 यद॒ग्नये॑ ज्योति॑ष्मते निर्व॑प॒ति यदे॒वास्य॑ ज्योतिः॒ परा॑प॒तितं॑
 तदे॒वावे॑रुन्धे॥ (२२)

क॒रोत्य॑न्नादो द॒धाति॑ यद॒ग्नये॑ शुच॑ये चक्षु॑रे॒वास्मि॑न्तेन॑ द॒धाति॑ करोति॒
 वा॒जं यज॑मानमुदे॒वास्य॑ षट्॥ [४]

वैश्वानरं द्वादशकपालं निर्वपेद्धारुणं चरुं दधिक्राव्णे
 चरुमभिशस्यमानो यद्वैश्वानरो द्वादशकपालो भवति संवत्सरो
 वा अग्निर्वैश्वानरः संवत्सरेणैवैनं स्वदयत्यप पापं वर्णं हते
 वारुणेनैवैनं वरुणपाशान्मुञ्चति दधिक्राव्णा पुनाति हिरण्यं
 दक्षिणा पवित्रं वै हिरण्यं पुनात्येवैनमाद्यमस्यान्नं भवत्येतामेव
 निर्वपेत्प्रजाकामः संवत्सरो (२३)

वा एतस्याशान्तो योनिं प्रजायै पशूनां निर्दहति यो-
 ऽलं प्रजायै सन्प्रजां न विन्दते यद्वैश्वानरो द्वादशकपालो
 भवति संवत्सरो वा अग्निर्वैश्वानरः संवत्सरेणैव भागधेयेन
 शमयति सोऽस्मै शान्तः स्वाद्योनेः प्रजां प्रजनयति वारुणेनैवैनं
 वरुणपाशान्मुञ्चति दधिक्राव्णा पुनाति हिरण्यं दक्षिणा पवित्रं वै
 हिरण्यं पुनात्येवैनं (२४)

विन्दते प्रजां वैश्वानरं द्वादशकपालं निर्वपेत्पुत्रे
 जाते यदष्टाकपालो भवति गायत्रियैवैनं ब्रह्मवर्चसेन
 पुनाति यन्नवंकपालस्त्रिवृतैवास्मिन्तेजो दधाति यद्वशकपालो
 विराजैवास्मिन्नन्नाद्यं दधाति यदेकादशकपालस्त्रिष्टुभैवास्मिन्निन्द्रियं
 दधाति यद्द्वादशकपालो जगत्यैवास्मिन्पशून् दधाति यस्मिन्जात
 एतामिष्टिं निर्वपति पूत - (२५)

ए॒व तै॒ज॒स्व्य॑न्ना॒द इ॒न्द्रि॒या॒वी प॑शु॒मान्भ॑व॒त्यव॒ वा ए॒ष
 सु॒व॒र्गालो॑काच्छि॒द्यते॒ यो द॑र्शपूर्णमा॒सया॒जी स॒न्नमा॑वा॒स्यां
 वा पौ॑र्णमा॒सीं वा॑ऽतिपा॒दय॑ति सु॒व॒र्गाय॒ हि लो॒काय॑
 द॑र्शपूर्णमा॒सावि॒ज्येते॑ वै॒श्वान॑रं द्वा॒दश॑कपा॒लं निर्व॑पेदमा॒वा॒स्यां वा
 पौ॑र्णमा॒सीं वा॑ऽतिपा॒द्यं संव॑त्स॒रो वा अ॒ग्निर्वै॑श्वान॒रः संव॑त्स॒रमे॒व
 प्री॑णा॒त्यथो॑ संव॑त्स॒रमे॒वास्मा॑ उप॑दधाति सु॒व॒र्गस्य॑ लो॒कस्य॑
 सम॑ष्ट्या (२६)

अथो॑ दे॒वता॑ ए॒वान्वा॒रभ्य॑ सु॒व॒र्गं लो॒कमे॑ति वी॒र॒हा
 वा ए॒ष दे॒वानां॑ यो॑ऽग्निमु॒द्वास॑यते न वा ए॒तस्य॑ ब्राह्म॒णा
 ऋ॒ताय॑वः पु॒राऽन्न॑मक्ष॒न्नाग्ने॒यम॒ष्टाक॑पा॒लं निर्व॑पेद्वै॒श्वान॑रं द्वा॒दश॑-
 कपा॒लम॒ग्निमु॒द्वास॑यिष्यन् यद॒ष्टाक॑पा॒लो भ॑व॒त्य॒ष्टाक्ष॑रा गाय॒त्री
 गा॒य॒त्रो॑ऽग्निर्यावा॑नेवा॒ग्निस्त॑स्मा॒ आति॑थ्यं क॑रोत्यथो यथा॒ जन॑
 य॒तेऽव॑सं क॑रोति ता॒दृ- (२७)

गे॒व तद्वा॑द॒शक॑पा॒लो वै॒श्वान॑रो भ॑वति द्वा॒दश॑ मा॒साः संव॑त्स॒रः
 संव॑त्स॒रः खलु॑ वा अ॒ग्नैर्यो॑निः स्वा॒मे॒वैनं॑ योनिं गम॑यत्या॒द्यम॑स्यान्नं
 भ॑वति वै॒श्वान॑रं द्वा॒दश॑कपा॒लं निर्व॑पेन्मा॒रुत॑ः स॒प्तक॑पा॒लं ग्रा॒मकाम॑
 आ॒हव॑नीये वै॒श्वान॑रमधि॑श्रयति गा॒रुह॑पत्ये मा॒रुतं॑ पा॒पव॑स्य॒सस्य॑
 वि॒धृत्यै॑ द्वा॒दश॑कपा॒लो वै॒श्वान॑रो भ॑वति द्वा॒दश॑ मा॒साः संव॑त्स॒रः
 संव॑त्स॒रेणै॒वास्मै॑ स॒जा॒ताः श्र्या॑वयति मा॒रुतो॑ भ॑वति (२८)

मरुतो वै देवानां विशो देवविशेनैवास्मै मनुष्यविशमव-
रुन्धे सप्तकपालो भवति सप्तगणा वै मरुतो गणश एवास्मै
सजातानवरुन्धेऽनूच्यमान आसादयति विशमेवास्मा अनुवर्त्मानं
करोति॥ (२९)

प्रजाकामः संवत्सरः पुनात्येवैनं पूतः समंष्ट्यै तादृङ्गारुतो
भवत्येकान्नत्रिंशच्च॥ [५]

आदित्यं चरुं निर्वपेत्सङ्ग्राममुपप्रयास्यन्नियं वा अदितिरस्यामेव
पूर्वे प्रतितिष्ठन्ति वैश्वानरं द्वादशकपालं निर्वपेदायतनं
गत्वा संवत्सरो वा अग्निर्वैश्वानरः संवत्सरः खलु वै
देवानामायतनमेतस्माद्वा आयतनाद्देवा असुरानजयन् यद्वैश्वानरं
द्वादशकपालं निर्वपति देवानामेवाऽऽयतने यतते जयति तं
सङ्ग्राममेतस्मिन्वा एतौ मृजाते (३०)

यो विद्विषाणयोरन्नमत्ति वैश्वानरं द्वादशकपालं निर्वपेद्विद्विषाणयो
जग्ध्वा संवत्सरो वा अग्निर्वैश्वानरः संवत्सरस्वदितमेवात्ति
नास्मिन्मृजाते संवत्सराय वा एतौ सममाते यौ सममाते
तयोर्यः पूर्वोऽभिद्रुह्यति तं वरुणो गृह्णाति वैश्वानरं द्वादशकपालं
निर्वपेत्सममानयोः पूर्वोऽभिद्रुह्य संवत्सरो वा अग्निर्वैश्वानरः
संवत्सरमेवाऽऽत्वा निर्वरुणम् (३१)

परस्तादभिद्रुहति नैनं वरुणो गृह्णात्याव्यं वा एष प्रतिगृह्णाति
 योऽविं प्रतिगृह्णाति वैश्वानरं द्वादशकपालं निर्वपेदविं प्रतिगृह्य
 संवत्सरो वा अग्निर्वैश्वानरः संवत्सरस्वदितामेव प्रतिगृह्णाति नाव्यं
 प्रतिगृह्णात्यात्मनो वा एष मात्रामाप्नोति य उभयादत्प्रतिगृह्णात्यश्वं
 वा पुरुषं वा वैश्वानरं द्वादशकपालं निर्वपेदुभयादत् (३२)

प्रतिगृह्यं संवत्सरो वा अग्निर्वैश्वानरः संवत्सरस्वदितमेव
 प्रतिगृह्णाति नाऽऽत्मनो मात्रामाप्नोति वैश्वानरं द्वादशकपालं
 निर्वपेत्सनिमेष्यन्त्संवत्सरो वा अग्निर्वैश्वानरो यदा खलु वै
 संवत्सरं जनतायां चरत्यथ स धनार्घो भवति यद्वैश्वानरं
 द्वादशकपालं निर्वपति संवत्सरसातामेव सनिमभि प्रच्यवते
 दानकामा अस्मै प्रजा भवन्ति यो वै संवत्सरं (३३)

प्रयुज्य न विमुञ्चत्यप्रतिष्ठानो वै स भवत्येतमेव वैश्वानरं
 पुनरागत्य निर्वपेद्यमेव प्रयुङ्क्ते तं भागधेयेन विमुञ्चति प्रतिष्ठित्यै
 यया रज्ज्वोत्तमां गामाजेत्तां भ्रातृव्याय प्रहिणुयान्निर्ऋतिमेवास्मै
 प्रहिणोति॥ (३४)

निर्वरुणं वपेदुभयादद्यो वै संवत्सरं षड्विंशच्च॥ [६]

ऐन्द्रं चरुं निर्वपेत्पशुकाम ऐन्द्रा वै पशव इन्द्रमेव स्वेन
 भागधेयेनोप धावति स एवास्मै पशून्प्रयच्छति पशुमानेव

भवति चरुर्भवति स्वादेवास्मै योनेः पशून्प्रजनयतीन्द्रायेन्द्रियावन्ते
पुरोडाशमेकादशकपालं निर्वपेत्पशुकाम इन्द्रियं वै पशव
इन्द्रमेवेन्द्रियावन्तः॥ स्वेन भागधेयेनोप धावति स - (३५)

एवास्मा इन्द्रियं पशून्प्रयच्छति पशुमानेव भवतीन्द्राय घर्मवन्ते
पुरोडाशमेकादशकपालं निर्वपेद्ब्रह्मवर्चसकामो ब्रह्मवर्चसं वै घर्म
इन्द्रमेव घर्मवन्तः॥ स्वेन भागधेयेनोप धावति स एवास्मिन्ब्रह्मवर्चसं
दधाति ब्रह्मवर्चस्यैव भवतीन्द्रायार्कवन्ते पुरोडाशमेकादशकपालं
निर्वपेदन्नकामोऽर्को वै देवानामन्नमिन्द्रमेवार्कवन्तः॥ स्वेन भागधेये-
(३६)

नोपधावति स एवास्मा अन्नं प्रयच्छत्यन्नाद एव भवतीन्द्राय
घर्मवन्ते पुरोडाशमेकादशकपालं निर्वपेदिन्द्रायेन्द्रियावन्त
इन्द्रायार्कवन्ते भूतिकामो यदिन्द्राय घर्मवन्ते निर्वपति शिर
एवास्य तेन करोति यदिन्द्रायेन्द्रियावन्त आत्मानमेवास्य तेन
करोति यदिन्द्रायार्कवन्ते भूत एवान्नाद्ये प्रतितिष्ठति भवत्येवेन्द्राया-
(३७)

॥ होमुचै पुरोडाशमेकादशकपालं निर्वपेद्यः पाप्मना गृहीतः
स्यात्पाप्मा वा अ॥ ह इन्द्रमेवा॥ होमुचः॥ स्वेन भागधेयेनोप धावति
स एवैनं पाप्मनोऽहंसो मुञ्चतीन्द्राय वैमृधाय पुरोडाशमेकादश-
कपालं निर्वपेद्यं मृधोऽभि प्रवेपेरन्नाष्ट्राणि वाऽभिसमियुरिन्द्रमेव

वैमृधः स्वेन भागधेयेनोप धावति स एवास्मान्मृधो (३८)

उपहन्तीन्द्राय त्रात्रे पुरोडाशमेकादशकपालं निर्वपेद्वद्धो वा परियत्तो वेन्द्रमेव त्रातारः स्वेन भागधेयेनोप धावति स एवैनं त्रायत इन्द्रायार्काश्वमेधवते पुरोडाशमेकादशकपालं निर्वपेद्यं महायज्ञो नोपनमैदेते वै महायज्ञस्यान्त्ये तनू यदर्काश्वमेधाविन्द्रमेवार्काश्वमेधवन्तः स्वेन भागधेयेनोप धावति स एवास्मा अन्ततो महायज्ञं च्यावयत्युपैनं महायज्ञो नमति॥ (३९)

इन्द्रियावन्तः स्वेन भागधेयेनोप धावति सोऽर्कवन्तः स्वेन भागधेयेनैवेन्द्रायास्मान्मृधोऽस्मै सप्त च॥ [७]

इन्द्रायान्वृजवे पुरोडाशमेकादशकपालं निर्वपेद्भामकाम इन्द्रमेवान्वृजुः स्वेन भागधेयेनोप धावति स एवास्मै सजाताननुकान्करोति ग्राम्येव भवतीन्द्राण्यै चरुं निर्वपेद्यस्य सेनाऽसंशितेव स्यादिन्द्राणी वै सेनायै देवतेन्द्राणीमेव स्वेन भागधेयेनोप धावति सैवास्य सेना संश्यति बल्वं जानपी- (४०)

ह्ये सत्रं ह्येद्वैर्यत्राधिष्कन्ना न्यमैहत्ततो बल्वंजा उदतिष्ठन्गवामेवैनं न्यायमपिनीय गा वैदयतीन्द्राय मन्युमते मनस्वते पुरोडाशमेकादशकपालं निर्वपेत्सङ्ग्रामे सं यत्त इन्द्रियेण वै मन्युना मनसा सङ्ग्रामं जयतीन्द्रमेव मन्युमन्तं मनस्वन्तः स्वेन भागधेयेनोप

धावति स एवास्मिन्निन्द्रियं मन्युं मनो दधाति जयति त९ (४१)

सङ्ग्राममेतामेव निर्वपेद्यो हतमनाः स्वयं पाप इव
स्यादेतानि हि वा एतस्मादपक्रान्तान्यथैष हतमनाः स्वयं पाप
इन्द्रमेव मन्युमन्तं मनस्वन्तः स्वेन भागधेयेनोप धावति स
एवास्मिन्निन्द्रियं मन्युं मनो दधाति न हतमनाः स्वयं पापो
भवतीन्द्राय दात्रे पुरोडाशमेकादशकपालं निर्वपेद्यः कामयेत
दानंकामा मे प्रजाः स्युः (४२)

रितीन्द्रमेव दातारः स्वेन भागधेयेनोप धावति स एवास्मै
दानंकामाः प्रजाः करोति दानंकामा अस्मै प्रजा भवन्तीन्द्राय प्रदात्रे
पुरोडाशमेकादशकपालं निर्वपेद्यस्मै प्रत्तमिव सन्न प्रदीयेतेन्द्रमेव
प्रदातारः स्वेन भागधेयेनोप धावति स एवास्मै प्रदापयतीन्द्राय
सुत्राम्णो पुरोडाशमेकादशकपालं निर्वपेदपरुद्धो वा (४३)

ऽपरुद्धमानो वेन्द्रमेव सुत्रामाणः स्वेन भागधेयेनोप धावति
स एवैनं त्रायतेऽनपरुद्धो भवतीन्द्रो वै सदृङ् देवताभिरासीत्स न
व्यावृतमगच्छत्स प्रजापतिमुपाधावत्तस्मा एतमैन्द्रमेकादशकपालं
निरवपत्तेनैवास्मिन्निन्द्रियमदधाच्छक्करी याज्यानुवाक्ये अकरोद्वज्रो
वै शक्करी स एनं वज्रो भूत्या ऐन्ध (४४)

सोऽभवत्सोऽबिभेद्धूतः प्र मा धक्ष्यतीति स प्रजापतिं
पुनरुपाधावत्स प्रजापतिः शक्करी अधि रेवतीं निरमिमीत

शान्त्या॒ अप्र॑दाहाय॒ योऽल॑ङ् श्रियै॑ सन्ध्स॒दृङ्खस॑मानैः स्यात्तस्मा॑
 ए॒तमै॑न्द्रमेका॑दशकपालं॒ निर्व॑पेदिन्द्रमे॒व स्वेन॑ भा॒गधे॑येनोप॑ धावति
 स ए॒वास्मि॑न्निन्द्रि॒यं दे॑धाति रे॒वती॑ पुरो॒नुवा॒क्या भ॑वति शान्त्या॒
 अप्र॑दाहाय॒ शक्॑री या॒ज्या वज्रो॑ वै शक्॑री स ए॒नं वज्रो॑ भूत्या॒
 इ॒न्धे भव॑त्येव॥ (४५)

अपि॒ तङ् स्यु॑र्वे॒न्ध भव॑ति चतु॑र्दश च॥ _____ [८]

आ॒ग्नावै॒ष्णव॑मेका॑दशकपालं॒ निर्व॑पेदभि॒चर॑न्त्स॒रस्व॑त्याज्य॒-
 भा॒गा स्या॑द्वा॒र्हस्प॑त्यश्च॒र्यदा॑ग्नावै॒ष्णव॑ एका॑दशकपालो॒
 भव॑त्य॒ग्निः सर्वा॑ दे॒वता॒ विष्णु॑र्य॒ज्ञो दे॒वता॑भिश्चै॒वैनं॑ य॒ज्ञेन॑
 चा॒भिच॑रति॒ सर॑स्व॒त्याज्य॑भागा भवति॒ वाग्वै॑ सर॑स्वती
 वा॒चैवैन॑म॒भिच॑रति॒ बार्ह॑स्पत्यश्च॒रुर्भव॑ति॒ ब्रह्म॑ वै दे॒वानां॑
 बृ॒हस्प॑तिर्ब्रह्म॑णै॒वैन॑म॒भिच॑रति॒ (४६)

प्रति॒ वै प॒रस्ता॑दभि॒चर॑न्तम॒भिच॑रन्ति॒ द्वेद्वे॑ पुरो॒नुवा॒क्ये
 कुर्या॑दति॒प्रयु॑क्त्या ए॒तयै॑व य॒जेता॑भि॒चर्य॑माणो दे॒वता॑भिरे॒व दे॒वताः॑
 प्रति॑चर॑ति य॒ज्ञेन॑ य॒ज्ञं वा॒चा वाचं॑ ब्रह्म॑णा ब्रह्म॑ स दे॒वता॑श्चै॒व
 य॒ज्ञं च॑ म॒द्ध्यतो॑ व्य॒वस॑र्पति॒ तस्य॑ न कु॒तश्च॒नोपा॑व्या॒धो भ॑वति॒
 नैन॑म॒भिच॑र॒न्त्स्तृणु॑त आ॒ग्नावै॒ष्णव॑मेका॑दशकपालं॒ निर्व॑पेद्यं य॒ज्ञो
 नो- (४७)

प॒नमे॑द॒ग्निः सर्वा॑ दे॒वता॒ विष्णु॑र्य॒ज्ञोऽग्निं॑ चै॒व विष्णुं॑ च॒ स्वेन॑

भागधेयेनोपं धावति तावेवास्मै यज्ञं प्रयच्छत उपैनं यज्ञो
नमत्याग्नावैष्णवं घृते चरुं निर्वपेच्चक्षुष्कामोऽग्नेर्वै चक्षुषा मनुष्या
वि पश्यन्ति यज्ञस्य देवा अग्निं चैव विष्णुं च स्वेनं भागधेयेनोपं
धावति तावेवा- (४८)

स्मिञ्चक्षुर्धत्तश्चक्षुष्मानेव भवति धेन्वै वा एतद्रेतो
यदाज्यमनुदुहस्तण्डुला मिथुनादेवास्मै चक्षुः प्रजनयति
घृते भवति तेजो वै घृतं तेजश्चक्षुस्तेजसैवास्मै तेजश्चक्षुरवरुन्ध
इन्द्रियं वै वीर्यं वृद्धे भ्रातृव्यो यजमानोऽयं जमानस्याद्धरकल्पां
प्रति निर्वपेद्भ्रातृव्ये यजमाने नास्येन्द्रियं (४९)

वीर्यं वृद्धे पुरा वाचः प्रवदितो निर्वपेद्वावत्येव वाक्तामप्रोदितां
भ्रातृव्यस्य वृद्धे तामस्य वाचं प्रवदन्तीमन्या वाचोऽनु
प्रवदन्ति ता इन्द्रियं वीर्यं यजमाने दधत्याग्नावैष्णव-
मुष्टाकपालं निर्वपेत्प्रातः सवनस्याकाले सरस्वत्याज्यभागा
स्याद्वारहस्पत्यश्चरुर्यदष्टाकपालो भवत्यष्टाक्षरा गायत्री गायत्रं
प्रातः सवनं प्रातः सवनमेव तेनाऽऽप्रो- (५०)

त्याग्नावैष्णवमेकादशकपालं निर्वपेन्माध्यन्दिनस्य सवनस्याकाले
सरस्वत्याज्यभागा स्याद्वारहस्पत्यश्चरुर्यदेकादशकपालो
भवत्येकादशाक्षरा त्रिष्टुत्रैष्टुभं माध्यन्दिनं सवनं माध्यन्दिनमेव

सर्वनं तेनाऽऽप्नोत्याग्नावैष्णवं द्वादशकपालं निर्वपेत्तृतीयसर्वनस्याकाले
 सरस्वत्याज्यभागा स्याद्द्वारहस्पत्यश्चर्यद्वादशकपालो भवति
 द्वादशाक्षरा जगती जागतं तृतीयसर्वनं तृतीयसर्वनमेव
 तेनाऽऽप्नोति देवताभिरेव देवताः (५१)

प्रतिचरति यज्ञेन यज्ञं वाचा वाचं ब्रह्मणा ब्रह्मं कपालैरेव
 छन्दाऽस्याप्नोति पुरोडाशैः सर्वनानि मैत्रावरुणमेकं कपालं
 निर्वपेद्वशाये काले यैवासौ भ्रातृव्यस्य वशाऽनूबन्ध्या सो
 एवैषैतस्यैकं कपालो भवति नहि कपालैः पशुमर्हत्यासुम्॥ (५२)

ब्रह्मणैवेनमभिचरति यज्ञो न तावेवास्थैन्द्रियमाप्नोति देवताः
 सप्तत्रिंशच्च॥ [९]

असावादित्यो न व्यरोचत तस्मै देवाः प्रायश्चित्तिमैच्छन्तस्मा
 एत९ सोमारौद्रं चरुं निर्वपन्तेनैवास्मिन्नुचमदधुर्यो ब्रह्मवर्चसकामः
 स्यात्तस्मा एत९ सोमारौद्रं चरुं निर्वपेत्सोमं चैव रुद्रं च स्वेन
 भागधेयेनोप धावति तावेवास्मिन्ब्रह्मवर्चसन्धत्तो ब्रह्मवर्चस्यैव
 भवति तिष्यापूर्णमासे निर्वपेद्रुद्रो- (५३)

वै तिष्यः सोमः पूर्णमासः साक्षादेव ब्रह्मवर्चसमवरुन्धे
 परिश्रिते याजयति ब्रह्मवर्चसस्य परिगृहीत्यै श्वेतायै श्वेतवत्सायै
 दुग्धं मथितमाज्यं भवत्याज्यं प्रोक्षणमाज्येन मार्जयन्ते यावदेव
 ब्रह्मवर्चसं तत्सर्वं करोत्यति ब्रह्मवर्चसं क्रियत इत्याहुरीश्वरो

दुश्चर्मा भवितोरिति मानवी ऋचौ धार्ये कुर्याद्यद्वै किं च
मनुरवदत्तद्वेषजं (५४)

भेषजमेवास्मै करोति यदि बिभीयाद्दुश्चर्मा भविष्यामीति
सोमापौष्णं चरुं निर्वपेत्सौम्यो वै देवतया पुरुषः पौष्णाः पशवः
स्वयैवास्मै देवतया पशुभिस्त्वचं करोति न दुश्चर्मा भवति
सोमारौद्रं चरुं निर्वपेत्प्रजाकामः सोमो वै रेतोधा अग्निः प्रजानां
प्रजनयिता सोमं एवास्मै रेतो दधात्यग्निः प्रजां प्रजनयति
विन्दते (५५)

प्रजाः सोमारौद्रं चरुं निर्वपेदभिचरन्सौम्यो वै देवतया पुरुष
एष रुद्रो यदग्निः स्वाया एवैनं देवतायै निष्क्रीय रुद्रायपि दधाति
ताजगार्तिमाच्छति सोमारौद्रं चरुं निर्वपेज्योगामयावी सोमं वा
एतस्य रसो गच्छत्यग्निः शरीरं यस्य ज्योगामयति सोमादेवास्य
रसं निष्क्रीणात्यग्नेः शरीरमुत यदी- (५६)

तासुर्भवति जीवत्येव सोमारुद्रयोर्वा एतं ग्रसितं होता
निष्विदति स ईश्वर आर्तिमार्तोरनृद्वान् होत्रा देयो वह्निर्वा
अनृद्वान् वह्निर्होता वह्निनैव वह्निमात्मानं स्पृणोति सोमारौद्रं
चरुं निर्वपेद्यः कामयेत स्वऽस्मा आयतने भ्रातृव्यं जनयेयमिति
वेदिं परिगृह्याद्धमुद्धन्याद्धं नाद्धं बर्हिषः स्तृणीयाद्धं

नार्द्धमिच्छस्याभ्यादद्धादद्धं न स्व एवास्मां आयतने भ्रातृव्यं
जनयति॥ (५७)

रुद्रो भेषजं विन्दते यदि स्तृणीयादद्धं द्वादश च॥ [१०]

ऐन्द्रमेकादशकपालं निर्वपेन्मारुतं सप्तकपालं ग्रामकामं
इन्द्रं चैव मरुतंश्च स्वेन भागधेयेनोप धावति त एवास्मै
सजातान्प्रयच्छन्ति ग्राम्यैव भवत्याहवनीयं ऐन्द्रमर्धिश्रयति
गार्हपत्ये मारुतं पापवस्यसस्य विधृत्यै सप्तकपालो मारुतो
भवति सप्तगणा वै मरुतो गणश एवास्मै सजातानवरुन्धेऽनूच्यमानं
आसादयति विशमेवा- (५८)

स्मा अनुवर्त्मानं करोत्येतामेव निर्वपेद्यः कामयेत क्षत्राय च
विशे च समदं दद्यामित्यैन्द्रस्यावद्यन्ब्रूयादिन्द्रायानु ब्रूहीत्याश्राव्यं
ब्रूयान्मारुतो यजेति मारुतस्यावद्यन्ब्रूयान्मारुद्धोऽनुब्रूहीत्याश्राव्यं
ब्रूयादिन्द्रं यजेति स्व एवैभ्यो भागधेये समदं दधाति
वितृ१हाणास्तिष्ठन्त्येतामेव (५९)

निर्वपेद्यः कामयेत कल्पेन्निति यथादेवतमवदाय यथादेवतं
यजेद्भागधेयेनैवैनान् यथायथं कल्पयति कल्पन्त एवैन्द्रमेकादश-
कपालं निर्वपेद्वैश्वदेवं द्वादशकपालं ग्रामकामं इन्द्रं चैव विश्वाःश्च
देवान्स्वेन भागधेयेनोप धावति त एवास्मै सजातान्प्रयच्छन्ति
ग्राम्यैव भवत्यैन्द्रस्यावदाय वैश्वदेवस्यावद्येदथैन्द्रः स्यो- (६०)

परि॑ष्ठादिन्द्रि॒येणै॒वास्मा॑ उ॒भयतः॑ सजा॒तान्परि॑गृह्णात्युपाधा॒य्यपूर्व॑य
 वासो॑ दक्षि॒णा सजा॒तानामुप॑हित्यै पृश्नि॒यै दुग्धे॑ प्रैयङ्ग॒वं च॒रुं
 निर्व॑पेन्म॒रुद्भ्यो ग्राम॑कामः पृश्नि॒यै वै पय॑सो म॒रुतो॑ जा॒ताः
 पृश्नि॒यै प्रि॒यङ्गवो॑ मारु॒ताः खलु॑ वै दे॒वत॑या सजा॒ता म॒रुत॑ ए॒व
 स्वेन॑ भा॒गधे॒येनोप॑ धावति॒ त ए॒वास्मै॑ सजा॒तान्प्रय॑च्छन्ति ग्रा॒म्येव॑
 भ॑वति प्रि॒यव॑ती याज्यानुवा॒क्ये (६१)

भवतः प्रि॒यमे॒वैन॑ समाना॑ करोति द्वि॒पदा॑ पुरो॒नुवा॒क्या
 भ॑वति द्वि॒पद॑ ए॒वावरु॑न्धे चतु॑ष्पदा या॒ज्या चतु॑ष्पद ए॒व प॒शूनव॑-
 रुन्धे दे॒वासुराः सं य॑त्ता आस॒न्ते दे॒वा मि॒थो विप्रि॑या आस॒न्ते
 ३ऽन्यो॑न्यस्मै ज्यैष्ठा॒यातिष्ठ॑मानाश्चतु॒र्धा व्य॑क्रामन्न॒ग्निर्वसु॑भिः सोमो॑
 रु॒द्रैरिन्द्रो॑ म॒रुद्भिर्वरु॑ण आदित्यैः स इन्द्रः॑ प्र॒जाप॑तिमुपा॒धाव॑त्तमे-
 (६२)

तया॑ संज्ञान्या॑ऽयाजयद॒ग्नये॑ वसु॑मते पुरो॒डाश॑म॒ष्टाक॑पालं
 निर॑वप॒थ्सोमा॑य रु॒द्रव॑ते च॒रुमिन्द्रा॑य म॒रुत्व॑ते पुरो॒डाश॑मेका॒दश॑-
 कपालं वरु॑णायाऽऽदित्य॒वते च॒रुं ततो॑ वा इन्द्रं॑ दे॒वा ज्यैष्ठा॑याभि
 सम॑जानत॒ यः संमा॑नैर्मि॒थो विप्रि॑यः स्यात्तमे॒तया॑ संज्ञान्या॑
 याजयेद॒ग्नये॑ वसु॑मते पुरो॒डाश॑म॒ष्टाक॑पालं निर्व॑पे॒थ्सोमा॑य रु॒द्रव॑ते
 च॒रुमिन्द्रा॑य म॒रुत्व॑ते पुरो॒डाश॑मेका॒दश॑कपालं वरु॑णायाऽऽदित्य॒वते
 च॒रुमिन्द्र॑मे॒वैन॑ भूतं ज्यैष्ठा॒य सम॑ाना अ॒भिस॑ज्जानते वसि॑ष्ठः

समानानां भवति॥ (६३)

विशमेव तिष्ठन्त्येतामेवाथैन्द्रस्य याज्यानुवाक्ये तं वरुणाय चतुर्दश
च॥ [११]

हिरण्यगर्भ आपो ह यत्प्रजापते। स वैद पुत्रः पितरं
स मातरं स सूनुर्भुवत्स भुवत्पुनर्मघः। स द्यामौर्णोदन्तरिक्षं
स सुवः स विश्वा भुवो अभवत्स आऽभवत्। उदुत्यं चित्रम्।
सप्रलवन्नवीयसाऽग्ने द्युम्नेन सं यता। बृहत्तन्थ भानुना। निकाव्या
वेधसः शश्वतस्करहस्ते दधानो - (६४)

नर्या पुरूणि। अग्निर्भुवद्रयिपती रयीणां सत्रा चक्राणो
अमृतानि विश्वा। हिरण्यपाणिमृतये सवितारमुप ह्वये। स चेत्ता
देवता पदम्। वाममद्य सवितर्वाममु श्वो दिवेदिवे वाममस्मभ्यं
सावीः। वामस्य हि क्षयस्य देव भूरैरया धिया वामभार्जः स्याम।
बडित्था पर्वतानां खिद्रं बिभर्षि पृथिवि। प्र या भूमि प्रवत्वति
महा जिनोषि (६५)

महिनि। स्तोमासस्त्वा विचारिणि प्रतिष्ठोभन्त्यक्तुभिः। प्र या
वाजन्न हेषन्तं पेरुमस्यस्यर्जुनि। ऋदूदरेण सख्या सचेय यो मा
न रिष्येद्धर्यश्च पीतः। अयं यः सोमो न्यधाय्यस्मे तस्मा इन्द्रं
प्रतिरमेम्यच्छं। आपान्तमन्युस्तृपलंप्रभर्मा धुनिः शिमीवाञ्छरुमां
ऋजीषी। सोमो विश्वान्यतसा वनानि नार्वागिन्द्रं प्रतिमानानि देभुः।

प्र (६६)

सु॒वानः सोमं ऋ॒तयु॒श्चिके॒तेन्द्रा॑य॒ ब्रह्मं॑ ज॒मद॑ग्निर॒र्चन्। वृषां॑
य॒न्तासि॑ शव॑सस्तुरस्या॒न्तर्य॑च्छ॒ गृण॑ते ध॒र्त्रं दृ॑ह। स॒बाधं॑स्ते
मद॑श्च शुष्म॒यं च॒ ब्रह्म॒ नरो॑ ब्रह्म॒कृतः॑ सपर्यन्तः। अ॒र्को वा॒ यत्तुर॑ते
सोम॑चक्षा॒स्तत्रे॒दिन्द्रो॑ दधते पृथ्सु॒ तुर्या॑म्। वष॑त्ते विष्णवा॒स आ
कृ॑णोमि॒ तन्मे॑ जुषस्व शिपिविष्ट॒ हव्य॑म्। (६७)

वर्ध॑न्तु त्वा सुष्टु॒तयो॒ गिरों॑ मे यू॒यं पा॑त स्व॒स्तिभिः॑ सदा॑ नः।
प्र तत्ते॑ अ॒द्य शि॑पिविष्ट॒ नामा॑र्यः श॑सामि व॒युना॑नि वि॒द्वान्। तं त्वां
गृ॒णामि॑ तव॒स॒मत॑वीया॒न्क्षय॑न्तम॒स्य रज॑सः परा॒के। कि॒मित्ते॑ विष्णो
परि॒चक्ष्य॑ भू॒त्प्रय॑द्व॒वक्षे॑ शि॑पिविष्टो अ॒स्मि। मा॒ वपो॑ अ॒स्मद॑प॒गूह
ए॒तद्य॑दन्य॒रूपः॑ स॒मि॒थे ब॒भूथ॑। (६८)

अ॒ग्ने दा॑ दा॒शुषे॑ र॒यिं वी॒रव॑न्तं परी॒णस॑म्। शि॒शी॒हि नः॑ सूनु॒मतः॑।
दा नो॑ अ॒ग्ने श॒तिनो॒ दाः स॑ह॒स्त्रिणो॑ दुरो न वाज॒ः श्रु॒त्या अ॒पावृ॑धि।
प्राची॒ द्यावा॑पृथि॒वी ब्रह्म॑णा कृधि सुव॒र्णं शु॒क्रमु॑षसो विदि॑द्युतुः।
अ॒ग्निर्दा॑ द्रवि॑णं वी॒रपे॑शा अ॒ग्निर्ऋ॑षिं यः स॒हस्रा॑ स॒नोति॑। अ॒ग्निर्दिवि॑
ह॒व्यमा॑त॒ताना॒ग्नेर्धामा॑नि विभृ॑ता पुरु॒त्रा। मा॒ (६९)

नो॑ म॒र्द्धी॒रा तू भ॑र। घृ॒तं न॒ पूतं॑ त॒नूर॑रे॒पाः शुचि॑ हिर॒ण्यम्।
तत्ते॑ रु॒क्मो न॑ रोचत स्वधावः। उ॒भे सु॑श्चन्द्र स॒र्पिषो॑ द॒र्वी श्री॑णीष
आ॒सनि॑। उ॒तो न॒ उत्पु॑पूर्या उ॒क्थे॑षु शवसस्पत॒ इष॑ः स्तो॒तृभ्य॑ आ

भर। वायौ शत९ हरीणां युवस्व पोष्याणाम्। उत वा ते सहस्रिणो
रथ आ यातु पाजसा। प्र याभिर्- (७०)

यासिं दाश्वा९ समच्छां नियुद्धिर्वायविष्टये दुरोणे। नि नो रयि९
सुभोजसं युवेह नि वीरवद्भव्यमश्वियं च राधः। रेवतीर्नः सधमाद
इन्द्रे सन्तु तुविवाजाः। क्षुमन्तो याभिर्मदेम। रेवा९ इद्रेवतः स्तोता
स्यात्त्वावतो मघोनः। प्रेदु हरिवः श्रुतस्य॥ (७१)

जिनोषिं देभुः प्र हव्यं बभूथ मा याभिश्चत्वारि९ शच्च॥ ————— [१२]

प्रजापतिस्ताः सृष्टा अग्नये पथिकृतेऽग्नये कामायाग्नयेऽन्नवते वैश्वानरमादित्यं चरुमेन्द्रं चरुमिन्द्रायान्वृजव
आग्नावैष्णवमसौ सौमारौद्रमेन्द्रमेकादशकपाल९ हिरण्यगर्भौ द्वादश॥ (१२) प्रजापतिरग्नये कामायाभि सम्भवतो
यो विद्विषाणयोरिन्द्रो सन्नह्येदाग्नावैष्णवमुपरिष्टाद्यासिं दाश्वा९ समेकंसततिः॥ (७१) प्रजापतिः प्रेदु हरिवः
श्रुतस्य॥

॥ तृतीयः प्रश्नः ॥

॥ तैत्तिरीयसंहितायां द्वितीयकाण्डे तृतीयः प्रश्नः ॥

आदित्येभ्यो भुवद्वद्भ्यश्चरुं निर्वपेद्भूतिकाम आदित्या वा
एतम्भूत्यै प्रति नुदन्ते योऽलम्भूत्यै सन्भूतिं न प्राप्नोत्यादित्यानेव
भुवद्वतः स्वेन भागधेयेनोप धावति त एवैनम्भूतिं गमयन्ति
भवत्येवाऽऽदित्येभ्यो धारयद्वद्भ्यश्चरुं निर्वपेदपरुद्धो वाऽपरुध्यमानो
वाऽऽदित्या वा अपरोद्धार आदित्या अवगमयितार आदित्यानेव

धारयद्वतः (१)

स्वेन॑ भाग॒धेये॒नोप॑ धावति॒ त ए॒वैनं॑ वि॒शि दा॑ध्रत्यनपरु॒ध्यो
भ॑वत्यदि॒तेऽनु॑ मन्य॒स्वेत्य॑परु॒ध्यमा॑नोऽस्य प॒दमा द॑दीतेयं
वा अदि॑तिरियमे॒वास्मै॑ रा॒ज्यम॑नु मन्यते स॒त्याशी॑रित्या॒ह
स॒त्यामे॒वाशिषं॑ कुरुत इ॒ह मन॒ इत्या॑ह प्र॒जा ए॒वास्मै॑ सम॑नसः
करो॒त्युप॒ प्रेतं॑ मरुतः (२)

सु॒दान॒व ए॒ना वि॒शप॑तिनाभ्य॑मु॒ राजा॑न॒मित्या॑ह मारु॒ती वै
वि॒द्भ्यो॒ष्ठो वि॒शप॑तिर्विशै॒वनः॑ रा॒ष्ट्रेण॑ सम॑र्धयति॒ यः प॒रस्ता॑द्भाम्यवा॒दी
स्या॑त्तस्य॒ गृहा॑द्वीही॒ना ह॑रेच्छु॒क्लाः॑श्च॒ कृष्णाः॑श्च॒ वि चि॑नुया॒द्ये
शु॒क्लाः स्यु॑स्तमा॒दित्यं॑ च॒रुं निर्व॑पेदादित्या वै दे॒वत॑या॒ विद्वि॑शमे॒वाव॑
गच्छ॑ति (३)

अ॒वंग॑तास्य॒ विड॑न॒वगतः॑ रा॒ष्ट्रमि॑त्या॒हुर्ये॑ कृष्णाः स्युस्तं वा॒रुणं॑
च॒रुं निर्व॑पेद्वा॒रुणं॑ वै रा॒ष्ट्रमु॑भे ए॒व वि॑शं च रा॒ष्ट्रं चा॒व गच्छ॑ति॒ यदि॑
ना॒वगच्छे॑दि॒मम॒हमा॑दित्येभ्यो॒ भा॒गं निर्व॑पा॒म्यामुष्मा॑द॒मुष्यै॑ वि॒शोऽ॒वंग॑न्तो॒रिति॑ निर्व॑पेदादित्या ए॒वैनं॑म्भा॒गधे॑यम्प्रे॒प्सन्तो॑ वि॒शम॑व (३)

ग॒मय॑न्ति॒ यदि॑ ना॒वगच्छे॑दाश्च॒त्थान्म॒यूखा॑न्त्स॒प्त म॑ध्यमे॒षायामु॑प
ह॒न्यादि॑दम॒हमा॑दित्यान्ब॒ध्नाम्या॑मुष्मा॑द॒मुष्यै॑ वि॒शोऽ॒वंग॑न्तो॒रित्या॑दित्या
ए॒वैनं॑म्ब॒द्धवी॑रा॒ वि॒शम॑व गमयन्ति॒ यदि॑ ना॒वगच्छे॑दे॒तमे॒वाऽऽदि॑त्यं
च॒रुं निर्व॑पेदि॒ध्मेऽपि॑ म॒यूखा॑न्त्सं न॒ह्येद॑नपरु॒ध्यमे॒वाव॑

गच्छत्याश्वत्था भवन्ति मरुतां वा एतदोजो यदश्वत्थ ओजसैव
विशमव गच्छति सप्त भवन्ति सप्तगणा वै मरुतो गणश एव
विशमव गच्छति॥ (५)

धारयद्वतो मरुतो गच्छति विशमवैतदष्टादश च॥—————[१]

देवा वै मृत्योरबिभयुस्ते प्रजापतिमुपाधावन्तेभ्य
एताम्प्राजापत्याः शतकृष्णलां निरवपत्तयैवैष्वमृतमदधाद्यो
मृत्योर्बिभीयात्तस्मा एताम्प्राजापत्याः शतकृष्णलां निर्वपेत्प्रजापतिमे-
स्वेन भागधेयेनोप धावति स एवास्मिन्नायुर्दधाति सर्वमायुरेति
शतकृष्णला भवति शतायुः पुरुषः शतेन्द्रिय आयुष्येवेन्द्रिये (६)

प्रति तिष्ठति घृते भवत्यायुर्वै घृतममृतं हिरण्यमायुश्चैवास्मा
अमृतं च समीचीं दधाति चत्वारिंशत्वारि कृष्णलान्यव द्यति
चतुरवत्तस्यास्या एकधा ब्रह्मण उप हरत्येकधैव यजमान
आयुर्दधात्यसावादित्यो न व्यरोचत तस्मै देवाः प्रायश्चित्ति-
मैच्छन्तस्मा एतः सौर्यं चरुं निरवपन्तेनैवास्मि (७)

त्रुचमदधुर्यो ब्रह्मवर्चसकामः स्यात्तस्मा एतः सौर्यं
चरुं निर्वपेदमुमेवाऽऽदित्यः स्वेन भागधेयेनोप धावति स
एवास्मिन्ब्रह्मवर्चसं दधाति ब्रह्मवर्चस्यैव भवत्युभयतो रुक्मौ भवत
उभयत एवास्मिन्नुचं दधाति प्रयाजेप्रयाजे कृष्णलं जुहोति दिग्भ्य
एवास्मै ब्रह्मवर्चसमव रुद्ध आग्नेयमष्टाकपालं निर्वपेत्सावित्रं

द्वादशकपालम्भूम्यै (८)

चरुं यः कामयेत् हिरण्यं विन्देय हिरण्यम्मोप
नमेदिति यदाग्नेयो भवत्याग्नेयं वै हिरण्यं यस्यैव हिरण्यं
तेनैवैनद्विन्दते सावित्रो भवति सवितृप्रसूत एवैनद्विन्दते भूम्यै
चरुर्भवत्यस्यामेवैनद्विन्दत उपैन् ९ हिरण्यं नमति वि वा एष
इन्द्रियेण वीर्येणर्ह्यते यो हिरण्यं विन्दत एताम् (९)

एव निर्वपेद्धिरण्यं वित्त्वा नेन्द्रियेण वीर्येण व्यूध्यत
एतामेव निर्वपेद्यस्य हिरण्यं नश्येद्यदाग्नेयो भवत्याग्नेयं वै
हिरण्यं यस्यैव हिरण्यं तेनैवैनद्विन्दति सावित्रो भवति
सवितृप्रसूत एवैनद्विन्दति भूम्यै चरुर्भवत्यस्यां वा एतन्नश्यति
यन्नश्यत्यस्यामेवैनद्विन्दतीन्द्रः (१०)

त्वष्टुः सोममभीषहापिबुध्स विष्वङ्मूर्च्छुध्स इन्द्रियेण
सोमपीथेन व्यार्ह्यत स यदूर्ध्वमुदवमीत्ते श्यामाकां अभवन्ध्स
प्रजापतिमुपाधावत्तस्मा एत ९ सोमेन्द्र ९ श्यामाकं चरुं
निरवपत्तेनैवास्मिन्निन्द्रिय ९ सोमपीथमदधाद्वि वा एष इन्द्रियेण
सोमपीथेनर्ह्यते यः सोमं वर्मिति यः सोमवामी स्यात्तस्मै (११)

एत ९ सोमेन्द्र ९ श्यामाकं चरुं निर्वपेत्सोमं चैवेन्द्रं च स्वेन
भागधेयेनोप धावति तावेवास्मिन्निन्द्रिय ९ सोमपीथं धत्तो नेन्द्रियेण
सोमपीथेन व्यूध्यते यत्सौम्यो भवति सोमपीथमेवाव रुद्धे यदेन्द्रो

भवतीन्द्रियं वै सोमपीथ इन्द्रियमेव सोमपीथमव रुन्दे श्यामाको
भवत्येष वाव स सोमः (१२)

साक्षादेव सोमपीथमव रुन्देऽग्नये दात्रे पुरोडाशमष्टाकपालं
निर्वपेदिन्द्राय प्रदात्रे पुरोडाशमेकादशकपालम् पशुकामो-
ऽग्निरेवास्मै पशून्प्रजनयति वृद्धानिन्द्रः प्र यच्छति दधि मधु
घृतमापो धाना भवन्त्येतद्वै पशूनां रूपं रूपेणैव पशूनव रुन्दे
पञ्चगृहीतम्भवति पाङ्गा हि पशवो बहुरूपम्भवति बहुरूपा हि
पशवः (१३)

समृद्धौ प्राजापत्यम्भवति प्राजापत्या वै पशवः
प्रजापतिरेवास्मै पशून्प्र जनयत्यात्मा वै पुरुषस्य मधु
यन्मध्वग्नौ जुहोत्यात्मानमेव तद्यजमानोऽग्नौ प्र दधाति पङ्क्तौ
याज्यानुवाक्ये भवतः पाङ्क्तः पुरुषः पाङ्क्ताः पशव आत्मानमेव
मृत्योर्निष्क्रीय पशूनव रुन्दे॥ (१४)

इन्द्रियेऽस्मिन्भूम्या एतामिन्द्रः स्यात्तस्मै सोमो बहुरूपा हि पशव
एकचत्वारिंशच्च॥ [२]

देवा वै सत्रमांसतर्द्धिपरिमितं यशस्कामास्तेषां सोमं
राजानं यशं आर्च्छुत्स गिरिमुदैत्तमग्निरनूदैत्तावग्नीषोमौ
समभवतान्ताविन्द्रौ यज्ञविभ्रष्टोऽनु परैत्तावब्रवीद्याजयतुमेति
तस्मा एतामिष्टिं निरवपतामाग्नेयमष्टाकपालमैन्द्रमेकादशकपालं

सौम्यं चरुन्तयैवास्मिन्तेजः (१५)

इन्द्रियम्ब्रह्मवर्चसमधत्तां यो यज्ञविभ्रष्टः स्यात्तस्मा एतामिष्टिं
निर्वपेदाग्नेयमष्टाकपालमैन्द्रमेकादशकपालः सौम्यं चरुं यदाग्नेयो
भवति तेज एवास्मिन्तेन दधाति यदैन्द्रो भवतीन्द्रियमेवास्मिन्तेन
दधाति यथ्सौम्यो ब्रह्मवर्चसं तेनाग्नेयस्य च सौम्यस्य चैन्द्रे
समाश्लेषयेत्तेजश्चैवास्मिन्ब्रह्मवर्चसं च समीचीं (१६)

दधात्यग्नीषोमीयमेकादशकपालं निर्वपेद्यं कामो नोपनमेदाग्नेयो
वै ब्राह्मणः स सोमं पिबति स्वामेव देवताः स्वेन भागधेयेनोप
धावति सैवैनं कामेन समर्धयत्युपैनं कामो नमत्यग्नीषोमीयमष्टा-
कपालं निर्वपेद्ब्रह्मवर्चसकामोऽग्नीषोमावेव स्वेन भागधेयेनोप
धावति तावेवास्मिन्ब्रह्मवर्चसं धत्तो ब्रह्मवर्चस्यैव (१७)

भवति यदष्टाकपालस्तेनाग्नेयो यच्छामाकस्तेन सौम्यः
समृद्धौ सोमाय वाजिनं श्यामाकं चरुं निर्वपेद्यः क्लैव्याद्विभीयाद्रेतो
हि वा एतस्माद्वाजिनमपक्रामत्यथैष क्लैव्याद्विभाय सोममेव
वाजिनः स्वेन भागधेयेनोप धावति स एवास्मिन्नेतो
वाजिनं दधाति न क्लीबो भवति ब्राह्मणस्पत्यमेकादशकपालं
निर्वपेद्द्वामकामः (१८)

ब्रह्मणस्पतिमेव स्वेन भागधेयेनोप धावति स एवास्मै
सजातान्प्र यच्छति ग्राम्यैव भवति गणवती याज्यानुवाक्ये भवतः

सजातैरेवैनं गुणवन्तं करोत्येतामेव निर्वपेद्यः कामयेत ब्रह्मन्विशं
वि नाशयेयमिति मारुती याज्यानुवाक्ये कुर्याद्ब्रह्मन्नेव विशं वि
नाशयति॥ (१९)

तेजः समीचीं ब्रह्मवर्चस्येव ग्रामकामस्त्रिचत्वारिंशच्च॥ ————— [३]

अर्यम्णे चरुं निर्वपेत्सुवर्गकामोऽसौ वा आदित्योऽर्यमा-
र्यमणमेव स्वेन भागधेयेनोप धावति स एवैनं सुवर्गं
लोकं गमयत्यर्यम्णे चरुं निर्वपेद्यः कामयेत दानकामा मे
प्रजाः स्युरित्यसौ वा आदित्योऽर्यमा यः खलु वै ददाति
सोऽर्यमाऽर्यमणमेव स्वेन भागधेयेनोप धावति स एव (२०)

अस्मै दानकामाः प्रजाः करोति दानकामा अस्मै प्रजा
भवन्त्यर्यम्णे चरुं निर्वपेद्यः कामयेत स्वस्ति जनतामियामित्यसौ
वा आदित्योऽर्यमाऽर्यमणमेव स्वेन भागधेयेनोप धावति स एवैनं
तद्गमयति यत्र जिगमिषतीन्द्रो वै देवानामानुजावर आसीत्स
प्रजापतिमुपाधावत्तस्मा एतमैन्द्रमानुषूकमेकादशकपालं निः (२१)

अवपत्तेनैवैनमग्रं देवतानां पर्यणयद्बुध्रवती अग्रवती
याज्यानुवाक्ये अकरोद्बुध्रादेवैनमग्रं पर्यणयद्यो राजन्यं आनुजावरः
स्यात्तस्मा एतमैन्द्रमानुषूकमेकादशकपालं निर्वपेदिन्द्रमेव स्वेन
भागधेयेनोप धावति स एवैनमग्रं समानानां परिणयति बुध्रवती

अग्रवती याज्यानुवाक्ये भवतो बुध्रादेवैनमग्रम् (२२)

परिं णयत्यानुषूको भवत्येषा ह्येतस्य देवता य आनुजावरः
समृद्धौ यो ब्राह्मण आनुजावरः स्यात्तस्मा एतम्बारहस्पत्यमानुषूकं
चरुं निर्वपेद्बृहस्पतिमेव स्वेन भागधेयेनोप धावति स एवैनमग्रः
समानानां परिं णयति बुध्रवती अग्रवती याज्यानुवाक्ये भवतो
बुध्रादेवैनमग्रं परिं णयत्यानुषूको भवत्येषा ह्येतस्य देवता य
आनुजावरः समृद्धौ॥ (२३)

एव निरग्रमेतस्य चत्वारिं च॥ [४]

प्रजापतेस्त्रयस्त्रिंशद्गृहितरं आसन्ताः सोमाय राज्ञे-
ऽददात्तासाः रोहिणीमुपैत्ता ईर्ष्यन्तीः पुनरगच्छन्ता अन्वैत्ताः
पुनरयाचत ता अस्मै न पुनरददात्सौऽब्रवीदृतममीष्व यथा
समावच्छ उपैष्याम्यथ ते पुनर्दास्यामीति स ऋतमांसीत्ता अस्मै
पुनरददात्तासाः रोहिणीमेवोप (२४)

ऐतं यक्ष्म आर्च्छद्राजानं यक्ष्म आरदिति तद्राजयक्ष्मस्य जन्म
यत्पापीयानभवत्तत्पापयक्ष्मस्य यज्ञायाभ्योऽविन्दत्तज्ञायेन्यस्य य
एवमेतेषां यक्ष्माणां जन्म वेद नैनमेते यक्ष्मा विन्दन्ति स एता एव
नमस्यन्नुपाधावत्ता अब्रुवन्वरं वृणामहै समावच्छ एव न उपाय
इति तस्मा एतम् (२५)

आदित्यं चरुं निरवपन्तेनैवैनम्पापात्सामादमुश्चन् यः

पापयक्ष्मगृहीतः स्यात्तस्मा एतमादित्यं चरुं निर्वपेदादित्यानेव
 स्वेन भागधेयेनोप धावति त एवैनं पापात्स्वामान्मुञ्चन्त्यमावास्यायां
 निर्वपेदमुमेवैनमाप्यायमानमन्वा प्याययति नवोनवो भवति
 जायमान इति पुरोनुवाक्या भवत्यायुरेवास्मिन्तया दधाति
 यमादित्या अ१शुमाप्याययन्तीति याज्यैवैनमेतया प्याययति॥ (२६)

एवोपैतमस्मिन्त्रयोदश च॥ [५]

प्रजापतिर्देवेभ्योऽन्नाद्यं व्यादिशत्सोऽब्रवीद्यदिमाल्लोकानभ्यतिरिच्य
 तन्ममांसदिति तदिमाल्लोकानभ्यत्यरिच्यतेन्द्र१ राजानमिन्द्रमधिराजा
 स्वराजानन्ततो वै स इमाल्लोकाः स्नेधादुहत्तत्रिधातोस्त्रिधातुत्वय्यं
 कामयेतान्नादः स्यादिति तस्मा एतं त्रिधातुं निर्वपेदिन्द्राय राज्ञे
 पुरोडाशम् (२७)

एकादशकपालमिन्द्रायाधिराजायेन्द्राय स्वराज्ञेऽयं वा इन्द्रो
 राजायमिन्द्रोऽधिराजोऽसाविन्द्रः स्वराडिमानेव लोकान्स्वेन
 भागधेयेनोप धावति त एवास्मा अन्नम्प्र यच्छन्त्यन्नाद एव भवति
 यथा वत्सेन प्रत्तां गां दुह एवमेवेमाल्लोकान्प्रत्तान्काममन्नाद्यं
 दुह उत्तानेषु कपालेष्वधि श्रयत्ययातयामत्वाय त्रयः पुरोडाशा
 भवन्ति त्रय इमे लोका एषां लोकानामास्या उत्तरउत्तरो
 ज्यायांभवत्येवमिव हीमे लोकाः समृद्धौ सर्वेषामभिगमयन्नव

द्यत्यच्छम्बद्वारव्यत्यासमन्वाहानिर्दाहाय॥ (२८)

पुरोडाशत्रयः षड्विंशतिश्च॥ [६]

देवा॒सुराः संय॑त्ता आस॒न्तां दे॒वानसु॑रा अजय॒न्ते
दे॒वाः प॑राजिग्या॒ना असु॑राणां वैश्यमुपा॑य॒न्तेभ्य॑ इन्द्रि॒यं
वीर्य॑मपा॒क्राम॑त्तदिन्द्रो॑ऽचाय॒त्तदन्व॑पा॒क्राम॑त्तदे॒वरु॑धं नाश॑क्रो॒त्तदस्मा॑दभ्य॒
ऽचर॑त्स प्र॒जाप॑तिमुपा॒धाव॑त्तमे॒तया॒ सर्व॑पृष्ठया॒ऽयाज॑य॒त्तयै॒वास्मि॑न्निन्द्रि॒
वीर्य॑मदधा॒द्य इन्द्रि॒यका॑मः (२९)

वीर्य॑कामः स्यात्तमे॒तया॒ सर्व॑पृष्ठया याजयेदे॒ता ए॒व दे॒वताः
स्वेन॑ भाग॒धेये॒नोप॑ धावति॒ ता ए॒वास्मि॑न्निन्द्रि॒यं वीर्य॑ दधति॒
यदिन्द्रा॑य रा॒थं त॑राय॒ निर्व॑पति॒ यदे॒वाग्ने॒स्तेज॒स्तदे॒वाव॑ रु॒द्धे
यदिन्द्रा॑य बा॒र्हता॑य॒ यदे॒वेन्द्र॑स्य॒ तेज॒स्तदे॒वाव॑ रु॒द्धे यदिन्द्रा॑य
वैरू॒पाय॒ यदे॒व स॑वि॒तुस्तेज॒स्तत् (३०)

ए॒वाव॑ रु॒द्धे यदिन्द्रा॑य वैरा॒जाय॒ यदे॒व धा॑तुस्तेज॒स्तदे॒वाव॑ रु॒द्धे
यदिन्द्रा॑य शा॒क्वरा॑य॒ यदे॒व म॑रु॒तां तेज॒स्तदे॒वाव॑ रु॒द्धे यदिन्द्रा॑य
रै॒वता॑य॒ यदे॒व बृ॒हस्प॑तेस्तेज॒स्तदे॒वाव॑ रु॒द्ध ए॒ताव॑न्ति॒ वै तेजा॑सि॒
तान्ये॒वाव॑ रु॒द्ध उ॒त्ता॒नेषु॑ क॒पाले॒ष्वधि॑ श्रय॒त्यया॑तयाम॒त्वाय॒ द्वाद॑श॒
क॒पालः पुरो॒डाशः (३१)

भ॒वति॒ वैश्व॑दे॒वत्वाय॑ सम॒न्तम्प॑र्यव॒द्यति॒ सम॒न्तमे॒वेन्द्रि॒यं वीर्य॑
यज॑माने दधाति व्य॒त्यास॑मन्वा॒हानि॑र्दाहा॒याश्च॑ ऋष॒भो वृ॒ष्णिर्ब॑स्तः

सा दक्षिणा वृषत्वायैतयैव यंजेताभिःशस्यमान एताश्चेद्वा अस्य
देवता अन्नमदन्त्युदन्त्युवेवास्य मनुष्याः॥ (३२)

इन्द्रियकामः सवितुस्तेजस्तपुरोडाशोऽष्टात्रिंशच्च॥ [७]

रजनो वै कौणेयः क्रतुजितं जानकिं चक्षुर्वन्यमयात्तस्मा
एतामिष्टिं निरवपदग्रये भ्राजस्वते पुरोडाशमष्टाकपालं सौर्यं
चरुमग्रये भ्राजस्वते पुरोडाशमष्टाकपालन्तयैवास्मिञ्चक्षुरदधाद्यश्चक्षुष्य
स्यात्तस्मा एतामिष्टिं निर्वपेदग्रये भ्राजस्वते पुरोडाशमष्टाकपालं
सौर्यं चरुमग्रये भ्राजस्वते पुरोडाशमष्टाकपालमग्नेर्वै चक्षुषा
मनुष्या वि (३३)

पश्यन्ति सूर्यस्य देवा अग्निं चैव सूर्यं च स्वेन भागधेयेनोप
धावति तावेवास्मिञ्चक्षुर्धत्तश्चक्षुष्मानेव भवति यदाग्नेयो भवतश्चक्षुषी
एवास्मिन्तत्प्रति दधाति यथ्सौर्यो नासिकां तेनाभितः सौर्यमाग्नेयो
भवतस्तस्मादभितो नासिकां चक्षुषी तस्मान्नासिकया चक्षुषी विधृते
समानी याज्यानुवाक्ये भवतः समानं हि चक्षुः समृद्ध्या उदु त्यं
जातवेदसं सप्त त्वा हरितो रथे चित्रं देवानामुदंगादनीकमिति
पिण्डान्प्र यच्छति चक्षुरेवास्मै प्र यच्छति यदेव तस्य तत्॥ (३४)

वि ह्यष्टाविंशतिश्च॥ [८]

ध्रुवोऽसि ध्रुवोऽहं संजातेषु भूयासं धीरश्चेत्ता वसुविद्धुवो-
ऽसि ध्रुवोऽहं संजातेषु भूयासमुग्रश्चेत्ता वसुविद्धुवोऽसि ध्रुवो-

ऽह॑ स॒जा॒तेषु॑ भूयासमभिभूश्चेत्ता॑ वसुविदाम॑नम॒स्याम॑नस्य देवा॒
ये स॒जा॒ताः कु॒माराः॑ सम॑नस॒स्तान॒हं का॑मये हृदा ते मां का॑मयन्ता॑
हृदा तान्म॒ आम॑नसः कृधि॒ स्वाहा॑म॑नमसि (३५)

आम॑नस्य देवा॒ याः स्त्रियः॑ सम॑नस॒स्ता अ॒हं का॑मये हृदा ता
मां का॑मयन्ता॑ हृदा ता म॒ आम॑नसः कृधि॒ स्वाहा॑ वैश्वदे॒वी॑
साङ्ग्र॑हणीं निर्वपेद्दाम॑कामो वैश्वदे॒वा वै स॒जा॒ता विश्वा॑नेव
देवा॒न्ध्रस्वेन॑ भाग॒धेये॒नोप॑ धावति त ए॒वास्मै॑ सजा॒तान्प्र य॑च्छन्ति
ग्रा॒म्येव॑ भवति साङ्ग्र॑हणी भवति म॒नो॒ग्रह॑णं वै स॒ग्रह॑ण॒म्मन॑ ए॒व
स॒जा॒ताना॑म् (३६)

गृ॒ह्णाति॑ ध्रुवो॑ऽसि ध्रुवो॑ऽह॑ स॒जा॒तेषु॑ भूयासमि॒तिं परि॑धीन्परि॑
दधा॒त्याशि॑षमे॒वैता॒मा शा॑स्तेऽथो॑ ए॒तदे॒व सर्व॑ स॒जा॒तेष्वधि॑ भवति
यस्यै॒वं वि॒दुष॑ ए॒ते परि॑धयः परि॒धी॒यन्त॒ आम॑नम॒स्याम॑नस्य देवा॒
इति॑ तिस्र आहु॑तीर्जुहोत्ये॒ताव॑न्तो॒ वै स॒जा॒ता ये म॒हान्तो॑ ये क्षु॒ल्लका॑
याः स्त्रिय॑स्ताने॒वाव॑ रुन्दे॒ त ए॑न॒मव॑रुद्धा उ॒प तिष्ठ॑न्ते॥ (३७)

स्वाहा॑म॑नमसि सजा॒ताना॑ रुन्दे॒ पञ्च॑ च॥ [९]

यन्न॒वमै॒त्तन्न॒वनी॑तमभवद्यदस॑र्पत्तत्स॒र्पिरे॒भवद्यद॑घ्नियत
तद्ध॒तम॑भवद॒श्विनोः॑ प्रा॒णो॑ऽसि॒ तस्य॑ ते दत्तां॒ ययोः॑ प्रा॒णो-
ऽसि॒ स्वाहेन्द्र॑स्य प्रा॒णो॑ऽसि॒ तस्य॑ ते ददातु॒ यस्य॑ प्रा॒णो॑ऽसि॒
स्वाहा॑ मि॒त्रावरु॑णयोः प्रा॒णो॑ऽसि॒ तस्य॑ ते दत्तां॒ ययोः॑ प्रा॒णो॑ऽसि॒

स्वाहा विश्वेषां देवानां प्राणोऽसि (३८)

तस्य ते ददतु येषां प्राणोऽसि स्वाहा घृतस्य धाराममृतस्य
पन्थामिन्द्रेण दत्ताम्प्रयताम्मरुद्भिः। तत्त्वा विष्णुः पर्यपश्यत्तत्त्वेडा
गव्यैरयत्। पावमानेन त्वा स्तोमेन गायत्रस्य वर्तन्योपाशोर्वीर्येण
देवस्त्वा सवितोऽसृजतु जीवातवे जीवनस्यायै बृहद्रथन्तरयोस्त्वा
स्तोमेन त्रिष्टुभो वर्तन्या शुक्रस्य वीर्येण देवस्त्वा सवितोत् (३९)

सृजतु जीवातवे जीवनस्याया अग्नेस्त्वा मात्रया जगत्त्यै
वर्तन्याग्रयणस्य वीर्येण देवस्त्वा सवितोऽसृजतु जीवातवे
जीवनस्याया इममग्र आयुषे वर्चसे कृधि प्रियं रेतो वरुण सोम
राजन्। मातेवास्मा अदिते शर्म यच्छ विश्वे देवा जरदष्टिर्यथासत्।
अग्निरायुष्मान्त्स वनस्पतिभिरायुष्मान्तेन त्वायुषायुष्मन्तं
करोमि सोम आयुष्मान्त्स ओषधीभिर्यज्ञ आयुष्मान्त्स
दक्षिणाभिर्ब्रह्मायुष्मत्तद्वाह्न्यैरायुष्मद्देवा आयुष्मन्तस्तेऽमृतेन पितर
आयुष्मन्तस्ते स्वधयायुष्मन्तस्तेन त्वायुषायुष्मन्तं करोमि॥ (४०)

विश्वेषां देवानां प्राणोऽसि त्रिष्टुभो वर्तन्या शुक्रस्य वीर्येण देवस्त्वा
सवितोऽसृजतु आयुष्मान्त्स विंशतिश्च॥ [१०]

अग्निं वा एतस्य शरीरं गच्छति सोमं रसो वरुण
एनं वरुणपाशेन गृह्णाति सरस्वतीं वागग्नाविष्णु आत्मा

यस्य ज्योगामयति यो ज्योगामयावी स्याद्वो वा कामयेत
 सर्वमायुरिरियामिति तस्मा एतामिष्टिं निर्वपेदाग्नेयमष्टाकपालं
 सौम्यं चरुं वारुणं दशकपालं सारस्वतं चरुमोग्नावैष्णवमेका-
 दशकपालमग्नेरेवास्य शरीरं निष्क्रीणाति सोमाद्रसम् (४१)

वारुणेनैवैनं वरुणपाशान्मुञ्चति सारस्वतेन वाचं दधात्यग्निः
 सर्वा देवता विष्णुर्यज्ञो देवताभिश्चैवैनं यज्ञेन च भिषज्यत्युत
 यदीतासुर्भवति जीवत्येव यन्नवमेतन्नवनीतमभवदित्याज्यमवैक्षते
 रूपमेवास्यैतन्महिमानं व्याचष्टेऽश्विनोः प्राणोऽसीत्याहाश्विनौ वै
 देवानाम् (४२)

भिषजौ ताभ्यामेवास्मै भेषजं करोतीन्द्रस्य प्राणो-
 ऽसीत्याहेन्द्रियमेवास्मिन्नेतेन दधाति मित्रावरुणयोः प्राणोऽसीत्याह
 प्राणापानावेवास्मिन्नेतेन दधाति विश्वेषां देवानां प्राणोऽसीत्याह
 वीर्यमेवास्मिन्नेतेन दधाति घृतस्य धाराममृतस्य पन्थामित्याह
 यथायजुरेवैतत्पावमानेन त्वा स्तोमेनेति (४३)

आह प्राणमेवास्मिन्नेतेन दधाति बृहद्रथन्तरयोस्त्वा
 स्तोमेनेत्याहौज एवास्मिन्नेतेन दधात्यग्नेस्त्वा मात्रयेत्याहात्मानमेवासि
 दधात्यृत्विजः पर्याहुर्यावन्त एवर्त्विजस्त एनम्भिषज्यन्ति ब्रह्मणो
 हस्तमन्वारभ्य पर्याहुरेकधैव यजमान आयुर्दधति यदेव तस्य
 तद्धिरण्यात् (४४)

घृतं निष्पिबत्यायुर्वै घृतममृतं ५ हिरण्यममृतादेवायुर्निष्पिबति
 शतमानम्भवति शतायुः पुरुषः शतेन्द्रिय आयुष्येवेन्द्रिये प्रति
 तिष्ठत्यथो खलु यावतीः समा एष्यन्मन्येत तावन्मानः
 स्यात्समृद्ध्या इममग्र आयुषे वर्चसे कृधीत्याहायुरेवास्मिन्वर्चो
 दधाति विश्वे देवा जरदष्टिर्यथासदित्याह जरदष्टिमेवैनं
 करोत्यग्निरायुष्मानिति हस्तं गृह्णात्येते वै देवा आयुष्मन्तस्त
 एवास्मिन्नायुर्दधति सर्वमायुरेति॥ (४५)

रसं देवानां ६ स्तोमेनेति हिरण्यादसदिति द्वाविंशतिश्च॥ [११]

प्रजापतिर्वरुणायाश्वमनयत्स स्वां देवतामार्च्छत्स पर्यदीर्यत
 स एतं वारुणं चतुष्कपालमपश्यत्तं निरवपत्ततो वै स
 वरुणपाशादमुच्यत वरुणो वा एतं गृह्णाति योऽश्वं प्रतिगृह्णाति
 यावतोऽश्वान्प्रतिगृह्णीयात्तावतो वारुणाश्चतुष्कपालान्निर्वपेद्वरुणमेव
 स्वेन भागधेयेनोप धावति स एवैनं वरुणपाशान्मुञ्चति (४६)

चतुष्कपाला भवन्ति चतुष्पाद्व्यश्वः समृद्ध्या एकमतिरिक्तं
 निर्वपेद्यमेव प्रतिग्राही भवति यं वा नाध्येति तस्मादेव
 वरुणपाशान्मुच्यते यद्यपरं प्रतिग्राही स्यात्सौर्यमेकं कपालमनु
 निर्वपेदमुमेवाऽऽदित्यमुच्चारं कुरुतेऽपोऽवभृथमवैत्यप्सु वै
 वरुणः साक्षादेव वरुणमव यजतेऽपोनप्रीयं चरुम्पुनरेत्य

निर्वपेदप्सुर्योनिर्वा अश्वः स्वामेवैनं योनिं गमयति स एनं
शान्त उप तिष्ठते॥ (४७)

मुञ्चति चरुं सप्तदश च॥ [१२]

या वामिन्द्रावरुणा यतव्या तनूस्तयेममंहंसो मुञ्चतं या
वामिन्द्रावरुणा सहस्र्या रक्षस्या तेजस्या तनूस्तयेममंहंसो मुञ्चतं
यो वामिन्द्रावरुणावग्नौ सामस्तं वामेतेनाव यजं यो वामिन्द्रावरुणा
द्विपाथ्सु पशुषु चतुष्पाथ्सु गोष्ठे गृहेष्वप्स्वोषधीषु वनस्पतिषु
सामस्तं वामेतेनाव यज इन्द्रो वा एतस्य (४८)

इन्द्रियेणापं क्रामति वरुण एनं वरुणपाशेनं गृह्णाति
यः पाप्मनां गृहीतो भवति यः पाप्मनां गृहीतः स्यात्तस्मा
एतामैन्द्रावरुणीम्पयस्यां निर्वपेदिन्द्र एवास्मिन्निन्द्रियं दधाति
वरुण एनं वरुणपाशान्मुञ्चति पयस्यां भवति पयो हि वा
एतस्मादपक्रामत्यथैष पाप्मनां गृहीतो यत्पयस्यां भवति पय
एवास्मिन्तया दधाति पयस्यायाम् (४९)

पुरोडाशमव दधात्यात्मन्वन्तमेवैनं करोत्यथो आयतनवन्तमेव
चतुर्धा व्यूहति दिक्ष्वेव प्रति तिष्ठति पुनः समूहति दिग्भ्य एवास्मै
भेषजं करोति समूह्याव द्यति यथाविद्धं निष्कृन्तति तादृगेव तद्यो
वामिन्द्रावरुणावग्नौ सामस्तं वामेतेनाव यज इत्याहुं दुरिष्ट्या
एवैनम्पाति यो वामिन्द्रावरुणा द्विपाथ्सु पशुषु सामस्तं वामेतेनाव

यज॒ इत्या॑हैताव॑ती॒र्वा आप॒ ओष॑धयो॒ वन॒स्पत॑यः प्र॒जाः प॒शव॑
उपजीव॑नीया॒स्ता ए॒वास्मै॑ वरुणपा॒शान्मु॑ञ्चति॥ (५०)

ए॒तस्य॑ पय॒स्यायाम्पा॑ति षड्विं॑शतिश्च॥ [१३]

स प्र॑ल॒वन्नि का॒व्येन्द्रं॑ वो वि॒श्वत॑स्परीन्द्रं॒ नरः॑। त्वं नः॑ सोम
वि॒श्वतो॑ रक्षा॑ राजन्नघाय॒तः। न रि॑ष्ये॒त्त्वाव॑तः सखा॑। या ते॒ धामा॑नि
दि॒वि या पृ॑थि॒व्यां या पर्व॑तेष्वोष॑धीष्व॒प्सु। तेभि॑र्नो॒ विश्वैः॑ सुमना॒
अहे॑ड॒न्नाज॑न्त्सोम॒ प्रति॑ ह॒व्या गृ॑भाय। अ॒ग्नीषो॑मा॒ सर्वे॑दसा॒ सह॑ती
वन॑तं गिरः॑। सं दे॒वत्रा॑ ब॒भूव॑थुः। युवम् (५१)

ए॒तानि॑ दि॒वि रो॑च॒नान्य॑ग्निश्च॒ सोम॒ सक्र॑तू अध॑त्तम्।
युव॑ꣳ सिन्धूꣳ र॒भिषो॑स्तेरव॒द्याद॒ग्नीषो॑मा॒वमु॑ञ्चतं गृ॒भीता॑न।
अ॒ग्नीषो॑माविमꣳ सु मे॑ शृणु॒तं वृ॑षणा॒ हव॑म्। प्रति॑ सू॒क्तानि॑
हर्य॑त॒म्भवं॑तं दा॒शुषे॒ मयः॑। आन्यं॑ दि॒वो मा॑तरि॒श्वा ज॒भारा॑म॒भ्राद॑न्यं
परि॑ श्ये॒नो अ॒द्रेः। अ॒ग्नीषो॑मा॒ ब्रह्म॑णा वावृ॒धानो॑रुं य॒ज्ञाय॑ चक्रथुरु
लो॒कम्। अ॒ग्नीषो॑मा ह॒विषः॑ प्र॒स्थित॑स्य वी॒तम् (५२)

हर्य॑तं वृषणा जुषेथा॑म्। सु॒शर्मा॑णा॒ स्ववंसा॑ हि भू॒तमथा॑
धत्तं॑ यज॑मानाय॒ शं योः॑। आ प्या॑यस्व॒ सं ते॑। गु॒णानां॑ त्वा
गु॒णप॑तिꣳ हवामहे॒ क॒विं क॑वीनामु॒पम॑श्रवस्तमम्। ज्येष्ठ॑राजं॒ ब्रह्म॑णां
ब्रह्म॑णस्प॒त आ नः॑ शृण्व॒न्नृति॑भिः सीद॒ साद॑नम्। स इ॒ज्जने॑न॒ स
वि॒शा स ज॑न्म॒ना स पु॒त्रैर्वाज॑म्भरते॒ धना॑ नृभिः॑। दे॒वानां॑ यः

पितरमाविवांसति (५३)

श्रद्धामना हविषा ब्रह्मणस्पतिम्। स सुष्टुभा स ऋक्ता
गुणेन वल९ रुरोज फलिग९ रवेण। बृहस्पतिरुस्रिया हव्यसूदः
कनिक्रदद्वावंशतीरुदाजत्। मरुतो यद्ध वो दिवो या वः शर्म।
अर्यमा याति वृषभस्तुविष्मान्दाता वसूनां पुरुहूतो अर्हन्।
सहस्राक्षो गौत्रभिद्वज्रबाहुरस्मासु देवो द्रविणं दधातु। ये
तैर्ऽर्यमन्बृहवो देवयानाः पन्थानः (५४)

राजन्दिव आचरन्ति। तेभिर्नो देव महि शर्म यच्छु शं न
एधि द्विपदे शं चतुष्पदे। बुध्रादग्रमङ्गिरोभिर्गृणानो वि पर्वतस्य
दृ९हितान्यैरत्। रुजद्रोधा९सि कृत्रिमाण्येषा९ सोमस्य ता मद
इन्द्रश्चकार। बुध्रादग्रेण वि मिमाय मानैर्वज्रेण खान्यतृणन्नदीनाम्।
वृथासृजत्पृथिभिर्दीर्घयाथैः सोमस्य ता मद इन्द्रश्चकार (५५)

प्र यो जुज्ञे विद्वा९ अस्य बन्धुं विश्वानि देवो जनिमा
विवक्ति। ब्रह्म ब्रह्मण उज्जभार मध्या९त्रीचादुच्चा स्वधयाभि प्र
तस्थौ। महान्मही अस्तभायद्वि जातो द्या९ सद्म पार्थिवं च रजः।
स बुध्रादाष्ट जनुषाभ्यग्रम्बृहस्पतिर्देवता यस्य सम्राट्। बुध्राद्यो
अग्रमभ्यर्त्योजसा बृहस्पतिमा विवासन्ति देवाः। भिनद्वलं वि
पुरो ददर्शति कनिक्रदत्सुवरपो जिगाय॥ (५६)

ऽत्राद्यन्देवासुरास्तान्नजंनो द्वुवोऽसि यन्नवंमग्निं वै प्रजापतिर्वरुणाय या वामिन्द्रावरुणा सप्रब्रवच्चतुर्दश॥14॥
आदित्येभ्यस्त्वष्टरस्मै दानकामा एवावरुन्धेऽग्निं वै सप्रब्रवथ्यदञ्चाशत्॥56॥ आदित्येभ्यः सुवरूपो जिगाय॥]

[युवं वीतमा विवासति पन्थानो दीर्घयाथैः सोमस्य ता मद इन्द्रश्चकार
देवा नव च॥_____ [१४]

॥चतुर्थः प्रश्नः॥

॥तैत्तिरीयसंहितायां द्वितीयकाण्डे चतुर्थः प्रश्नः॥

देवा मनुष्याः पितरस्तेऽन्यत आसन्नसुरा रक्षांसि पिशाचास्तेऽन्यतस्तेषां देवानामुत यदल्पं
लोहितमकुर्वन्तद्रक्षांसि रात्रौभिरसुभ्रन्तान्धुध्यान्मृतान्भि व्योच्छ्रुते देवा अविदुर्यो वै नोऽयमिष्यते रक्षांसि
वा इमं घ्नन्तीति ते रक्षांस्युपांमन्नयन्त तान्यब्रुवन्वरं वृणामहे यत् (१)

असुराञ्जयां तन्नः सहासदिति ततो वै देवा असुरानजयन्तेऽसुराञ्जित्वा रक्षांस्युपांनुदन्त तानि
रक्षांस्यनुतमकर्तेति समन्तं देवान्ययविशन्ते देवा अग्रावनाथन्त तैऽग्नये प्रवन्ते पुरोडाशमष्टाकपालं निरवपन्नग्नये
विबाधवन्तेऽग्नये प्रतीकवते यदग्नये प्रवन्ते निरवपन् यान्येव पुरस्ताद्रक्षांसि (२)

आसन्तानि तेन प्रार्णुदन्त यदग्नये विबाधवन्ते यान्येवाभितो रक्षांस्युपासन्तानि तेन व्यबाधन्त यदग्नये
प्रतीकवते यान्येव पश्चाद्रक्षांस्युपासन्तानि तेनापांनुदन्त ततो वै देवा अभवन्मरासुरा यो भ्रातृव्यवान्स्याथ्स
स्पर्धमान एतयेष्ट्या यजेताग्नये प्रवन्ते पुरोडाशमष्टाकपालं निर्वपेदग्नये विबाधवन्ते (३)

अग्नये प्रतीकवते यदग्नये प्रवन्ते निर्वपति य एवास्माच्छ्रेयान्भ्रातृव्यस्तं तेन प्र णुदते यदग्नये
विबाधवन्ते य एवैनं सृष्ट्वं तेन वि बाधते यदग्नये प्रतीकवते य एवास्मात्पापीयान्तं तेनाप नुदते प्र
श्रेयांसम्रातृव्यं नुदतेऽति सृष्ट्वा क्रामति नैनम्पापीयानाप्नोति य एवं विद्वानेतयेष्ट्या यजन्ते॥ (४)

वृणामहे यत्पुरस्ताद्रक्षांसि वपेदग्नये विबाधवन्त एवं चत्वारि च॥_____ [१]

देवासुराः संयत्ता आसन्ते देवा अब्रुवन् यो नो वीर्यावत्तमस्तमनुं समारंभामहा इति त इन्द्रमब्रुवन्त्वं वै
नो वीर्यावत्तमोऽसि त्वामनुं समारंभामहा इति सौऽब्रवीत्तिश्रो मं इमास्तनुवो वीर्यावतीस्ताः प्रीणीताथासुरान्भि
भविष्यथेति ता वै ब्रूहीत्यब्रुवन्नियमं होमगुणं विमृधेयमिन्द्रियावन्ती (५)

इत्यब्रवीत् इन्द्रायां होमर्चं पुरोडाशमेकादशकपालं निरवपन्नन्द्राय वैमृधायेन्द्रायेन्द्रियावन्ते
यदिन्द्रायां होमर्चं निरवपन्नर्हंस एव तेनामृच्यन्त यदिन्द्राय वैमृधाय मृधं एव तेनापौघन्त यदिन्द्रायेन्द्रियावन्त
इन्द्रियमेव तेनात्मन्नदधत् त्रयस्त्रिंशत्कपालं पुरोडाशं निरवपन्नर्यस्त्रिंशद्वै देवतास्ता इन्द्रं आत्मन्नं
समारंभयत् भूत्यै (६)

तां वाव देवा विजित्तिमुत्तमामसुरैर्व्यजयन्तु यो भ्रातृव्यवान्स्थ्यात्स स्पर्धमान एतयेष्टां यजेतेन्द्रायाः होमुचं पुरोडाशमेकादशकपालं निर्वपेदिन्द्राय वैमृधायेन्द्रायेन्द्रियावतेऽहंसा वा एष गृहीतो यस्माच्छ्रेयाभ्रातृव्यो यदिन्द्रायाः होमुचं निर्वपत्यहंस एव तेन मुच्यते मृधा वा एषोऽभिषण्णो यस्मात्समानेष्वन्यः श्रेयानुत (७)

अभ्रातृव्यो यदिन्द्राय वैमृधाय मृध एव तेनापं हते यदिन्द्रायेन्द्रियावत इन्द्रियमेव तेनात्मन्धत्ते त्रयस्त्रिंशत्कपालं पुरोडाशं निर्वपति त्रयस्त्रिंशद्वे देवतास्ता एव यजमान आत्मन्ननु समारम्भयते भूत्यै सा वा एषा विजित्तिर्नामेष्टिय एव विद्वानेतयेष्टा यजत उत्तमामेव विजित्तिभ्रातृव्येण विजयते॥ (८)

इन्द्रियावन्ती भूत्या उत्तैकान्नपञ्चाशच्च॥ [२]

देवासुराः संयन्ता आसन्तेषां गायत्र्योजो बलमिन्द्रियं वीर्यं प्रजां पशून्संगृह्यादायापक्रम्यातिष्ठतैऽमन्यन्त यतरान् वा इयमुपावर्ष्यति त इदम्भविष्यन्तीति तां व्यह्वयन्त विश्वकर्मत्रिति देवा दामोत्यसुराः सा नान्यतराश्च नोपावर्तत ते देवा एतद्यजुरपश्यन्नोजोऽसि सहोऽसि बलमसि (९)

भ्राजोऽसि देवानां धाम नामासि विश्वमसि विश्वायुः सर्वमसि सर्वायुरभिभूरिति वाव देवा असुराणामोजो बलमिन्द्रियं वीर्यं प्रजां पशून्वृञ्जत यद्रायत्र्यपक्रम्यातिष्ठत्तस्मादितां गायत्रीतीर्षिमाहुः संवत्सरो वै गायत्री संवत्सरो वै तदपक्रम्यातिष्ठद्यदेतया देवा असुराणामोजो बलमिन्द्रियं वीर्यम् (१०)

प्रजां पशून्वृञ्जत तस्मादिताः संवर्ग इतीर्षिमाहुर्गो भ्रातृव्यवान्स्थ्यात्स स्पर्धमान एतयेष्टां यजेताग्र्ये संवर्गाय पुरोडाशमष्टाकपालं निर्वपेत् श्रुतमासन्नमेतेन यजुषाभि मृशेदोजं एव बलमिन्द्रियं वीर्यं प्रजां पशून्भ्रातृव्यस्य वृङ्क्षे भवत्यात्मना परास्य भ्रातृव्यो भवति॥ (११)

बलमस्येतया देवा असुराणामोजो बलमिन्द्रियं वीर्यं पञ्चचत्वारिंशच्च॥ [३]

प्रजापतिः प्रजा असृजत ता अस्मात्सृष्टाः परांचीरायन्ता यत्रावसन्ततो गर्मुददतिष्ठत्ता बृहस्पतिश्चान्ववैताः सौऽब्रवीद्बृहस्पतिरनयां त्वा प्र तिष्ठान्यथ त्वा प्रजा उपावर्ष्यन्तीति तस्मातिष्ठत्तो वै प्रजापतिं प्रजा उपावर्तन्त यः प्रजाकामः स्यात्तस्मा एतस्माज्जापत्यं गार्मुतं चरुं निर्वपेत्प्रजापतिम् (१२)

एव स्वेन भागधेयेनोपं धावति स एवास्मै प्रजाम् जनयति प्रजापतिः पशून्सृजत तैऽस्मात्सृष्टाः पराश्च आयन्ते यत्रावसन्ततो गर्मुददतिष्ठत्तान्यूषा चान्ववैताः सौऽब्रवीत्पूषानयां मा प्र तिष्ठान्यथ त्वा पशवं उपावर्ष्यन्तीति माम्प्र तिष्ठेति सोमोऽब्रवीन्मम् वै (१३)

अकृष्टपच्यमित्युभौ वाम्प्र तिष्ठान्यथैव ब्रवीतौ प्रातिष्ठत्तो वै प्रजापतिम्पशवं उपावर्तन्त यः पशुकामः स्यात्तस्मा एतः सोमापौषां गार्मुतं चरुं निर्वपेत्सोमापूषणावेव स्वेन भागधेयेनोपं धावति तावेवास्मै पशून् जनयतः सोमो वै रेतोधाः पूषा पशूनाम्प्रजनयिता सोम एवास्मै रेतो दधाति पूषा पशून् जनयति॥ (१४)

वपेत्प्रजापतिं वै दधाति पूषा त्रीणि च॥ [४]

अग्ने गोभिर्न आ गृहीदों पुष्ट्या जुपस्व नः। इन्द्रो धर्ता गृहेषु नः॥ सविता यः संहस्त्रियः स नो गृहेषु रारणत्। आ पूषा एत्वा वसु॥ धाता दंदातु नो रयिमीशानो जगत्स्पतिः। स नः पूर्णेन वावनत्॥ त्वष्टा यो वृषभो वृषा स नो गृहेषु रारणत्। सहस्रेणायुतेन च॥ येन देवा अमृतम् (१५)

दीर्घं श्रवो दिव्यैरयन्त। रायस्पोष त्वमस्मभ्यं गवां कुल्मिं जीवस् आ युवस्व। अग्निर्गृहपतिः सोमो विश्वर्निः सविता सुमेधाः स्वाहा॥ अग्ने गृहपते यस्ते घृत्यो भागस्तेन सह ओज आक्रममाणाय हेहि श्रेष्ठात्पथो मा योषं मूर्धा भूयासुः स्वाहा॥ (१६)

अमृतमृष्टात्रिंशच्च॥ [५]

चित्रयां यजेत पशुकाम इयं वै चित्रा यद्वा अस्यां विश्वंभूतमधि प्रजायते तेनेयं चित्रा य एवं विद्वाश्चित्रयां पशुकामो यजते प्र प्रजयां पशुभिर्मिथुनेर्जायते प्रैवाग्नेयेन वापयति रेतः सौम्येन दधाति रेतं एव हितं त्वष्टा रूपाणि वि करोति सारस्वतौ भवत एतद्वै दैव्यम्मिथुनं दैव्यमेवासौ (१७)

मिथुनमम्यतो दधाति पुष्टौ प्रजननाय सिनीवाल्यै चरुर्भवति वाग्वै सिनीवाली पुष्टिः खलु वै वाक्पुष्टिमेव वाचमुपैत्येन्द्र उत्तमो भवति तेनैव तन्मिथुनं सप्तैतानि हवीर्षि भवन्ति सप्त ग्राम्याः पशवः सप्तारण्याः सप्त छन्दाश्स्युभयस्यावरुद्धा अथेता आहुतीर्जुहोत्येते वै देवाः पुष्टिपतयस्त एवास्मिन्पुष्टिं दधति पुष्यति प्रजयां पशुभिरथो यदेता आहुतीर्जुहोति प्रतिष्ठित्यै॥ (१८)

अस्मै त एव द्वादश च॥ [६]

मातृमंसि मरुतामोजोऽपां धारां भिन्धि रमयंत मरुतः श्येनमायिनम्मनोजवसं वृषणं सुवृक्तिम्। येन शर्ध उग्रमवसृष्टमेति तदक्षिना परि धत्तं स्वस्ति। पुरोवातो वर्षाञ्जिन्वरावृथ्स्वाहा वातावद्वर्षन्नुग्ररावृथ्स्वाहा स्तनयन्वर्षन्मीमरावृथ्स्वाहानशन्यवस्फूर्जन्दिद्युद्वर्षन्त्वेपरावृथ्स्वाहांतिरात्रं वर्षन्पूतिरावृत् (१९)

स्वाहा बहु हायमवृषादिति श्रुतरावृथ्स्वाहातपति वर्षन्वित्राडावृथ्स्वाहांवस्फूर्जन्दिद्युद्वर्षन्भूतरावृथ्स्वाहा मान्दा वाशाः शुन्यूरजिराः। ज्योतिष्मतीस्तमस्वरौरुदंतीः सुफेनाः। मित्रंभृतः क्षत्रंभृतः सुराष्ट्रा इह मांऽवत। वृष्णो अश्वस्य सदानमसि वृष्टै त्वोपं नह्यामि॥ (२०)

पूतिरावृद्धिचत्वारिंशच्च॥ [७]

देवां वसव्या अग्ने सोम सूर्य। देवाः शर्मण्या मित्रावरुणार्यमन्त्र। देवाः सपीतयोऽपां नपादाशुहेमन्त्र। उद्रो दंतोऽदधिभिन्त दिवः पर्जन्यादन्तरिक्षात्पृथिव्यास्ततो नो वृष्टांऽवत। दिवां चित्तमः कृण्वन्ति पर्जन्येनोदवाहेन। पृथिवीं यद्बृन्दन्ति। आ यं नरः सुदानवो ददाशुषे दिवः कोशमचुच्चवुः। वि पर्जन्याः सृजन्ति रोदसी अनु धन्वना यन्ति (२१)

वृष्टयः। उदीरयथा मरुतः समुद्रतो यूयं वृष्टिं वर्षयथा पुरीषिणः। न वो दस्त्रा उपं दस्यन्ति

धेनवः शुभं यातामनु रथां अवधत्सत। सृजा वृष्टिं दिव आद्भिः संमुद्रं पूण। अञ्जा अंसि प्रथमजा बलमसि समुद्रियम्। उन्नम्भय पृथिवीमिन्द्रादं दिव्यं नभः। उद्रो दिव्यस्य नो देहीशानो वि सृजा दितिम्। ये देवा दिविभागा यैः अन्तरिक्षभागा ये पृथिविभागाः। त इमं यज्ञमवन्तु त इदं क्षेत्रमा विंशन्तु त इदं क्षेत्रमनु वि विंशन्तु॥ (२२)

यन्ति देवा विंशतिश्च॥ [८]

मारुतमसि मरुतामोज इति कृष्णं वासः कृष्णातूपं परि धत्त एतद्वै वृष्टै रूपं सरूप एव भूत्वा पर्जन्यं वर्षयति रमयंत मरुतः श्येनमायिनुमिति पश्चाद्वातं प्रति मीवति पुरोवातमेव जनयति वर्षस्यावरुद्धे वातनामानि जुहोति वायुर्वै वृष्ट्या ईशे वायुमेव स्वेन भागधेयेनोप धावति स एवास्यै पर्जन्यं वर्षयत्यष्टौ (२३)

जुहोति चतस्रो वै दिशश्चतस्रोऽवान्तरदिशा दिग्भ्य एव वृष्टिः सम्प्र च्यावयति कृष्णाजिने सं यौति हविरेवाकरन्तर्वेदि सं यौत्यवरुद्धे यतीनामद्यमानानां शीर्षाणि परापतन्ते खजुरां अभवन्तेषां रसं ऊर्ध्वाऽपतत्तानि कुरीराण्यभवन्सौम्यानि वै कुरीराणि सौम्या खलु वा आहुतिर्दिवो वृष्टिं च्यावयति यत्कुरीराणि भवन्ति (२४)

सौम्यैवाहुत्या दिवो वृष्टिमव रुद्धे मधुषा सं यौत्पां वा एष ओषधीनां रसो यन्मध्वच्छ एवौषधीभ्यो वर्षत्यथो अद्य एवौषधीभ्यो वृष्टिं नि नयति मान्दा वाशा इति सं यौति नामधेयैरेवेना अच्छेत्यथो यथा ब्रूयादसावेहीत्येवमेवेना नामधेयैरा (२५)

च्यावयति वृष्णो अश्वस्य सुदानमसि वृष्टे त्वोपं नह्यामीत्याहु वृषा वा अश्वो वृषां पर्जन्यः कृष्ण इव खलु वै भूत्वा वर्षति रूपेणैवेन संमर्धयति वर्षस्यावरुद्धे॥ (२६)

अष्टौ भवन्ति नामधेयैरेकात्रिंशच्च॥ [९]

देवा वसव्या देवाः शर्मण्या देवाः सपीतय इत्या बभ्राति देवताभिरेवान्वहं वृष्टिमिच्छति यदि वर्षेतावत्येव हौतव्यं यदि न वर्षेच्छो भूते हविर्निर्वपेदहोरात्रे वै मित्रावरुणावहोरात्राभ्यां खलु वै पर्जन्यां वर्षति नक्तं वा हि दिवा वा वर्षति मित्रावरुणावेव स्वेन भागधेयेनोप धावति तावेवास्यै (२७)

अहोरात्राभ्यां पर्जन्यं वर्षयतोऽग्नये धामच्छदे पुरोडाशमष्टाकपालं निर्वपेमारुतं सप्तकपालं सौर्यमेककपालमग्निर्वा इतो वृष्टिमुदीरयति मरुतः सृष्टां नयन्ति यदा खलु वा असावादित्यो न्यङ्श्मिभिः पर्यावर्ततेऽथ वर्षति धामच्छदिव खलु वै भूत्वा वर्षत्येता वै देवता वृष्ट्या ईशते ता एव स्वेन भागधेयेनोप धावति ताः (२८)

एवास्यै पर्जन्यं वर्षयन्त्युतावर्षिष्यन्वर्षत्येव सृजा वृष्टिं दिव आद्भिः संमुद्रं पूणेत्याहेमाश्चैवामूष्वापः समर्धयत्यथो अभिरेवामूरुच्छेत्यञ्जा अंसि प्रथमजा बलमसि समुद्रियमित्याह यथायजुरैवतदुन्नम्भय पृथिवीमिति वर्षाह्वां जुहोत्येषा वा ओषधीनां वृष्टिवनिस्तयैव वृष्टिमा च्यावयति ये देवा दिविभागा इति कृष्णाजिनमव

धूनीतीम एवासमै लोकाः प्रीता अभीष्टा भवन्ति॥ (२९)

अस्मै धावति ता वा एकविंशतिश्च॥ [१०]

सर्वाणि छन्दांस्येतस्यामिष्टामनूच्यानीत्याहस्त्रिष्टुभो वा एतद्वीर्यं यत्कुदुष्णिहा जगत्ये यदुष्णिहककुभांन्वाह तेनैव सर्वाणि छन्दांस्येवं रुन्दे गायत्री वा एषा यदुष्णिहा यानि चत्वार्यध्यक्षराणि चतुष्पाद एव ते पशवो यथा पुरोडाशे पुरोडाशोऽध्येवमेव तद्यद्व्यध्यक्षराणि यज्जगत्या (३०)

परिदध्यादन्तं यज्ञं गमयेत्त्रिष्टुभा परि दधातीन्द्रियं वै वीर्यं त्रिष्टुगिन्द्रिय एव वीर्यं यज्ञं प्रतिं घापयति नान्तं गमयत्यग्ने त्री ते वाजिना त्री पृथस्थेति त्रिवंत्या परि दधाति सरूपत्वाय सर्वो वा एष यज्ञो यत्रैधातवीर्यं कामायकामाय प्र युज्यते सर्वेभ्यो हि कामेभ्यो यज्ञः प्रयुज्यते त्रैधातवीर्येन यजेताभिचरन्सर्वो वै (३१)

एष यज्ञो यत्रैधातवीर्यं सर्वेणैवैनं यजेनाभि चरति स्तुणुत एवैनमेतयैव यजेताभिचर्यमाणः सर्वो वा एष यज्ञो यत्रैधातवीर्यं सर्वेणैव यजेनं यजते नैनमभिचरन्स्तुणुत एतयैव यजेत सहस्रेण यक्ष्यमाणः प्रजातमेवैनद्वदात्येतयैव यजेत सहस्रेणेजानोऽन्तं वा एष पशूनां गच्छति (३२)

यः सहस्रेण यजते प्रजापतिः खलु वै पशूनंसृजत तां स्रैधातवीर्येनैवासृजत य एवं विद्वांस्रैधातवीर्येन पशुकामो यजते यस्मादेव योनैः प्रजापतिः पशूनंसृजत तस्मादेवैनान्मृजत उपैनमुत्तरं सहस्रं नमति देवताभ्यो वा एष आ वृश्च्यते यो यक्ष्य इत्युक्ता न यजते त्रैधातवीर्येन यजेत सर्वो वा एष यज्ञः (३३)

यत्रैधातवीर्यं सर्वेणैव यजेनं यजते न देवताभ्य आ वृश्च्यते द्वादशकपालः पुरोडाशो भवति ते त्रयश्चतुष्कपालास्त्रिः षमृद्धत्वाय त्रयः पुरोडाशा भवन्ति त्रयं इमे लोका एषां लोकानामास्या उत्तरं उत्तरो ज्यायांभवत्येवमिव हीमे लोका यवमयो मध्यं एतद्वा अन्तरिक्षस्य रूपं समृद्धौ सर्वेषामभिगमयन्नवं द्यत्यछम्बद्धारं हिरण्यं ददाति तेजं एव (३४)

अवं रुन्दे तार्प्यं दंदाति पशून्वावं रुन्दे धेनुं दंदात्याशिषं एवावं रुन्दे साम्नो वा एष वर्णो यद्धिरण्यं यजुषां तार्प्यमुक्थामदानां धेनुरेतानेव सर्वान् वर्णानवं रुन्दे॥ (३५)

जगत्याऽभिचरन्सर्वो वै गच्छति यज्ञस्तेज एव त्रिंशच्च॥ [११]

त्वष्टां हृतपुत्रो वीन्द्रं सोममाहर्तस्मिन्निन्द्रं उपहवमैच्छत तं नोपाह्वयत पुत्रमैवधरीरिति स यज्ञवेशसं कृत्वा प्रासहा सोममपिबत्तस्य यदत्यशिष्यत तत्त्वष्टाहवनीयमुप प्रावर्तयत्स्वाहेन्द्रशत्रुर्वधस्वेति स यावदूर्ध्वः पंगविर्धयति तावति स्वयमेव व्यरमत यदि वा तावत्प्रवणम् (३६)

आसीद्यदि वा तावदध्यग्रेरासीत्स सम्भवन्नग्रीपोमांविभि समभवत्स इंपुमात्रमिंपुमात्रं विष्वङ्कवर्धत स इमाल्लोकानंवृणोद्यदिमाल्लोकानंवृणोत्तद्वृत्रस्य वृत्रत्वन्तस्मादिन्द्रोऽविभेदपि त्वष्टा तस्मै त्वष्टा वज्रमसिञ्चत्पो वै स वज्रं आसीत्तमुद्यन्तुं नाशक्रोदथ वै तर्हि विष्णुः (३७)

अन्या देवतांसीत्सौऽब्रवीद्विष्णवेहीदमा हरिष्यावो येनायमिदमिति स विष्णुस्नेधात्मानं वि न्यधत्त पृथिव्यां तृतीयमन्तरिक्षे तृतीयं दिवि तृतीयमभिपर्यावर्ताच्छर्विभेद्यत्पृथिव्यां तृतीयमासीत्तेनेन्द्रो वज्रमुदयच्छद्विष्णुवनुस्थितः सौऽब्रवीन्मा मे प्र हारस्ति वा इदम् (३८)

मयि वीर्यं तत्ते प्र दास्यामीति तदस्मै प्रायच्छुत्तत्प्रत्यंगृह्णादधा मेति तद्विष्णवेति प्रायच्छुत्तद्विष्णुः प्रत्यंगृह्णादस्मास्विन्द्रं इन्द्रियं दधात्विति यदन्तरिक्षे तृतीयमासीत्तेनेन्द्रो वज्रमुदयच्छद्विष्णुवनुस्थितः सौऽब्रवीन्मा मे प्र हारस्ति वा इदम् (३९)

मयि वीर्यं तत्ते प्र दास्यामीति तदस्मै प्रायच्छुत्तत्प्रत्यंगृह्णाद्विर्माधा इति तद्विष्णवेति प्रायच्छुत्तद्विष्णुः प्रत्यंगृह्णादस्मास्विन्द्रं इन्द्रियं दधात्विति यद्वि वि तृतीयमासीत्तेनेन्द्रो वज्रमुदयच्छद्विष्णुवनुस्थितः सौऽब्रवीन्मा मे प्र हार्येनाहम् (४०)

इदमस्मि तत्ते प्र दास्यामीति त्वी (३) इत्यब्रवीत्सन्धान्तु सं दधावहै त्वामेव प्र विशानोति यन्माम्रविशेः किम्मा भुञ्ज्या इत्यब्रवीत्त्वामेवेन्धीय तव भोगाय त्वाम्प्र विशेषयमित्यब्रवीत्तं वृत्रः प्राविशदुदरं वै वृत्रः क्षुत्बलु वै मनुष्यस्य भ्रातृव्यो यः (४१)

एवं वेद हन्ति क्षुधम्रातृव्यन्तदस्मै प्रायच्छुत्तत्प्रत्यंगृह्णाद्विर्माधा इति तद्विष्णवेति प्रायच्छुत्तद्विष्णुः प्रत्यंगृह्णादस्मास्विन्द्रं इन्द्रियं दधात्विति यन्निः प्रायच्छुन्निः प्रत्यंगृह्णाद्विर्माधातौस्नेधातुत्वं यद्विष्णुर्वन्वतिष्ठत् विष्णवेति प्रायच्छुत्तस्मादेन्द्रावैष्णवः हविर्भवति यद्वा इदं किं च तदस्मै तत्प्रायच्छुदृचः सामानि यजूंषि सहस्रं वा अस्मै तत्प्रायच्छुत्तस्मात्सहस्रदक्षिणम्॥ (४२)

प्रवणं विष्णुर्वा इदमिदमहं यो भवत्येकविंशतिश्च॥ [१२]

देवा वै राज्ञ्याज्ञायमानादविभयुस्तमन्तरेव सन्तं दाम्नापौम्भुन्धस वा एषोऽपौब्धो जायते यद्राज्न्यो यद्वा एषोऽनपौब्धो जायेत वृत्रान्द्रक्षरेद्यं कामयेत राज्ञ्यमनपौब्धो जायेत वृत्रान्द्रक्षरेदिति तस्मा एतमैन्द्राबारहस्पत्यं चरुं निर्वपेदेन्द्रो वै राज्ञ्यो ब्रह्म बृहस्पतिर्ब्रह्मणैवेनं दाम्नोऽपोम्भनान्मुञ्चति हिरण्मयं दाम् दक्षिणा साक्षादेवेनं दाम्नोऽपोम्भनान्मुञ्चति॥ (४३)

एनं द्वादश च॥ [१३]

नवौनवो भवति जायमानोऽह्ना केतुरुपसामेत्यग्नौ भागं देवेभ्यो वि दधात्यायन्त्र चन्द्रमास्तिरति दीर्घमायुः। यमादित्या अशुमाप्याययन्ति यमक्षितमक्षितयः पिबन्ति। तेन नो राजा वरुणो बृहस्पतिरा प्याययन्तु भुवनस्य गोपाः। प्राच्या दिशि त्वमिन्द्रासि राजोतोर्दीच्यां वृत्रहन्वृत्रहासि। यत्र यन्ति श्रोत्यास्तत् (४४)

जितं तै दक्षिणतो वृषभ एधि हव्यः। इन्द्रो जयाति न परां जयाता अधिराजो राजंसु राजयाति। विश्वा हि भूयाः पुतना अभिष्टीरुपसद्यौ नमस्यौ यथासत्। अस्येदेव प्र रिरिचे महित्वं दिवः पृथिव्याः पर्यन्तरिक्षात्। स्वराडिन्द्रो दम् आ विश्वगूर्तः स्वरिरमत्रो ववक्षे रणांय। अभि त्वां शूर नोनुमोऽदुग्धा इव धेनवं। ईशानम् (४५)

अस्य जगतः सुवर्हशमीशानमिन्द्र तस्थुषः। त्वामिद्धि हवांमहे साता वाजंस्य कारवः। त्वां वृत्रेष्विन्द्र सत्पतिं नरस्त्वां काष्ठास्वर्वतः। यद्वावं इन्द्र ते शतं शतम्भूमिरुत स्युः। न त्वां वञ्चिन्सहस्रं सूर्या अनु न जातमष्ट रोदसी। पिबा सोममिन्द्र मन्दतु त्वा यं ते सुषावं हर्यश्वाद्रिः। (४६)

सोतुर्बाहुभ्यां सुयतो नावा। रेवतीर्नः सधमाद इन्द्रं सन्तु तुविवांजाः। क्षुमन्तो याभिर्मदेमा उदग्रे शुचयस्तव वि ज्योतिषोदु त्यं जातवैदसं सप्त त्वां हरितो रथे वहन्ति देव सूर्या। शोचिष्केशं विचक्षण। चित्रं देवानामुदगादनीकं चक्षुर्मित्रस्य वरुणस्याग्रेः। आऽप्रा द्यावापृथिवी अन्तरिक्षं सूर्य आत्मा जगतस्तस्थुषः (४७)

चा विश्वे देवा ऋतावृधं ऋतुभिर्हवनश्रुतः। जुपन्तां युज्यम्पयः। विश्वे देवाः शृणुतेमं हवम्मे ये अन्तरिक्षे य उप द्यवि ष्ठा। ये अग्निजिह्वा उत वा यजत्रा आसद्यास्मिन्ब्रह्मिणं मादयध्वम् (४८)

देवा मनुष्या देवासुरा अब्रुवन्देवासुरास्तेषांङ्गायत्री प्रजापतिस्ता यत्राग्रे गोभिश्चित्रयां मारुतदेवा वसव्या अग्रे मारुतमिति देवा वसव्या देवाः शर्मण्यास्त्वष्टा हतपुत्रो देवा वै राजन्यान्नवोनवश्चतुर्दश॥ [१४]

[देवा मनुष्याः प्रजां पशून्देवा वसव्याः परिदध्यादिदमस्यष्टाचत्वारिंशत्॥४८॥ देवा मनुष्या मादयध्वम्॥]

तदीशानमद्रिस्तस्थुषस्त्रिंशच्च॥ [१५]

विश्वरूपस्त्वष्टेन्द्रं वृत्रम्ब्रह्मवादिनुः स त्वै नासोमयाज्येष वै देवरथो देवा वै नर्चि नायज्ञोऽग्रे महात्रीन्निर्वीतमायुष्टे द्वादश॥ [१६] [विश्वरूपो नैनं शीतरूरावद्य वसु पूर्वद्युर्वाजा इत्यग्रे महात्रिर्वीतमन्या यन्ति चतुःसप्ततिः॥७४॥ विश्वरूपोऽनु ते दायि॥]

॥पञ्चमः प्रश्नः॥

॥तैत्तिरीयसंहितायां द्वितीयकाण्डे पञ्चमः प्रश्नः॥

विश्वरूपो वै त्वाष्ट्रः पुरोहितो देवानामासीध्वस्त्रीयोऽसुराणान्तस्य त्रीणि शीरपाण्यांसन्धोमपानं सुरापानमन्नादनं स प्रत्यक्षं देवभ्यो भागमवदत्पुरोक्षमसुरेभ्यः सर्वस्मै वै प्रत्यक्षं भागं वदन्ति यस्मा एव पुरोक्षं वदन्ति तस्य भाग उदितस्तस्मादिन्द्रोऽविभेदीदृङ्क्ते राष्ट्रं वि पर्यावर्तयतीति तस्य वज्रमादायं शीरपाण्यच्छिन्दद्यधोमपानम् (?)

आसीध्व कपिञ्जलोऽभवद्यधुसुरापानं स कल्विङ्को यदन्नादनं स तित्तिरिस्तस्याञ्जलिना

ब्रह्महृत्यामुपांगुह्यात्ता९ संवत्सरमभिभूतम्भूतान्यभ्यंक्रोशन्ब्रह्महृति स पृथिवीमुपांसीददस्यै ब्रह्महृत्यायै तृतीयं प्रति गृह्णति साब्रवीद्वरं वृणै खातात्पराभविष्यन्ती मन्ये ततो मा परां भूमितिं पुरा तै (२)

संवत्सरादपि रोहादित्यब्रवीत्तस्मात्पुरा संवत्सरात्पृथिव्यै खातमपि रोहति वारंवृतुः ह्यस्यै तृतीयं ब्रह्महृत्यायै प्रत्यंगृह्णात्तथ्वकृतमिरिणमभवत्तस्मादाहिताग्निः श्रद्धादैवः स्वकृत इरिणे नावं स्येद्ब्रह्महृत्यायै ह्येष वर्णः स वनस्पतीनुपांसीददस्यै ब्रह्महृत्यायै तृतीयं प्रति गृह्णीतेति तैऽब्रुवन्वरं वृणामहे वृक्णात् (३)

पराभविष्यन्ती मन्यामहे ततो मा परां भूमेत्याब्रश्चनाद्वो भूया९स्य उतिष्ठानित्यब्रवीत्तस्मादाब्रश्चनाद्वृक्षाणाभूया९स्य उतिष्ठन्ति वारंवृतुः ह्येषान्तृतीयं ब्रह्महृत्यायै प्रत्यंगृह्णन्त्यस्य निर्यासोऽभवत्तस्मान्निर्यासस्य नाशयं ब्रह्महृत्यायै ह्येष वर्णोऽथो खलु य एव लोहितो यो वाऽऽब्रश्चनान्निर्येषति तस्य नाशयम् (४)

काममन्यस्य स स्त्रीष९सादमुपांसीददस्यै ब्रह्महृत्यायै तृतीयं प्रति गृह्णीतेति ता अब्रुवन्वरं वृणामहे ऋत्विगात्रजां विन्दामहे काममा विजनितोः सम्भवामेति तस्मादृत्विगात्रिभ्यः प्रजां विन्दन्ते काममा विजनितोः सम्भवन्ति वारंवृतुः ह्यासान्तृतीयं ब्रह्महृत्यायै प्रत्यंगृह्णन्त्या मलवद्वासा अभवत्तस्मान्मलवद्वाससा न सं वदेत (५)

न सहासीत् नास्या अन्नमद्याद्ब्रह्महृत्यायै ह्येषा वर्ण प्रतिमुच्यास्तेऽथो खल्वाहुरभ्यञ्जनं वाव स्त्रिया अन्नमभ्यञ्जनमेव न प्रतिगृह्यं काममन्यदिति याम्मलवद्वाससा सम्भवन्ति यस्ततो जायन्ते सोऽभिशस्तो यामरण्ये तस्यै स्तेनो यां परांचीं तस्यै हीतमुख्यपगल्भो या स्नाति तस्यां अप्सु मारुको या (६)

अभ्यङ्गे तस्यै दुश्कर्मा या प्रलिखते तस्यै खलतिरंपमारी याऽङ्गे तस्यै काणो या दतो धावन्ते तस्यै श्यावदन् या नखानि निकृन्तते तस्यै कुन्खी या कृणाति तस्यै क्रीबो या रज्जु९ सृजति तस्यां उद्वन्धुको या पर्णेन पिबन्ति तस्यां उन्मादुको या खर्वेण पिबन्ति तस्यै खर्वस्तिस्त्रो रात्रौव्रतं चरेदञ्जलिनां वा पिबेदखर्वेण वा पात्रेण प्रजायै गोपीथार्या (७)

यथ्सोमपानन्ते वृक्णात्तस्य नाशयं वदेत् मारुको याऽखर्वेण वा त्रीणि च॥

[१]

त्वष्टा हतपुत्रो विन्द्र९ सोममाहरत्तस्मिन्दिन्द्र उपहवमैच्छत् तं नोपाह्वयत् पुत्रम्मेऽवधीरिति स यज्ञवेशं कृत्वा प्रासहा सोममपिबत्तस्य यदत्यशिष्यत् तत्त्वष्टाहवनीयमुप प्रावर्तयत्स्वाहेन्द्रशत्रुर्वधस्वेति यदवर्तयत्तद्वृत्रस्य वृत्रत्वं यदब्रवीत्स्वाहेन्द्रशत्रुर्वधस्वेति तस्मादस्य (८)

इन्द्रः शत्रुरभवत्स सम्भवन्नग्रीषोमांवि समभवत्स इंपुमात्रमिंपुमात्रं विष्वङ्बुवर्धत् स इमाल्लोकानंवृणोद यदिमाल्लोकानंवृणोत्तद्वृत्रस्य वृत्रत्वन्तस्मादिन्द्रोऽविभेत्स प्रजापतिमुपाधावच्छत्रुंमेऽजनीति तस्मै वज्र९ सिक्त्वा प्रायच्छदेतेनं जहीति तेनाभ्यायत् तावंब्रूतामग्रीषोमो मा (९)

प्र हांरावमन्तः स्व इति मम वै युव९ स्थ इत्यब्रवीन्मामभ्येतमिति तौ भागधेयमैच्छेतान्ताभ्यामेतमग्रीषोमीयमेकादशकपालम्पूर्णमासे प्रायच्छत्तावंब्रूतामभि सन्दष्टौ वै स्वी न शक्नुव ऐतुमिति स इन्द्र आत्मनः शीतरूरावजनयत्तच्छीतरूरयोर्जन्म य एव९ शीतरूरयोर्जन्म वेदं (१०)

नैनं शीतरुरौ हतस्ताभ्यामेनमभ्यनयत्तस्माञ्जञ्जभ्यमानादग्नीषोमौ निरक्रामतां प्राणापानौ वा एनं तदजहिताम् प्राणो वै दक्षोऽपानः क्रतुस्तस्माञ्जञ्जभ्यमानो ब्रूयान्मयि दक्षक्रतु इति प्राणापानावेवात्मन्धत्ते सर्वमायुरेति स देवता वृत्राग्निर्हूय वार्त्रघ्नः हविः पूर्णमासे निरवपद्बन्ति वा एनम्पूर्णमास आ (११)

अमावास्यायाम्याययन्ति तस्माद्वात्रघ्नी पूर्णमासेऽनूच्येते वृधन्वती अमावास्यायान्तश्मः स्थाप्य वार्त्रघ्नः हविर्वज्रमादाय पुनरभ्यायत ते अब्रूतान्द्यावापृथिवी मा प्र हांरावयो वै श्रित इति ते अब्रूतां वरं वृणावहै नक्षत्रविहिताऽहमंसानीत्युसावब्रवीच्चित्रविहिताऽहमितीयन्तस्मान्नक्षत्रविहिताऽसौ चित्रविहितेयं य एवं द्यावापृथिव्योः (१२)

वरं वेदैर्न वरौ गच्छति स आभ्यामेव प्रसूत इन्द्रो वृत्रमहन्ते देवा वृत्रः हत्वाऽग्नीषोमावब्रुवन्हूय नो वहतमिति तावब्रूतामपतेजसौ वै त्यौ वृत्रे वै त्ययोस्तेज इति तैऽब्रुवन्क इदमच्छेतीति गौरित्यब्रुवन्गोवां व सर्वस्य मित्रमिति साऽब्रवीत् (१३)

वरं वृणै मय्येव सतोभयेन भुनजाध्वा इति तद्वौराहंरत्तस्माद्विं सतोभयेन भुञ्जत एतद्वा अग्नेस्तेजो यद्धतमेतत्सोमस्य यत्पयो य एवमग्नीषोमयोस्तेजो वेदं तेजस्व्येव भवति ब्रह्मवादिनो वदन्ति किन्देवत्यम्पूर्णमासमिति प्राजापत्यमिति ब्रूयात्तेनेन्द्रं ज्येष्ठम्पुत्रं निरवासाययदिति तस्माज्येष्ठम्पुत्रं धनेन निरवसाययन्ति॥ (१४)

अस्य मा वेदा द्यावापृथिव्योरब्रवीदिति तस्माच्चत्वारि च॥_____ [२]

इन्द्रं वृत्रं जग्निवाःसम्मृधोऽभि प्रावपन्त स एतं वैमृधम्पूर्णमासेऽनुनिर्वाप्यमपश्यत्तं निरवपत्तेन वै स मृधोऽपाहृत यद्वैमृधः पूर्णमासेऽनुनिर्वाप्यो भवति मृध एव तेन यजमानोऽप हत इन्द्रो वृत्रः हत्वा देवताभिश्चेन्द्रियेण च व्यार्ध्यत स एतमाग्नेयमष्टाकपालममावास्यायामपश्यदैन्द्रं दधि (१५)

तं निरवपत्तेन वै स देवताश्चेन्द्रियं चावारुन्ध यदाग्नेयोऽष्टाकपालोऽमावास्यायाम्भवत्यैन्द्रं दधि देवताश्चैव तेनैन्द्रियं च यजमानोऽव रुन्ध इन्द्रस्य वृत्रं जघ्रुष इन्द्रियं वीर्यं पृथिवीमनु व्याच्छ्रुतदोषधयो वीरुधोऽभवन्धस प्रजापतिमुपाधावद्वृत्रं मे जघ्रुष इन्द्रियं वीर्यम् (१६)

पृथिवीमनु व्यारुतदोषधयो वीरुधोऽभूवन्निति स प्रजापतिः पशूनब्रवीदेतदस्मै सं नयतेति तत्पशव ओषधीभ्योऽध्यात्मन्धसमनयन्तत्प्रयदुहन् यत्सुमनयन्तत्सात्राव्यस्यं सात्राव्यत्वं यत्प्रत्यदुहन्तत्प्रतिधुषः प्रतिधुक्कः समनैपुः प्रत्यधुक्षत्र तु मयि श्रयत् इत्यब्रवीदेतदस्मै (१७)

शृतं कुरुतेत्यब्रवीत्तदस्मै शृतमकुर्वन्नित्द्रियं वावास्मिन्वीर्यं तदश्रयन्तच्छ्रुतस्य शृतत्वः समनैपुः प्रत्यधुक्षञ्चुतमक्रत्र तु मा धिनोतीत्यब्रवीदेतदस्मै दधि कुरुतेत्यब्रवीत्तदस्मै दध्यकुर्वन्तदेनमधिनोत्तदुधो दधित्वं ब्रह्मवादिनो वदन्ति दुधः पूर्वस्यावदेयम् (१८)

दधि हि पूर्वं क्रियत् इत्यनादृत्य तच्छ्रुतस्यैव पूर्वस्याव द्येन्द्रियमेवास्मिन्वीर्यं श्रित्वा दुधोपरिष्टाद्धिनोति यथापूर्वमुपैति यत्पृतीकैर्वा पर्णवल्कैर्वातध्याभ्यस्यं तद्यत्कलै राक्षसं तद्यत्तण्डुलैर्वैश्वदेवं तद्यदातञ्चनेन मानुषं

तद्यद्वा द्वा तथ्येन्द्रं द्वा तनक्ति (१९)

सेन्द्रत्वायाग्निहोत्रोच्छेषणमभ्यातनक्ति यज्ञस्य सन्तत्या इन्द्रो वृत्रं हत्वा परां परावतमगच्छदपाराधमिति मन्यमानस्तं देवताः प्रैषमैच्छन्सौऽब्रवीत्प्रजापतिर्यः प्रथमोऽनुविन्दति तस्य प्रथमभागधेयमिति तस्मिन्तरोऽन्विन्दन्तस्मात्प्रितुभ्यः पूर्वद्युः क्रियते सौऽमावास्यां प्रत्यागच्छतं देवा अभि समगच्छन्तामा वै नः (२०)

अद्य वसुं वसतीतीन्द्रो हि देवानां वसु तदमावास्याया अमावास्यात्वं ब्रह्मवादिनो वदन्ति किन्देवत्यं सान्नाय्यमिति वैश्वदेवमिति ब्रूयाद्विश्वे हि तद्देवा भागधेयमभि समगच्छन्तेत्यथो खल्वैन्द्रमित्येव ब्रूयादिन्द्रं वाव ते तद्विषज्यन्तोऽभि समगच्छन्तेति॥ (२१)

दधि मे जघ्रुषं इन्द्रियं वीर्यमित्यंब्रवीदेतदस्मा अवदेयन्तनक्ति नो द्विचत्वारिंशच्च॥

[३]

ब्रह्मवादिनो वदन्ति स त्वै दर्शपूर्णमासौ यजेत य एनौ सेन्द्रो यजेतेति वैमृधः पूर्णमासेऽनुनिर्वाप्यो भवति तेन पूर्णमासः सेन्द्रं ऐन्द्रं धर्ममावास्यायां तेनामावास्यां सेन्द्रा य एवं विद्वान्दर्शपूर्णमासौ यजते सेन्द्रावैवेनौ यजते श्वःश्वौऽस्मा ईजानाय वसीयो भवति देवा वै यद्यज्ञेऽकुर्वत तदसुरा अकुर्वत ते देवा एताम् (२२)

इष्टिमपश्यन्नाग्रावैष्णवमेकादशकपालं सरस्वत्यै चरुं सरस्वते चरुं ताम्यौर्णमासं सृष्ट्वाप्यानु निर्वपन्ततो देवा अभवन्परासुरा यो भ्रातृव्यवान्स्थयाथ्स पौर्णमासं सृष्ट्वाप्येतामिष्टिमु निर्वपेत्पौर्णमासेनैव वज्रभ्रातृव्याय प्रहृत्याग्रावैष्णवेन देवतांश्च यज्ञं च भ्रातृव्यस्य वृद्धे मिथुनान्पशून्सारस्वताभ्यां यावदेवास्यास्ति तत् (२३)

सर्वं वृद्धे पौर्णमासीमेव यजेत भ्रातृव्यवान्नामावास्यां हत्वा भ्रातृव्यं ना प्याययति साकम्प्रस्थायीयेन यजेत पशुकामो यस्मै वा अल्पेनाहरन्ति नात्मना तृप्यति नान्यस्मै ददाति यस्मै महता तृप्यत्यात्मना ददात्यन्यस्मै महता पूर्णं होतव्यन्तुत एवेनमिन्द्रः प्रजयां पशुभिस्तर्पयति दारुपात्रेण जुहोति न हि मृन्मयमाहुतिमानश औदुम्बरम् (२४)

भवत्यूर्वा उदुम्बर ऊर्ध्वशवं ऊर्जैवास्मा ऊर्जं पशुनवं रुद्धे नागतश्रीमहेन्द्रं यजेत त्रयो वै गतश्रियः शुश्रुवान्नामणी राजन्यस्तेषामहेन्द्रो देवता यो वै स्वां देवतामतिरयजेत प्र स्वायै देवतायै च्यवते न पराम्प्राप्नोति पापीयान्भवति संवत्सरमिन्द्रं यजेत संवत्सरं हि व्रतं नाति स्वा (२५)

एवेन देवतेज्यमाना भूत्या इद्धे वसीयान्भवति संवत्सरस्य परस्तादग्र्यं व्रतपतये पुरोडाशमष्टाकपालं निर्वपेत्संवत्सरमेवेन वृत्रं जग्निवांसमग्निव्रतपतिव्रतमा लम्भयति ततोऽधि कामं यजेत॥ (२६)

एतान्तदौदुम्बरं स्वा त्रिंशच्च॥

[४]

नासौमयाजी सं नयेदनागतं वा एतस्य पयो योऽसौमयाजी यदसौमयाजी संनयैत्परिमोष एव

सोऽनृतं करोत्यथो परैव सिञ्च्यते सोमयाज्यैव सं नयेत्ययो वै सोमः पयः सान्नाय्यम्पयंसैव पयं आत्मन्थेति वि वा एतम्प्रजयां पशुभिरर्धयति वर्धयत्यस्य भ्रातृव्यं यस्य हविर्निरुतम्पुरस्ताच्चन्द्रमाः (२७)

अभ्युदेति त्रेधा तण्डुलान् वि भञ्जेद्ये मध्यामाः स्युस्तान्मयै दात्रे पुरोडाशमष्टाकपालं कुर्याद्ये स्थविष्ठास्तानिन्द्राय प्रदात्रे दधिक्षुरु येऽणिष्ठास्तान् विष्णवे शिपिविष्टाय श्रुते चरुमग्निरेवासमै प्रजाम्प्रज्जनयति वृद्धामिन्द्रः प्र यञ्छति यज्ञो वै विष्णुः पशवः शिपिर्यज्ञ एव पशुषु प्रति तिष्ठति न द्वे (२८)

यजेत यत्पूर्वया सम्प्रति यजेतोत्तरया छुम्बद्भ्याद्यदुत्तरया सम्प्रति यजेत पूर्वया छुम्बद्भ्यान्नेष्टिर्भवति न यज्ञस्तदनु हीतमुख्यपगल्भो जायत एकांमेव यजेत प्रगल्भोऽस्य जायतेऽनादृत्य तद्वै एव यजेत यज्ञमुखमेव पूर्वयालभते यजत उत्तरया देवता एव पूर्वयावरुद्ध इन्द्रियमुत्तरया देवलोकमेव (२९)

पूर्वयाभिजयति मनुष्यलोकमुत्तरया भूयंसो यज्ञक्रतून्पैत्येषा वै सुमना नामेष्टिर्यमद्येजानम्पश्चाच्चन्द्रमा अभ्युदेत्यस्मिन्नेवासमै लोकेऽयुक्कम्भवति दाक्षायणयज्ञेन सुवर्गकामो यजेत पूर्णमासे सं नयेन्मेत्रावरुण्याऽऽमिक्षयामावास्यायां यजेत पूर्णमासे वै देवानां सुतस्तेषामेतमर्धमासम्प्रसुतस्तेषाम्मेत्रावरुणी वशामावास्यायामनूबन्ध्यां यत् (३०)

पूर्वद्युयजते वेदिमेव तत्करोति यद्वत्सानपाकरोति सदोहविधिने एव सम्मिनोति यद्यजते देवैरेव सुत्याः सम्पादयति स एतमर्धमासः सधमादं देवैः सोमम्पिबति यन्मैत्रावरुण्यामिक्षयामावास्यायां यजते यैवासौ देवानां वशानूबन्ध्यां सो एवैषैतस्य साक्षाद्वा एष देवानभ्यारोहति य एषां यज्ञम् (३१)

अभ्यारोहति यथा खलु वै श्रेयानभ्यारूढः कामयते तथा करोति यद्यवविध्यति पापीयान्भवति यदि नावविध्यति सदृङ्गावृत्काम एतेन यज्ञेन यजेत क्षुरपविर्ह्येष यज्ञस्ताजक्पुण्यो वा भवति प्र वा मीयते तस्यैतद्वतं नानृतं वदेत् मांसमश्रीयान् स्त्रियमुपेयान्नास्य पल्पूलनेन वासः पल्पूलयेयुरेतद्धि देवाः सर्वं न कुर्वन्ति॥ (३२)

चन्द्रमा द्वे देवलोकमेव यद्यज्ञं पल्पूलयेयुः षट्॥ _____ [५]

एष वै देवर्थो यदंशपूर्णमासौ यो दंशपूर्णमासाविष्टा सोमेन यजते रथस्पष्ट एवावसाने वरं देवानामव स्यत्येतानि वा अङ्गापरूरुषि संवत्सरस्य यदंशपूर्णमासौ य एवं विद्वान्दंशपूर्णमासौ यजतेऽङ्गापरूरुष्येव संवत्सरस्य प्रति दधात्येते वै संवत्सरस्य चक्षुषी यदंशपूर्णमासौ य एवं विद्वान्दंशपूर्णमासौ यजते ताभ्यामेव सुवर्गं लोकमनु पश्यति (३३)

एषा वै देवानां विक्रान्तिर्यदंशपूर्णमासौ य एवं विद्वान्दंशपूर्णमासौ यजते देवानामेव विक्रान्तिमनु वि क्रमत एष वै देवयानः पन्था यदंशपूर्णमासौ य एवं विद्वान्दंशपूर्णमासौ यजते य एव देवयानः पन्थास्तः समारोहत्येतौ वै देवानां हरी यदंशपूर्णमासौ य एवं विद्वान्दंशपूर्णमासौ यजते यावेव देवानां हरी ताभ्याम् (३४)

एवैभ्यो हव्यं वहत्येतद्वै देवानामास्यं यदंशपूर्णमासौ य एवं विद्वान्दंशपूर्णमासौ यजते साक्षादेव देवानामास्यं जुहोत्येष वै हविर्धानी यो दंशपूर्णमासयाजी सायम्प्रातरग्निहोत्रं जुहोति यजते

दरशपूर्णमासावर्हरहर्विधांनिनाः सुतो य एवं विद्वान्दरशपूर्णमासौ यजते हविर्धान्यस्मीति सर्वमेवास्य बर्हिष्यं दत्तम्वति देवा वा अहः (३५)

यज्ञियं नार्विन्दन्ते दरशपूर्णमासावपुनन्तौ वा एतौ पूतौ मेध्यौ यदरशपूर्णमासौ य एवं विद्वान्दरशपूर्णमासौ यजते पूतावेवैनौ मेध्यौ यजते नामावास्यायां च पौर्णमास्यां च स्त्रियमुपेयाद्यदुपेयात्रिरिन्द्रियः स्यात्क्षोमंस्य वै राज्ञोऽर्धमासस्य रात्रयः पत्नय आसन्तासाममावास्यां च पौर्णमासीं च नोपैत (३६)

ते एनमभि समनह्येतान्तं यक्ष्म आर्क्षुद्राजानं यक्ष्म आरदिति तद्राजयक्ष्मस्य जन्म यत्पापीयानभवत्-त्पापयक्ष्मस्य यज्ञायाभ्यामविन्दत्तज्ञायेन्यस्य य एवमेतेषां यक्षाणां जन्म वेद नैनमेते यक्षां विन्दन्ति स एते एव नमस्यन्नुपाधावृत्ते अंब्रूतां वरं वृणावहा आवं देवानां भागधे अंसाव (३७)

आवर्धि देवा इज्यान्ता इति तस्मात्सुदृशीनाः रात्रीणाममावास्यायां च पौर्णमास्यां च देवा इज्यन्त एते हि देवानां भागधे भांग्धा अंस्मै मनुष्या भवन्ति य एवं वेद भूतानि क्षुधमघ्नस्यद्यो मनुष्या अर्धमासे देवा मासि पितरः संवत्सरे वनस्पतयस्तस्मादहर्हर्मनुष्या अशनमिच्छन्तेऽर्धमासे देवा इज्यन्ते मासि पितृभ्यः क्रियते संवत्सरे वनस्पतयः फलं गृह्णन्ति य एवं वेद हन्ति क्षुधम्रातृव्यम्॥ (३८)

पश्यति ताभ्यामहरेदसाव फलं सप्त च॥ [६]

देवा वै नर्चि न यजुष्यश्रयन्त ते सामन्त्रेवाश्रयन्त हिं करोति सामैवाकर्हिं करोति यत्रैव देवा अश्रयन्त तत् एवैनान् यङ्क्ते हिं करोति वाच एवैष योगो हिं करोति प्रजा एव तद्यजमानः सृजते त्रिः प्रथमामन्वाह त्रिरुत्तमां यज्ञस्यैव तद्वरसम् (३९)

नद्यत्यप्रस्त्रसाय सन्ततमन्वाह प्राणानामन्नाद्यस्य सन्तत्या अथो रक्षसामपहत्यै राधंतरीम्रथमामन्वाह राधंतरो वा अयं लोक इममेव लोकमभि जयति त्रिर्वि गृह्णाति त्रयं इमे लोका इमानेव लोकानभि जयति बार्हतीमुत्तमामन्वाह बार्हती वा असौ लोकौऽमुमेव लोकमभि जयति प्र वः (४०)

वाजा इत्यनिरुक्ताम्प्राजापत्यामन्वाह यज्ञो वै प्रजापतिर्यज्ञमेव प्रजापतिमा रभते प्र वो वाजा इत्यन्वाहात्र वै वाजोऽन्त्रमेवाव रुन्दे प्र वो वाजा इत्यान्वाह तस्मात्प्राचीनः रेतो धीयतेऽग्न आ याहि वीतय इत्याह तस्मात्प्रातीचीः प्रजा जायन्ते प्र वो वाजाः (४१)

इत्यन्वाह मासा वै वाजा अर्धमासा अभिद्यवो देवा हविष्मन्तो गौर्युताचीं यज्ञो देवाजिगाति यजमानः सुम्रयुरिदमसीदमसीत्येव यज्ञस्य प्रियं धामाव रुन्दे यं कामयैत् सर्वमायुरियादिति प्र वो वाजा इति तस्यानूच्याग् आ याहि वीतय इति सन्ततमुत्तरमर्धमा लभेत (४२)

प्राणैवास्यापां दधार सर्वमायुरेति यो वा अंरन्निः सामिधेनीनां वेदार्लावेव भ्रातृव्यं कुरुतेऽर्धचौ सं दधात्येष वा अंरन्निः सामिधेनीनां य एवं वेदार्लावेव भ्रातृव्यं कुरुत् ऋषेरं ऋषेर्वा एता निर्मिता यत्सामिधेन्यस्ता यदसंयुक्ताः स्युः प्रजयां पशुभिर्यजमानस्य वि तिष्ठेरन्नर्धचौ सन्दधाति सं युनत्तेवैनास्ता अंस्मै संयुक्ता अवरुद्धाः सर्वामाशिषं दुहे॥ (४३)

बर्सं वो जायन्ते प्र वो वाजा लभेत दधाति सन्दशं च॥ [७]

अयंज्ञो वा एष योऽस्माऽग्न आ याहि वीतय इत्याह रथन्तरस्यैष वर्णस्तं त्वां समिद्धिरङ्गिर इत्याह वामदेव्यस्यैष वर्णो बृहदग्रे सुवीर्यमित्याह बृहत् एष वर्णो यदेतं तृचमन्वाह यज्ञमेव तथ्सामन्वन्तं करोत्यग्निमुष्मिह्लोक आसीदादित्योऽस्मिन्ताविमौ लोकावशांतौ (४४)

आस्तान्ते देवा अंब्रुवतेतेमौ वि पर्यहामेत्यग्न आ याहि वीतय इत्यस्मिह्लोकैऽग्निमदधुर्बृहदग्रे सुवीर्यमित्यमुष्मिह्लोक आदित्यन्ततो वा इमौ लोकावशाम्यतां यदेवमन्वाहानयोऽलोकयोः शान्त्यै शाम्यंतोऽस्मा इमौ लोकौ य एवं वेद पञ्चदश सामिधेनीरन्वाह पञ्चदश (४५)

वा अर्धमासस्य रात्रयोऽर्धमासः संवत्सर औप्यते तासां त्रीणि च शतानि षष्टिश्चाक्षराणि तावन्तीः संवत्सरस्य रात्रयोऽक्षरश एव संवत्सरमाप्नोति नृमेधंश्च परंच्छेपश्च ब्रह्मवाद्यमवदेतामस्मिन्दारावाद्रैऽग्निं जनयाव यतरो नौ ब्रह्मीयानिति नृमेधोऽन्यवदथ्स धूममजनयत्परंच्छेपोऽन्यवदथ्सोऽग्निमजनयदृष इत्यब्रवीत् (४६)

यथस्मावद्विद्व कथा त्वमग्निमजीजनो नाहमिति सामिधेनीनामेवाहं वर्णं वेदेत्यब्रवीद्यद्वृत्तवत्पदमनूच्यते स आसां वर्णस्तं त्वां समिद्धिरङ्गिर इत्याह सामिधेनीष्वेव तज्योतिर्जनयति स्त्रियस्तेन यदृचः स्त्रियस्तेन यद्वायत्रियः स्त्रियस्तेन यथ्सामिधेन्यो वृषण्वतीमन्वाह (४७)

तेन पुःस्वन्तीस्तेन सेन्द्रास्तेन मिथुना अग्निदेवानां दूत आसीदुशनां काव्योऽसुराणान्तौ प्रजापतिम्पृश्नमैतां स प्रजापतिरग्निं दूतं वृणीमह इत्यग्निं पर्यावर्तत ततो देवा अभवन्सुरासुरा यस्यैवं विदुषोऽग्निं दूतं वृणीमह इत्यन्वाह भवत्यात्मना परीस्य भ्रातृव्यो भवत्यध्वरवन्तीमन्वाह भ्रातृव्यमेवैतयां (४८)

ध्वरति शोचिकैशस्तमीमह इत्याह पवित्रमेवैतद्यजमानमेवैतयां पवयति समिद्धो अग्न आहुतेत्याह परिधिमेवैतं परि दधात्यस्कन्दाय यदतं ऊर्ध्वमभ्यादध्याद्यथा बहिःपरिधि स्कन्दति तादृशेव तत्रयो वा अग्नयो हव्यवाहनो देवानां कव्यवाहनः पितृणां सहरक्षा असुराणान्त एतर्ह्या शंसन्ते मां वरिष्यते माम् (४९)

इति वृणीध्वं हव्यवाहनमित्याह य एव देवानां तं वृणीत आरुष्यं वृणीते बभ्रोरिव नैत्यथो सन्तत्ये प्रस्तादवाचो वृणीते तस्मात्प्रस्तादवाचो मनुष्यान्पितरोऽनु प्र पिपते॥ (५०)

अशांन्तावाह पञ्चदशाब्रवीदन्वाहैतया वरिष्यते मामेकान्नत्रिंशच्च॥ [८]

अग्रे महां असीत्याह महान् ह्येष यदग्निर्ब्राह्मणेत्याह ब्राह्मणो ह्येष भारतेत्याहैष हि देवेभ्यो हव्यम्भरति देवेद्ध इत्याह देवा ह्येतमेभ्यन्तं मन्विद्ध इत्याह मनुरह्येतमुत्तरो देवेभ्य ऐन्द्रर्षिष्ठुत इत्याहरुष्यो ह्येतमस्तुवन्विप्रानुमदित इत्याह (५१)

विप्रा ह्येते यच्छुश्रुवांसः कविशस्त इत्याह क्वयो ह्येते यच्छुश्रुवांसो ब्रह्मसंशित इत्याह ब्रह्मसंशितो ह्येष घृताहवन् इत्याह घृताहुतिर्ब्रह्मस्य प्रियतमा प्रणीयज्ञानामित्याह प्रणीरह्येष यज्ञानां रथीरध्वराणामित्याहैष हि देवर्थोऽतूर्तो होतेत्याह न ह्येतं कश्चन (५२)

तरन्ति तूर्णिरहव्यवाडित्याह सर्वं ह्येष तरत्यास्यात्र जुहर्देवानामित्याह जुहूर्ह्येष देवानांश्चमसो देवपान इत्याह चमसो ह्येष देवपानोऽरां इवाग्रे नेमिर्देवास्त्वं परिभूरसीत्याह देवान् ह्येष परिभूर्यद्वयादा वह

देवान्देवयुते यजमानायेति भ्रातृव्यमस्मै (५३)

जनयेदा वह देवान् यजमानायेत्याहु यजमानमेवैतेन वर्धयत्यग्निमग्न आ वह सोममा वहेत्याह देवता एव तद्यथापूर्वमुप ह्वयत आ चाग्निं देवान् वह सुयजां च यज जातवेद इत्याहुग्निमेव तथ्सं श्रयति सौऽस्य सशितो देवेभ्यो हव्यं वहत्यग्निरहोता (५४)

इत्याहुग्निर्वै देवानां होता य एव देवानां होता तं वृणीते स्मो वयमित्याहात्मानमेव सत्त्वं गमयति साधु तं यजमान देवतेत्याहशिषमेवैतामा शास्ते यद्व्याद्याँऽग्निं होतांरमवृथा इत्यग्निर्नोभ्यतो यजमानं परि गृह्णीयात् प्रमायुकः स्याद्यजमानदेवत्या वै जुहूर्भ्रातृव्यदेवत्योपभृत (५)

यद्व इव ब्रूयाद्भ्रातृव्यमस्मै जनयेद्धृतवतीमध्वर्यो सुचमास्यस्वेत्याहु यजमानमेवैतेन वर्धयति देवायुवमित्याह देवान् ह्येषावति विश्ववारामित्याहु विश्वं ह्येषावतीडामहे देवा ईडेन्यान्नमस्यामं नमस्यान् यजां यज्ञियानित्याह मनुष्या वा ईडेन्याः पितरो नमस्या देवा यज्ञिया देवता एव तद्यथाभागं यजति॥ (५६)

विप्रानुमदित् इत्याह चनास्मै होतोपभृद्देवता एव त्रीणि च॥ [९]

त्री स्तुचाननु ब्रूयाद्राजन्त्यस्य त्रयो वा अन्ये राजन्यात्पुरुषा ब्राह्मणो वैश्यः शूद्रस्तानेवास्मा अनुकान्करोति पञ्चदशानु ब्रूयाद्राजन्त्यस्य पञ्चदशो वै राजन्त्यः स्व एवैनं स्तोमे प्रतिं छापयति त्रिष्टुभा परि दध्यादिन्द्रियं वै त्रिष्टुगिन्द्रियकामः खलु वै राजन्त्यो यजते त्रिष्टुभेवास्मा इन्द्रियं परि गृह्णाति यदि कामयेत (५७)

ब्रह्मवर्चसमस्त्विति गायत्रिया परि दध्याद्ब्रह्मवर्चसं वै गायत्री ब्रह्मवर्चसमेव भवति सप्तदशानु ब्रूयाद्वैश्यस्य सप्तदशो वै वैश्यः स्व एवैनं स्तोमे प्रतिं छापयति जगत्या परि दध्याज्जागता वै पशवः पशुकामः खलु वै वैश्यो यजते जगत्येवास्मै पशून्परि गृह्णात्येकविंशतिमनु ब्रूयात्पतिष्ठाकामस्यैकविंशः स्तोमानां प्रतिष्ठा प्रतिष्ठित्यै (५८)

चतुर्विंशतिमनु ब्रूयाद्ब्रह्मवर्चसकामस्य चतुर्विंशत्यक्षरा गायत्री गायत्री ब्रह्मवर्चसङ्गायत्रियैवास्मै ब्रह्मवर्चसमवं रुन्दे त्रिंशतमनु ब्रूयादन्नकामस्य त्रिंशदक्षरा विराडन्नं विराड्विराजैवास्मा अन्नाद्यमवं रुन्दे द्वात्रिंशतमनुब्रूयात्पतिष्ठाकामस्य द्वात्रिंशदक्षरानुष्टुपनुष्टुप्छन्दसां प्रतिष्ठा प्रतिष्ठित्यै षड्विंशतमनु ब्रूयात्पशुकामस्य षड्विंशदक्षरा बृहती बारहताः पशवो बृहत्येवास्मै पशून् (५९)

अवं रुन्दे चतुश्चत्वारिंशतमनु ब्रूयादिन्द्रियकामस्य चतुश्चत्वारिंशदक्षरा त्रिष्टुगिन्द्रियं त्रिष्टुत्रिष्टुभेवास्मा इन्द्रियमवं रुन्देऽष्टाचत्वारिंशतमनु ब्रूयात्पशुकामस्याष्टाचत्वारिंशदक्षरा जगती जागताः पशवो जगत्येवास्मै पशून्वं रुन्दे सर्वाणि छन्दांस्यनु ब्रूयाद्बहुयाजिनः सर्वाणि वा एतस्य छन्दांस्यवरुन्दानि यो बहुयाज्यपरिमितमनु ब्रूयादपरिमितस्यावरुन्दैः॥ (६०)

कामयेत् प्रतिष्ठित्यै पशून्सप्तचत्वारिंशच्च॥ [१०]

निर्वीतम्मनुष्याणाम्प्राचीनावीतम्पितृणामुपवीतं देवानामुप व्ययते देवलक्षमेव तत्कुरुते तिष्ठन्नन्वाहु तिष्ठन् ह्याश्रुततरं वदति तिष्ठन्नन्वाह सुवर्गस्य लोकस्याभिर्जित्या आसीनो यजत्यस्मिन्नेव लोके प्रति तिष्ठति

यत्क्रौञ्चमन्वाहांसुरं तद्यन्मन्त्रमनूपं तद्यदन्तरा तथ्सदैवमन्तरानूच्य॑ सदेवत्वाय विद्वांसो वै (६१)

पुरा होतारोऽभूवन्तस्माद्विधृता अध्वानोऽभूवन्न पन्थानः समरुक्षन्नन्तर्वेद्यन्यः पादो भवति बहिर्वेद्यन्योऽथान्वाहाध्वनां विधृत्यै पथामसंरोहायाथौ भूतं चैव भविष्यच्चैव रुन्देऽथो परिमितं चैवापरिमितं चाव रुन्देऽथौ ग्राम्याश्चैव पशूनांरण्याश्चैव रुन्देऽथौ (६२)

देवलोकं चैव मनुष्यलोकं चाभि जयति देवा वै सामिधेनीरनूच्यं यज्ञं नान्वपश्यन्स प्रजापतिस्तूष्णीमाधारमाधारयत्ततो वै देवा यज्ञमन्वपश्यन् यत्तूष्णीमाधारमाधारयति यज्ञस्यानुख्यात्या अथौ सामिधेनीरेवाम्यन्तच्छलूक्षो भवति य एवं वेदाथौ तर्पयत्येवैनास्तुप्यति प्रजयां पशुभिः (६३)

य एवं वेद यदेकयाधारयेदेकां प्रीणीयाद्यद्वाभ्यां द्वे प्रीणीयाद्यत्तिस्मृतिरति तद्वैचयेन्मनसा धारयति मनसा ह्यनंतमाप्यते तिर्यश्चमा धारयत्यलम्बद्वारं वाक् मनश्चार्तीयतामहं देवेभ्यो हव्यं बंहामीति वागंब्रवीदहं देवेभ्य इति मनस्तौ प्रजापतिम्प्रश्नमैतां सौऽब्रवीत् (६४)

प्रजापतिर्दूतीरेव त्वं मनसोऽसि यद्धि मनसा ध्यायति तद्वाचा वदतीति तत्खलु तुभ्यं न वाचा जुहवन्नित्यंब्रवीत् तस्मान्मनसा प्रजापतये जुहति मन इव हि प्रजापतिः प्रजापतेरास्यै परिधीन्सम्माष्टिं पुनात्येवैनात्रिमध्यमं त्रयो वै प्राणाः प्राणानेवाभि जयति त्रिदक्षिणार्थं त्रयः (६५)

इमे लोका इमानेव लोकानभि जयति त्रिकृत्तार्थं त्रयो वै दैवयानाः पन्थानस्तानेवाभि जयति त्रिरुपं वाजयति त्रयो वै दैवलोका दैवलोकानेवाभि जयति द्वादश सम्पद्यन्ते द्वादश मासाः संवत्सरः संवत्सरमेव प्रीणात्यथो संवत्सरमेवास्मा उप दधाति सुवर्गस्य लोकस्य समष्ट्या आधारमा धारयति तिर इव (६६)

वै सुवर्गो लोकः सुवर्गमेवास्मै लोकम्प रोयत्युजुमा धारयत्युजुरिव हि प्राणः सन्ततमा धारयति प्राणानामुन्नाद्यस्य सन्तत्या अथो रक्षसामपहत्यै यं कामयेत प्रमार्युकः स्यादिति जिह्वं तस्या धारयेत्प्राणमेवास्माज्जिह्वं नयति ताजकम् मीयते शिरो वा एतद्यज्ञस्य यदाधार आत्मा ध्रुवा (६७)

आधारमाधार्य ध्रुवां समनत्तद्यात्मन्नेव यज्ञस्य शिरः प्रति दधात्यग्निर्देवानां दूत आसीदैव्योऽसुराणान्तौ प्रजापतिम्प्रश्नमैतां स प्रजापतिर्ब्राह्मणमंब्रवीदेतद्वि ब्रूहीत्या श्रावयेतीदं देवाः शृणुतेति वाव तदंब्रवीदग्निर्देवो होतेति य एवं देवानां तमवृणीत् ततो देवाः (६८)

अमन्वत्परासुरा यस्यैव विदुषः प्रवरम्प्रवृणते भवत्यात्मना परास्य भ्रातृव्यो भवति यद्ब्राह्मणश्चाब्राह्मणश्च प्रश्नमेयातां ब्राह्मणायार्थि ब्रूयाद्यद्ब्राह्मणायध्याहात्मनेऽध्याह् यद्ब्राह्मणम्पराहात्मनं पराह तस्माद्ब्राह्मणो न परोच्यः ॥ (६९)

वा आरण्याश्चैव रुन्देऽथो पशुभिः सौऽब्रवीद्वक्षिणार्थंत्रयं इव ध्रुवा देवाश्चत्वारिंशच्च ॥

[११]

आयुष्ट आयुर्दा अग्र आ प्यायस्व सं तेऽवं ते हेऽ उदुत्तमम्प णो देव्या नो दिवोऽग्नाविष्णू

अग्राविष्णू इमं मे वरुण तत्त्वां याम्युदु त्वं चित्रम्। अपां नपादा ह्यस्थादुपस्थं जिह्वानामूर्ध्वो विद्युत् वसानः। तस्य ज्येष्ठम्महिमानं वहन्तीरहिरण्यवर्णाः परि यन्ति यद्हीः। सम् (७०)

अन्या यन्त्युपं यन्त्यन्याः संमानमूर्वं नद्यः पूरन्ति। तमू शुचिं शुचयो दीदिवाम्संमपां नपातं परि तस्थुरापः। तमस्मेरा युवतयो युवानम्ममृज्यमानाः परि यन्त्यापः। स शुक्रेण शिकेना रेवदग्निर्दीदायान्धो घृतनिर्णिगुप्सु। इन्द्रावरुणयोरुहं सम्राजोरव आ वृणे। ता नो मृडात ईदृशे। इन्द्रावरुणा युवमध्वराय नः (७१)

विशे जनाय महि शर्म यच्छतम्। दीर्घप्रयज्युमति यो वनुष्यति वयं जयेम पृतनासु दृढाः। आ नो मित्रावरुणा प्र बाहवा। त्वं नो अग्ने वरुणस्य विद्वां देवस्य हेडोऽवं यासिसीष्ठाः। यजिष्ठो वहितमः शोशुचानो विश्वा द्वेपांसि प्र मुमुग्ध्यस्मत्। स त्वं नो अग्नेऽवमो भवती नेदिष्ठो अस्या उपसो व्युष्टौ। अव यक्ष्व नो वरुणम् (७२)

रराणो वीहि मृडीकं सुहवो न एधि। प्रप्रायमग्निर्भरतस्यं शृण्वे वि यथ्मूर्यो न रोचंते बृहद्वाः। अग्नि यः पूरं पृतनासु तस्यौ दीदाय दैव्यो अतिथिः शिवो नः। प्र ते यक्षि प्र त इयमि मन्म भुवो यथा वन्द्यो नो हवेषु। धन्वन्निव प्रपा असि त्वमग्न इयक्ष्वै पूरवै प्रल राजन्। (७३)

वि पाजंसा वि ज्योतिषा। स त्वमग्ने प्रतीकेन प्रत्योष यातुधान्यं। उरुक्षयेषु दीद्यत्। तं सुप्रतीकं सुदशं स्वश्चमर्विद्वांसो विदुष्टं सपेमा। स यक्षद्विश्वा वयुनानि विद्वान्म हव्यमग्निर्मतेषु वोचत्। अहोमवे विवेष यन्मा वि न इन्नेन्द्रं क्षत्रमिन्द्रियाणि शतक्रतोऽनु ते दायि (७४)

यद्हीः समध्वराय नो वरुणं राजंश्चतुश्चत्वारिंशच्च॥ [१२]

[समिधश्चक्षुषी प्रजापतिराज्यं देवस्य स्फग्मन्ब्रह्मवादिनोऽद्विर्ग्रेभ्यो मनुः पृथिव्याः पशवोऽग्नीधे देवा वै यज्ञस्य युक्ष्वोशन्तस्त्वा द्वादश]

॥षष्ठमः प्रश्नः॥

॥तैत्तिरीयसंहितायां द्वितीयकाण्डे षष्ठमः प्रश्नः॥

समिधो यजति वसन्तमेवर्तूनामवं रुन्दे तनूनपातं यजति ग्रीष्ममेवावं रुन्दे इडो यजति वर्षा एवावं रुन्दे बर्हिर्यजति शरदमेवावं रुन्दे स्वाहाकारं यजति हेमन्तमेवावं रुन्दे तस्मात्स्वाहाकृता हेमन्पशवोऽव सीदन्ति समिधो यजत्युपसं एव देवतानामवं रुन्दे तनूनपातं यजति यज्ञमेवावं रुन्दे (१)

इडो यजति पशूमेवावं रुन्दे बर्हिर्यजति प्रजामेवावं रुन्दे समानयत उपभृतस्तेजो वा आज्यं प्रजा बर्हिः प्रजास्वेव तेजो दधाति स्वाहाकारं यजति वाचमेवावं रुन्दे दश सम्पद्यन्ते दशाक्षरा विराड्विराजेत्राष्टमवं रुन्दे समिधो यजत्यस्मिन्नेव लोके प्रति तिष्ठति तनूनपातं यजति (२)

यज्ञ एवान्तरिक्षे प्रति तिष्ठतीडो यजति पशुष्वेव प्रति तिष्ठति ब्रह्मरिजति य एव देवयानाः पन्थानस्तेष्वेव प्रति तिष्ठति स्वाहाकारं यजति सुवर्ग एव लोके प्रति तिष्ठत्येतावन्तो वै देवलोकास्तेष्वेव यथापूर्वं प्रति तिष्ठति देवासुरा एषु लोकेष्वस्पर्धन्त ते देवाः प्रयाजैरेभ्यो लोकेभ्योऽसुरान्प्रापुदन्त तत्प्रयाजानाम् (३)

प्रयाजत्वं यस्यैवं विदुषः प्रयाजा इज्यन्ते प्रेभ्यो लोकेभ्यो भ्रातृव्यान्वदन्तेऽभिक्रामं जुहोत्यभिजित्ये यो वै प्रयाजानाम्मिथुनं वेद प्र प्रजयां पशुभिर्मिथुनैर्जायते समिधो बह्विरिव यजति तनूनपातमेकमिव मिथुनं तदिडो बह्विरिव यजति ब्रह्मिरेकमिव मिथुनं तदेतद्वै प्रयाजानाम्मिथुनम् य एवं वेद प्र (४)

प्रजयां पशुभिर्मिथुनैर्जायते देवानां वा अनिष्टा देवता आसन्नथासुरा यज्ञमंजिघांसन्ते देवा गांयत्रीं व्यौहन् पञ्चाक्षराणि प्राचीनानि त्रीणि प्रतीचीनानि ततो वर्म यज्ञायामवर्द्धम् यजमानाय यत्प्रयाजानूयाजा इज्यन्ते वर्मेव तद्यज्ञाय क्रियते वर्म यजमानाय भ्रातृव्याभिभूत्ये तस्माद्वरूथम्युरस्ताद्वर्षीयः पश्चाद्वर्षीयो देवा वै पुरा रक्षोभ्यः (५)

इति स्वाहाकारेण प्रयाजेषु यज्ञः सः स्याप्यमपश्यन्तः स्वाहाकारेण प्रयाजेषु समस्थापयन्ति वा एतद्यज्ञं छिन्दन्ति यथस्वाहाकारेण प्रयाजेषु सः स्यापयन्ति प्रयाजानिद्धा हवीःष्वभि घोरयति यज्ञस्य सन्तत्या अथो हविरेवाकर्थो यथापूर्वमुपैति पिता वै प्रयाजाः प्रजानूयाजा यत्प्रयाजानिद्धा हवीःष्वभिघोरयति पितैव तत्पुत्रेण साधारणम् (६)

कुरुते तस्मादाहुयश्चैवं वेद यश्च न कथा पुत्रस्य केवलं कथा साधारणमितुरित्यस्कन्नमेव तद्यत्प्रयाजेष्विष्टेषु स्कन्दति गायत्र्येव तेन गर्भं धत्ते सा प्रजां पशून् यजमानाय प्र जनयति॥ (७)

यजति यज्ञमेवावरुन्धे तनूनपातं यजति प्रयाजानामेवं वेद प्र रक्षोभ्यः साधारणं पञ्चत्रिंशच्च॥ [१]

चक्षुषी वा एते यज्ञस्य यदाज्यभागौ यदाज्यभागौ यजति चक्षुषी एव तद्यज्ञस्य प्रति दधाति पूर्वार्धं जुहोति तस्मात्पूर्वार्धं चक्षुषी प्रबाहुंग्रजुहोति तस्मात्प्रबाहुक्क्षुषी देवलोकं वा अग्निना यजमानोऽनु पश्यति पितृलोकः सोमैर्नोत्तरार्धेऽग्नये जुहोति दक्षिणार्धं सोमायैवमिव हीमौ लोकावनयौर्लोकयोरनुख्यात्ये राजानौ वा एतौ देवतानाम् (८)

यदग्नीषोमावन्तरा देवता इज्येते देवतानां विधृत्यै तस्माद्वाजा मनुष्या विधृता ब्रह्मवादिनो वदन्ति किं तद्यज्ञे यजमानः कुरुते येनान्यतोदतश्च पशून्दाधारोभयतोदतश्चेत्यर्चमनूच्याज्यभागस्य जुषाणेन यजति तेनान्यतोदतो दाधारर्चमनूच्यं हविषं ऋचा यजति तेनोभयतोदतो दाधार मूर्धन्वतीं पुरोनुवाक्या भवति मूर्धानमेवैनं समाप्तानां करोति (९)

नियुक्त्या यजति भ्रातृव्यस्यैव पशून्नि युवते केशिनः ह दाम्यं केशी सात्यकामिरुवाच सप्तपदां ते शक्रेः श्वो यज्ञे प्रयोक्तासे यस्यै वीर्येण प्र जातान्भ्रातृव्यान्वदते प्रति जनिष्यमाणान् यस्यै वीर्येणोभयौर्लोकयोर्योतिर्धत्ते यस्यै वीर्येण पूर्वार्धेनान्द्वान्मुनक्ति जघनार्धेन धेनुरिति पुरस्ताल्लक्ष्मा पुरोनुवाक्या

भवति जातानेव भ्रातृव्यान्त्र णंदत उपरिष्ठाक्ष्मा (१०)

याज्यां जनिष्यमाणांनेव प्रति नुदते पुरस्ताल्लक्ष्मा पुरोनुवाक्यां भवत्यस्मिन्नेव लोके ज्योतिर्धत्त उपरिष्ठाक्ष्मा याज्यांमुष्मिन्नेव लोके ज्योतिर्धत्ते ज्योतिष्मन्तावस्मा इमौ लोकौ भवतो य एवं वेद पुरस्ताल्लक्ष्मा पुरोनुवाक्यां भवति तस्मात्पूर्वर्धनान्नङ्गान्नुनक्त्युपरिष्ठाक्ष्मा याज्यां तस्माच्चधनार्धेन धेनुय एवं वेद भुङ्क्ते एनमेतौ वज्र आज्यं वज्र आज्यभागौ (११)

वज्रौ वषट्कारस्मिन्तमेव वज्रं सम्भृत्य भ्रातृव्याय प्र हंत्यच्छम्बद्वारमपगूर्य वषट्करोति स्तृत्यै गायत्री पुरोनुवाक्यां भवति त्रिष्टुग्याज्यां ब्रह्मन्नेव क्षत्रमन्वारम्भयति तस्माद्वाह्यणो मुख्यो मुख्यो भवति य एवं वेद प्रैवेन पुरोनुवाक्याह प्र णयति याज्यया गमयति वषट्कारेणैवेन पुरोनुवाक्या दत्ते प्र यच्छति याज्यया प्रति (१२)

वषट्कारेण स्थापयति त्रिपदां पुरोनुवाक्यां भवति त्रयं इमे लोका एष्वेव लोकेषु प्रति तिष्ठति चतुष्पदा याज्यां चतुष्पद एव पशूनं रुद्धे ब्रह्मरो वषट्कारो द्विपाद्यजमानः पशुष्वेवोपरिष्ठात्प्रति तिष्ठति गायत्री पुरोनुवाक्यां भवति त्रिष्टुग्याज्यैषा वै सप्तपदा शक्रो यद्वा एतया देवा अशिक्षन्तदशक्नुवन् य एवं वेद शक्रोत्येव यच्छिक्षति॥ (१३)

देवतानाङ्करोत्युपरिष्ठाक्ष्माऽऽज्यभागौ प्रति शक्रोत्येव द्वे च॥—[२]

प्रजापतिर्देवेभ्यो यज्ञान्यादिशस्व आत्मन्नाज्यमधत्त तं देवा अब्रुवन्नेष वाव यज्ञो यदाज्यमप्येव नोत्रास्त्विति सौऽब्रवीद्यजान् व आज्यभागानुपे स्तृणानभि घारयानिति तस्माद्यज्ञन्त्याज्यभागानुपे स्तृणन्त्यभि घारयन्ति ब्रह्मवादिनो वदन्ति कस्मात्सत्याद्यातयामान्यन्यानि हवीष्ययातयाममाज्यमिति प्राजापत्यम् (१४)

इति ब्रूयादयातयामा हि देवानां प्रजापतिरिति छन्दांसि देवेभ्योऽपौकामन्न वौऽभागानि हव्यं वक्ष्याम इति तेभ्य एतच्चतुरवत्तमधारयन्पुरोनुवाक्यायै याज्यायै देवतायै वषट्काराय यच्चतुरवत्तं जुहोति छन्दांस्येव तत्प्रीणाति तान्यस्य प्रीतानि देवेभ्यो हव्यं वहन्त्यङ्गिरसो वा इत उत्तमाः सुवर्गं लोकमायन्तदप्यो यज्ञवास्त्वभ्यवायन्ते (१५)

अपश्यन्पुरोडाशं कूर्मभूतं संपन्तं तमब्रुवन्निन्द्राय प्रियस्व बृहस्पतये प्रियस्व विश्वेभ्यो देवेभ्यो प्रियस्वेति स नाप्रियत तमब्रुवन्नग्नये प्रियस्वेति सौऽग्नयेऽप्रियत यदाग्नयोऽष्टाकपालोऽमावास्यायां च पौर्णमास्यां चाच्युतो भवति सुवर्गस्य लोकस्याभिर्जित्यै तमब्रुवन्कथाहंस्था इत्यनुपाक्तोऽभूवमित्यब्रवीद्यथाक्षोऽनुपाक्तः (१६)

अवाच्छैत्यमवांरमित्युपरिष्ठादभ्यज्याधस्तादुपानक्ति सुवर्गस्य लोकस्य समष्टौ सर्वाणि कपालान्यभि प्रथयति तावतः पुरोडाशान्मुष्मिन्लोकंभि जयति यो विदग्धः स नैर्ऋतो योऽश्रुतः स रौद्रो यः श्रुतः स सदेवस्तस्मादविदहता श्रुतकृत्यः सदेवत्वाय भस्मनाभि वांसयति तस्मान्मासेनास्थि छत्रं वेदेनाभि वांसयति तस्मात् (१७)

केशैः शिरश्छत्रं प्रच्युतं वा एतदस्माल्लोकादगतं देवलोकं यच्छ्रुतं हविरनभिघारितमभिघार्योद्वासयति देवत्रैवेन्द्रमयति यद्येकं कपालं नश्येदेको मासः संवत्सरस्यानवेतः स्यादथ यजमानः प्र मीयेत यद्वे नश्येतां द्वौ मासौ संवत्सरस्यानवेतौ स्यातामथ यजमानः प्र मीयेत संख्यायोद्वासयति यजमानस्य (१८)

गोपीथाय यदि नश्येदाश्विनं द्विकपालं निर्वपेद्वावापृथिव्यमेकंकपालमश्विनौ वै देवानां भिषजौ ताभ्यामेवास्मै भेषजं करोति द्यावापृथिव्यं एकंकपालो भवत्यनयोर्वा एतन्नश्यति यन्नश्यत्यनयोरेवेनद्विन्दति प्रतिष्ठित्ये॥ (१९)

प्रजापत्यन्तेऽक्षोऽनुपाक्तो वेदेनाभि वासयति तस्माद्यजमानस्य द्वात्रिंशच्च॥ [३]

देवस्य त्वा सवितुः प्रंसव इति स्फ्यमा दत्ते प्रसूत्या अश्विनोर्बाहुभ्यामित्याहाश्विनौ हि देवानांमध्वर्य आस्ताम पूष्णो हस्ताभ्यामित्याहु यत्यै शतभृष्टिरसि वानस्पत्यो द्विपुतो वृध इत्याहु वज्रमेव तथ्सः श्यति भ्रातृव्याय प्रहरिष्यन्तस्त्वयजुरहरत्येतावती वै पृथिवी यावती वेदिस्तस्या एतावत एव भ्रातृव्यं निर्भजति (२०)

तस्मान्नाभागं निर्भजन्ति त्रिहरति त्रयं इमे लोका एभ्य एवेनं लोकेभ्यो निर्भजति तूष्णीं चतुर्थं हरत्यपरिमितादेवेनं निर्भजत्युद्धन्ति यदेवास्या अमेध्यं तदपं हन्त्युद्धन्ति तस्मादोपधयः परा भवन्ति मूलं छिनत्ति भ्रातृव्यस्यैव मूलं छिनत्ति पितृदेवत्यातिंखातेयतीं खनति प्रजापतिना (२१)

यज्ञमुखेन सम्मितामा प्रतिष्ठायै खनति यजमानमेव प्रतिष्ठां गमयति दक्षिणतो वर्षीयसीं करोति देवयजनस्यैव रूपमंकः पुरीषवतीं करोति प्रजा वै पशवः पुरीषम्प्रजयैवेनम्पशुभिः पुरीषवन्तं करोत्युत्तरं परिग्राहं परि गृह्णात्येतावती वै पृथिवी यावती वेदिस्तस्या एतावत एव भ्रातृव्यं निर्भज्यात्मन उत्तरं परिग्राहं परि गृह्णाति क्रूरमिव वै (२२)

एतत्करोति यद्वेदिं करोति धा असि स्वधा असीति योयुष्यते शान्त्यै प्रोक्षणीरा सांदयत्यापो वै रक्षोग्री रक्षंसामपहत्यै स्फ्यस्य वल्मन्त्सादयति यज्ञस्य सन्तत्यै यं द्विष्यात्तं ध्यायेच्छुचैवेनमपयति॥ (२३)

भजति प्रजापतिनेव वै त्रयस्त्रिंशच्च॥ [४]

ब्रह्मवादिनो वदन्त्यद्विरहवीर्यं पि प्रोक्षीः केनाप इति ब्रह्मणेति ब्रूयादद्विरहं हवीर्यं पि प्रोक्षति ब्रह्मणाप इध्मावर्हिः प्रोक्षति मेध्यमेवेनत्करोति वेदिं प्रोक्षत्युक्षा वा एषाऽलोमकाऽमेध्या यद्वेदिर्मध्यामेवेना करोति दिवे त्वान्तरिक्षाय त्वा पृथिव्यै त्वेति बर्हिःसाद्य प्र (२४)

उक्षत्येभ्य एवेनंलोकेभ्यः प्रोक्षति क्रूरमिव वा एतत्करोति यत्खनत्यपो नि नयति शान्त्यै पुरस्तात्प्रस्तुरं गृह्णाति मुख्यमेवेनं करोतीयन्तं गृह्णाति प्रजापतिना यज्ञमुखेन सम्मितम्बर्हिः स्तृणाति प्रजा वै बर्हिः पृथिवी वेदिं प्रजा एव पृथिव्यां प्रति षापयत्यनंतिदृश्रः स्तृणाति प्रजयैवेनम्पशुभिरनंतिदृश्रं करोति (२५)

उत्तरम्बर्हिषः प्रस्तुरं सांदयति प्रजा वै बर्हिर्यजमानः प्रस्तुरो यजमानमेवायजमानादुत्तरं करोति तस्माद्यजमानोऽयजमानादुत्तरोऽन्तर्दधाति व्यावृत्त्या अनक्ति हविष्कृतमेवेनं सुवर्गं लोकं गमयति त्रेधानक्ति त्रयं इमे लोका एभ्य एवेनं लोकेभ्योऽनक्ति न प्रति शृणाति यत्प्रतिशृणीयादनूर्ध्वम्भावुकं यजमानस्य स्यादुपरीव प्र हरति (२६)

उपरीव हि सुवर्गो लोको नि यच्छति वृष्टिमेवास्यै नि यच्छति नात्यग्रम्प्र
हरेद्यदत्यग्रम्प्रहरेदत्यासारिण्यध्वर्योर्नाशुका स्यान्न पुरस्तात्प्रत्येद्यत्पुरस्तात्प्रत्यस्यैध्वर्गाश्लोकाद्यजमानं प्रति
नुदेत्ताञ्चम्प्र हरति यजमानमेव सुवर्गं लोकं गमयति न विष्वञ्चं वि युयाद्यद्विष्वञ्चं वियुयात् (२७)

स्यस्य जायेतोर्ध्वमुद्यौत्यूध्वमिव हि पुंसः पुमानेवास्यं जायते यथस्फेनं वोपवेषणं वा योयुष्येत्
स्तृतिरेवास्य सा हस्तेन योयुष्यते यजमानस्य गोपीथायं ब्रह्मवादिनो वदन्ति किं यज्ञस्य यजमान इति
प्रस्तर इति तस्य कं सुवर्गो लोक इत्याहवनीय इति ब्रूयाद्यत्प्रस्तरमाहवनीयं प्रहरति यजमानमेव (२८)

सुवर्गं लोकं गमयति वि वा एतद्यजमानो लिशते यत्प्रस्तरं योयुष्यन्ते ब्रह्मिणु प्रहरति शान्त्या
अनारम्भेण इव वा एतर्ह्यध्वर्युः स ईश्वरो वैपनो भवितोर्ध्वासीतीमामभि मृशतीयं वै ध्रुवाऽस्यामेव प्रति
तिष्ठति न वैपनो भवत्यगा(३)नंश्रीदित्याहु यद्व्यादादग्निरित्युग्रावग्निं गमयेन्निर्यजमानं सुवर्गाश्लोकाद्रज्जेदग्नित्येव
ब्रूयाद्यजमानमेव सुवर्गं लोकं गमयति॥ (२९)

आसाद्य प्रानतिदृश्नं करोति हरति वियुयाद्यजमानमेवाग्निरिति सप्तदश
च॥

[५]

अग्नेन्नयो ज्यायांसो भ्रातर आसन्ते देवेभ्यो हव्यं वहन्तः प्रामीयन्त सौऽग्निरिविभेदित्यं वाव स्य
आर्तिमार्तिष्यतीति स निलायत सौऽपः प्राविशन्तं देवताः प्रैपमैच्छन्तम्मध्यः प्राब्रवीत्तमंशपद्धियाधिषा त्वा
वध्यासुर्यो मा प्रावोच इति तस्मान्मध्यं धियाधिषा घ्नन्ति शप्तः (३०)

हि तमन्विन्दन्तमब्रुवन्तु न आ वर्तस्व हव्यं नो वहेति सौऽब्रवीद्वरं वृणै यदेव गृहीतस्याहुतस्य
बहिःपरिधि स्कन्दत्तन्मे भ्रातृणाम्भागधेयमसदिति तस्माद्यद्गृहीतस्याहुतस्य बहिःपरिधि स्कन्दति तेषां तद्भागधेयं
तानेव तेन प्रीणाति परिधीन्परि दधाति रक्षसामपहत्यै सः स्पर्शयति (३१)

रक्षसामनन्ववचाराय न पुरस्तात्परि दधात्यादित्यो ह्येवोद्यन्पुरस्ताद्रक्षाऽस्यपहन्त्यूर्ध्वं समिधावा
दधात्युपरिष्टादेव रक्षाऽस्यप हन्ति यजुष्यानां तूष्णीमन्यामिथुनत्वाय द्वे आ दधाति द्विपाद्यजमानः
प्रतिष्ठित्यै ब्रह्मवादिनो वदन्ति स त्वै यजेत यो यज्ञस्यार्त्या वसीयान्मथ्यादिति भूपतये स्वाहा भुवनपतये
स्वाहा भूतानाम् (३२)

पतये स्वाहेति स्कन्नमनु मन्त्रयेत यज्ञस्यैव तदार्या यजमानो वसीयान्भवति भूयसीरहि
देवताः प्रीणाति जामि वा एतद्यज्ञस्यं क्रियते यदन्वञ्चै पुरोडाशावुपाशुयाजमन्तरा यजत्यजामित्वायाथो
मिथुनत्वायाग्निरमुष्मिह्लोक आसीद्यमोऽस्मिन्ते देवा अंब्रवन्तेमो वि पर्यहामेत्यन्नाद्यै देवा अग्निम् (३३)

उपामन्त्रयन्त राज्येन पितरो यमं तस्मादग्निदेवानामन्नादो यमः पितृणां राजा य एवं वेद
प्र राज्यमन्त्राद्यमाप्नोति तस्मा एतद्भागधेयम्प्रायच्छन् यदग्नयै स्विष्टकृतैऽवद्यन्ति यदग्नयै स्विष्टकृतैऽवद्यन्ति
भागधेयेनैव तद्ब्रुव समर्धयति सकृत्सकृदव द्यति सकृदिव हि रुद्र उन्तरार्धादव द्यत्येषा वै रुद्रस्य (३४)

दिश्वयायामेव दिशि रुद्रं निरवदयते द्विरभि धारयति चतुरवत्तस्यात्यै पशवो वै पूर्वा आहुतय एष
रुद्रो यदग्निर्यत्पूर्वा आहुतीरभि जुहुयाद्रुद्राय पशूनिपि दध्यादपशुर्यजमानः स्यादतिहाय पूर्वा आहुतीर्जुहोति

पशूनां गोपीथाय॥ (३५)

शतः स्पर्शयति भूतानामग्निं रुद्रस्य सप्तत्रिंशच्च॥ [६]

मनुः पृथिव्या यज्ञियमैच्छुश्च घृतं निषिक्तमविन्दुश्चाऽब्रवीत्कोऽस्येश्वरो यज्ञेऽपि कर्तोरिति तावद्भूतामित्रावरुणौ गोरेवावमौश्वरौ कर्तः स्व इति तौ ततो गां समैरयतां सा यत्रयत्र न्यक्रामत्ततो घृतमपीडयत् तस्माद्धृतपद्युच्यते तदस्यै जन्मोपहृतं रथन्तरं सह पृथिव्येत्याह (३६)

इयं वै रथन्तरमिमांसेव सहान्नाद्येनोपं ह्ययत् उपहृतं वामदेव्यं सहान्तरिक्षेणेत्याह पशवो वै वामदेव्यं पशूनेव सहान्तरिक्षेणोपं ह्ययत् उपहृतम्बृहद्भ्यः दिवेत्याहेरं वै बृहदिरामेव सह दिवोपं ह्ययत् उपहृताः सप्त होत्रा इत्याह होत्रा एवोपं ह्ययत् उपहृता धेनुः (३७)

सहर्षमेत्याह मिथुनमेवोपं ह्ययत् उपहृतो भुक्षः सखेत्याह सोमपीथमेवोपं ह्ययत् उपहृतां (४) हो इत्याहात्मानमेवोपं ह्ययत् आत्मा ह्युपहतानां वसिष्ठ इडामुपं ह्ययते पशवो वा इडां पशूनेवोपं ह्ययते चतुरूपं ह्ययते चतुष्पादो हि पशवो मानवीत्याह मनुरद्येताम् (३८)

अग्नेऽपश्यद्भुतपदीत्याह यदेवास्यै पदाद्भुतमपीडयत् तस्मादेवमाह मैत्रावरुणीत्याह मित्रावरुणौ ह्येनां समैरयतां ब्रह्म देवकृतमुपहृतमित्याह ब्रह्मेवोपं ह्ययते दैव्या अध्वर्यव उपहृता उपहृता मनुष्या इत्याह देवमनुष्यानेवोपं ह्ययते य इमं यज्ञमवान् ये यज्ञपतिं वर्धनित्याह (३९)

यज्ञाय चैव यजमानाय चाशिषमा शास्त उपहृते द्यावापृथिवी इत्याह द्यावापृथिवी एवोपं ह्ययते पूर्वजे ऋतावरी इत्याह पूर्वजे ह्येते ऋतावरी देवी देवपुत्रे इत्याह देवी ह्येते देवपुत्रे उपहृतोऽयं यजमान इत्याह यजमानमेवोपं ह्ययत् उत्तरस्यां देवयज्ञायामुपहृतो भूर्यसि हविष्करणं उपहृतो दिव्ये धामन्नुपहृतः (४०)

इत्याह प्रजा वा उत्तरा देवयज्ञ्या पशवो भूर्यो हविष्करणं सुवर्गो लोको दिव्यं धामेदमसीदमसीत्येव यज्ञस्य प्रियं धामोपं ह्ययते विश्वमस्य प्रियमुपहृतमित्याहाच्छंभद्वारमेवोपं ह्ययते॥ (४१)

आह धेनुरेतां वर्धनित्याह धामन्नुपहृतश्चतुस्त्रिंशच्च॥ [७]

पशवो वा इडां स्वयमा दत्ते काममेवात्मनां पशूनामा दत्ते न ह्यन्यः कामम्पशूनाम्यच्छति वाचस्पतये त्वा हुतम्प्राश्रमीत्याह वाचमेव भागधेयेन प्रीणाति सदस्स्पतये त्वा हुतम्प्राश्रमीत्याह स्वगाकृत्ये चतुरवत्तम्भवति हविर्वै चतुरवत्तम्पशवश्चतुरवत्तं यद्धोता प्राश्रीयाद्धोता (४२)

आर्तिमाच्छेद्यदग्नौ जुहुयाद्रुद्राय पशूनिपे दध्यादपशुर्यजमानः स्याद्वाचस्पतये त्वा हुतम्प्राश्रमीत्याह पुरोक्षमेवेनञ्जहोति सदस्स्पतये त्वा हुतम्प्राश्रमीत्याह स्वगाकृत्ये प्राश्रन्ति तीर्थ एव प्राश्रन्ति दक्षिणां ददाति तीर्थ एव दक्षिणां ददाति वि वा एतद्यज्ञम् (४३)

छिन्दन्ति यन्मध्यतः प्राश्रन्त्यद्विमांजयन्त आपो वै सर्वा देवतां देवताभिरेव यज्ञं सं तन्वन्ति देवा वै यज्ञाद्रुद्रमन्तरायन्त्य यज्ञमविध्यन्त देवा अभि समगच्छन्त कल्पतां न इदमिति तैऽब्रुवन्स्विष्टं वै न इदम्विष्यति यदिमं राधयिष्याम् इति तथिष्टकृतः स्विष्टकृत्स्वन्तस्याविद्धं निः (४४)

अकृन्तन् यवेन सम्मितं तस्माद्यवमात्रमव चेद्यज्ञायोऽवचेद्रोपयेत्तद्यज्ञस्य यदुपं च स्तुणीयादभि चं घारयेदुभयतः सः श्वायि कुर्यादवदायाभि घारयति द्विः सम्पद्यते द्विपाद्यजमानः प्रतिष्ठित्यै यत्तिरश्चनमतिहरेदनभिबद्धं यज्ञस्याभि विध्येदग्रेण परि हरति तीर्थेनैव परि हरति तत्पूणे पर्यहरन्तत् (४५)

पूषा प्राश्यं दतोऽरुणत्तस्मात्पूषा प्रपिष्टभांगोऽदन्तको हि तं देवा अंब्रवन्वि वा अयमाध्यप्राशित्रियो वा अयमभूदिति तद्बृहस्पतये पर्यहरन्त्सोऽविभेद्बृहस्पतिरित्यं वाव स्य आर्तिमारिप्यतीति स एतम्मन्त्रमपश्यधूम्यस्य त्वा चक्षुषा प्रति पश्यामीत्यंब्रवीत्र हि सूर्यस्य चक्षुः (४६)

किं चन हिनस्ति सोऽविभेत्प्रतिगृह्णन्तं मा हि सिय्यतीति देवस्य त्वा सवितुः प्रसवैऽश्विनोर्बाहुभ्यां पूष्णो हस्ताभ्यां प्रति गृह्णामीत्यंब्रवीत्सवितुप्रसूत एवैनद्वहणा देवताभिः प्रत्यंगृह्णात्सोऽविभेत्प्राश्रन्तं मा हि सिय्यतीत्यग्नेस्त्वास्येन प्राश्रामीत्यंब्रवीत्र ह्यग्नेरास्यं किं चन हिनस्ति सोऽविभेत् (४७)

प्राशितं मा हि सिय्यतीति ब्राह्मणस्योदरेण्यंब्रवीत्र हि ब्राह्मणस्योदरं किं चन हिनस्ति बृहस्पतेर्ब्रह्मणेति स हि ब्रह्मिष्ठोऽप वा एतस्मात्प्राणाः क्रांमन्ति यः प्रांशित्रमप्राश्रात्यद्विर्माजयित्वा प्राणान्धस्मृशतेऽमृतं वै प्राणा अमृतमापः प्राणानेव यथास्थानमुपं ह्वयते॥ (४८)

प्राश्नीयाद्धोता यज्ञं निरहरन्तच्चक्षुरास्यङ्किं चन हिनस्ति सोऽविभेच्चतुश्चत्वारिंशच्च॥ [८]

अग्नीध्र आ दधात्यग्निमुखानेवर्त्तन्प्रीणाति समिधमा दधात्युत्तरासामाहुतीनां प्रतिष्ठित्या अथो समिद्वत्येव जुहोति परिधीन्धस्मार्ष्टि पुनात्येवैनान्धसकृत्सकृत्धस्मार्ष्टि पराडिव ह्येतरहि यज्ञश्चतुः सम्पद्यते चतुष्पादः पशवः पशूनेवाव रुन्दे ब्रह्मन्त्र स्थास्याम् इत्याहात्र वा एतरहि यज्ञः श्रितः (४९)

यत्र ब्रह्मा यत्रैव यज्ञः श्रितस्तत एवेनमा रभते यद्धस्तेन प्रमीवैद्वपनः स्याद्यच्छीर्णा शीर्षक्तिमान्धस्याद्यत्तूष्णीमासीतासम्प्रतो यज्ञः स्यात्प्र तिष्ठेत्येव ब्रूयाद्वाचि वै यज्ञः श्रितो यत्रैव यज्ञः श्रितस्तत एवेन स सम्प्र यच्छति देवं सवितरेतत्ते प्र (५०)

आहेत्याह प्रसूत्यै बृहस्पतिर्ब्रह्मेत्याह स हि ब्रह्मिष्ठः स यज्ञम्पाहि स यज्ञपतिम्पाहि स माम्पाहीत्याह यज्ञाय यजमानायात्मने तेभ्यं एवाशिषमा शास्तेऽनार्त्या आश्राव्याह देवान् यजेति ब्रह्मवादिनो वदन्तीष्टा देवता अथं कतम एते देवा इति छन्दासीति ब्रूयाद्वायुर्गो त्रिष्टुभम् (५१)

जगतीमित्यथो खल्वाहब्राह्मणा वै छन्दासीति तानेव तद्यजति देवानां वा इष्टा देवता आसन्नथाग्निर्नोदज्वलन्तं देवा आहुतीभिरनूयाजेष्वन्वविन्दन् यदनूयाजान् यजत्यग्निमेव तत्समिन्द्र एतद्वै नामासुर आसीत्स एतरहि यज्ञस्याशिषमवृङ्क्ते यद्ब्रूयादेतत् (५२)

उ द्यावापृथिवी भद्रमभूदित्येतदुमेवासुरं यज्ञस्याशिषं गमयेदिदं द्यावापृथिवी भद्रमभूदित्येव ब्रूयाद्यजमानमेव यज्ञस्याशिषंमामयत्याध्वं सूक्तवाकमुत नमोवाकमित्याहुदमराध्वमेति वावैतदाहोपश्रितो दिवः पृथिव्योरित्याह द्यावापृथिव्योरहि यज्ञ उपश्रित ओमन्वती तेऽस्मिन् यज्ञे यजमान द्यावापृथिवी (५३)

स्तामित्याहाशिपमेवैतामा शांस्ते यद्ब्रूयाथ्सुपावसाना च स्वध्यवसाना चेति प्रमार्युको यजमानः स्याद्यदा हि प्रमीयुतेऽथेमामुपावस्यति सूषचरणा च स्वधिचरणा चेत्येव ब्रूयाद्वरीयसीमेवास्मै गव्यूतिमा शांस्ते न प्रमार्युको भवति तयोरगविद्यग्निरिदं हविरंजुषतेत्याहु या अयाक्ष्म (५४)

देवतास्ता अरीरधामेति वावैतदाहु यत्र निर्दिशेत्यतिवेशं यज्ञस्याशीर्गच्छेदा शांस्तेऽयं यजमानोऽसावित्याह निर्दिश्यैवेन सुवर्गं लोकं गमयत्यायुरा शांस्ते सुप्रजास्त्वमा शांस्त इत्याहाशिपमेवैतामा शांस्ते सजातवनस्यामा शांस्त इत्याह प्राणा वै संजाताः प्राणानेव (५)

नान्तरंति तदग्निर्देवो देवेभ्यो वनते वयमग्नेर्मानुषा इत्याहाग्निर्देवेभ्यो वनुते वयं मनुष्येभ्य इति वावैतदाहेह गतिर्वामस्येदं च नमो देवेभ्य इत्याह याश्चैव देवता यजति याश्च न ताभ्य एवोभयीभ्यो नमस्करोत्यात्मनोऽनार्त्यै॥ (५६)

श्रितस्ते प्र त्रिष्टुभमेतद्वावापृथिवी या अयाक्ष्म प्राणानेव पद्वत्वारि५शच्च॥ [९]

देवा वै यज्ञस्य स्वगाकर्तारं नाविन्दन्ते शं युम्बारहस्पत्यमब्रुवन्निमं नो यज्ञः स्वगा कुर्विति सोऽब्रवीद्वरं वृणे यदेवाब्राह्मणोक्तोऽश्रद्धधानो यजाते सा मे यज्ञस्याशीरंसदिति तस्माद्यदब्राह्मणोक्तोऽश्रद्धधानो यजते शं युमेव तस्य बारहस्पत्यं यज्ञस्याशीर्गच्छत्येतन्ममेत्यब्रवीत्किम् प्रजायाः (५७)

इति योऽपगुरातै शतेन यातयाद्यो निहन्यस्वहस्त्रेण यातयाद्यो लोहितं कृवद्वावतः प्रस्कृद्य पाःसूयसंगृह्णातावतः संवथ्सुरामित्लोकं न प्र जानादिति तस्माद्ब्राह्मणाय नापं गुरेत न नि हंत्यात्र लोहितं कुर्यादेतावता हैनसा भवति तच्छुं योरा वृणीमह इत्याह यज्ञमेव तथस्वगा करोति तत् (५८)

शं योरा वृणीमह इत्याह शं युमेव बारहस्पत्यम्भांगधेयेन समर्धयति गातुं यज्ञाय गातुं यज्ञपतय इत्याहाशिपमेवैतामा शांस्ते सोमं यजति रेत एव तदधाति त्वष्टारं यजति रेत एव हितं त्वष्टा रूपाणि वि करोति देवानाम्पृथ्वीयजति मिथुनत्वायाग्निं गृहपतिं यजति प्रतिष्ठित्यै जामि वा एतद्यज्ञस्य क्रियते (५९)

यदाज्येन प्रयाजा इज्यन्त आज्येन पत्नीसंयाजा ऋचमनूच्यं पत्नीसंयाजानामृचा यजत्यजामित्वायाथो मिथुनत्वाय पङ्क्तिप्रायणो वै यज्ञः पङ्क्त्युदयनः पञ्च प्रयाजा इज्यन्ते चत्वारः पत्नीसंयाजाः समिष्टयजुः पञ्चमम्पङ्क्तिमेवानुं प्र यन्ति पङ्क्तिमनूद्यन्ति॥ (६०)

प्रजायाः करोति तत्क्रियते त्रयस्त्रि५शच्च॥ [१०]

युक्त्वा हि देवहूतमाः अश्वाः अग्ने रथीरिवा नि होतां पूर्यः संदः। उत नो देव देवाः अच्छां वोचो विदुष्टरः। श्रद्धिश्वा वार्या कृधि। त्वः ह यद्यविष्टा सहसः सूनवाहुता। ऋतावा यज्ञियो भुवः। अयमग्निः सहस्त्रिणो वाजस्य शतिनस्पतिः। मूर्धा कवी रयीणाम्। तं नेमिमृभवौ यथा नमस्व सहतिभिः। नेदीयो यज्ञम् (६१)

अङ्गिरः। तस्मै नूनमभिद्यवे वाचा विरूप नित्यया। वृणो चोदस्व सुष्टुतिम्। कम् प्विदस्य

सेनयाग्नेरपांकचक्षसः। पुंणिं गोपुं स्तरामहे। मा नो देवानां विशः प्रस्नातीरिवोस्त्राः। कृशं न हांसुरग्निः। मा नः समस्य दृढः परिद्वेषसो अ० हृतिः। ऊर्मिर्न नावमा वधीत्। नमस्ते अग्न ओजंसे गृणन्ति देव कृष्टयः। अमैः (६२)

अमित्रमर्दया कुविधु नो गविष्टयेऽग्ने संवेषिषो रयिम्। उरुकदुरु णस्कृधि। मा नो अस्मिन्महाधने परां वर्भारभृद्यथा। संवर्ग० स० रयिञ्जया। अन्यमस्मद्विषा इयमग्ने सिपेत्तु दुच्छुना। वर्धा नो अमवच्छवं। यस्याजुपत्रमस्विनः शमीमदुर्मखस्य वा। तं घेदग्निर्वृधावति। परंस्या अधि (६३)

संवतोऽवरा० अभ्या तर। यत्राहमस्मि ता० अवा विद्या हि तै पुरा वयमग्ने पितुर्यथावसः। अधा ते सुभ्रममिहे। य उग्र इव शर्यहा तिग्मशृङ्गो न व० संगः। अग्ने पुरो रुरोजिथा। सखायः सं वः सम्यश्चमिप० स्तोमं चाग्नयौ। वर्पिष्ठाय क्षितानामूर्जो नत्रे सहस्वते। स० समिद्युवसे वृषन्नग्ने विश्वान्यर्य आ। इडस्पदे समिध्यसे स नो वसुन्या भर। प्रजापते स वेद सोमापूषणमौ देवौ॥ (६४)

य॒ज्ञम॒मैरधि॑ वृ॒ष॒त्रेका॒न्नवि॑श्श॒तिश्च॑॥ [११]

उ॒श॒न्त॒स्त्वा ह॒वाम॒ह उ॒श॒न्तः॒ समि॑धीमहि। उ॒श॒न्न॒श॒त आ व॑ह॒ पित॑न॒ ह॒विषे॑ अ॒त्तवे॑। त्व० सोम॑ प्रचि॒कितो॑ मनीषा त्व० रजिष्ठमनुं नेषि प॒न्याम्। तव॑ प्रणी॒ती पि॒तरौ न॑ इ॒न्दो दे॒वेषु॑ रत्नमभजन्त॒ धीराः॑। त्वया॑ हि नः पि॒तरः॑ सोम॒ पूर्वे॑ कर्माणि च॒क्रुः प॑वमान॒ धीराः॑। व॒न्वन्न॒वातः॑ परि॒धी० र॒पोऽणु॑ वीरेभिर॒श्वैर्मघ॑वा॒ भव॑ (६५)

नः। त्व० सोम॑ पि॒तृभिः॑ संविदानोऽनु द्यावापृथिवी आ त॑त॒न्था। तस्मै॑ त इ॒न्दो ह॒विषा॑ विधेम वय० स्याम॒ पत॑यो रयीणा॒म्। अग्नि॑ष्वा॒त्ताः पि॒तर ए॒ह ग॑च्छ॒त स॒दःस॒दः स॒दत॑ सुप्रणी॒तयः॑। अ॒त्ता ह॒वी० पि॒प्रय॑तानि ब॒र्हिष्य॑था रयि० सर्ववीर॑ दधातन। ब॒र्हिष॒दः पि॒तर ऊ॒त्य॑र्वा॒ग्निमा वो॑ ह॒व्या च॑क्र॒मा जु॑षध्वम॑। त आ ग॒ताव॑सा॒ शन्त॑मे॒नाथा॑स्मभ्यम॑ (६६)

शं योर॑र॒पो द॑धात। आहं पि॒तृभ्य॑विद॒त्रा० अ॒विधु॑स्मि नपा॑तश्च वि॒क्रम॑णं च॒ विष्णोः॑। ब॒र्हिष॒दो ये स्व॒धया॑ सु॒तस्य॑ भजन्त॒ पित॒वस्त॑ इहाग॑मिष्ठाः। उप॑हृ॒ताः पि॒तरौ ब॒र्हिष्ये॑षु निधिषु॑ प्रियेषु॑। त आ॒गंम॑न्तु त इ॒ह श्रु॑वन्त्वधि॑ ब्रुवन्तु ते अ॒वन्त्व॑स्मान्। उदी॑रता॒मव॑र॒ उत्प॑रा॒स उ॒न्म॑ध्य॒माः पि॒तरः॑ सो॒म्यासः॑। असु॑म॑ (६७)

य ई॒युर॑वृ॒का ऋ॒तज्ञा॑स्ते नोऽव॑न्तु पि॒तरौ ह॒वेषु॑। इ॒दमि॑तृ॒भ्यो नमो॑ अ॒स्त्वद्य॑ ये पूर्वा॑सो य उप॑रा॒स ई॒युः। ये पा॒र्थिवे॑ रज॒स्या नि॑प॒त्ता ये वा॑ नून० सु॒वृज॑ना॒सु वि॒क्षु। अधा॑ यथा॒ नः पि॒तरः॑ परा॑सः प्र॒त्नासौ॑ अ॒ग्न ऋ॒तमा॑शुषा॒णाः। शु॒ची॒द॒य॒न्दी॒धि॒तिमु॒क्थ॑शा॒सः क्षा॒मा भि॒न्दन्तो॑ अ॒रुणी॑रपं ब्र॒न्। यद॑ग्ने (६८)

क॒व्या॒वा॒ह॒न पि॒तृन् य॑क्ष्य॒तावृ॑धः। प्र च॑ ह॒व्यानि॑ वक्ष्यसि दे॒वेभ्य॑श्च पि॒तृभ्य॑ आ। त्वम॑ग्न ई॒डितो॑ जा॒तवे॒दोऽवा॑ङ्म॒व्यानि॑ सु॒भूषि॑ण॒ कृत्वा॑। प्रा॒दाः पि॒तृभ्यः॑ स्व॒धया॑ ते अ॒क्षन्न॑द्धि त्वं दे॒व प्र॑य॒ता ह॒वी० पि॑। मा॒त॒ली क॒व्यैर्य॑मो अ॒ङ्गिरो॒भिर्व॑हु॒स्पति॑र॒ऋक्॑भिर्वा॒वृधा॑नः। या॑श्च दे॒वा वा॑वृ॒धुर्य॑ च दे॒वान्स्वा॒हा॒न्ये स्व॒धया॑न्ये म॑दन्ति। (६९)

इ॒मं य॑म॒ प्र॒स्तर॑मा हि सी॒दाङ्गि॑रोभिः पि॒तृभिः॑ संवि॒दानः॑। आ त्वा॑ म॒न्त्राः क॒विश॑स्ता व॒हन्वे॒ना

राजन् हविषां मादयस्व। अङ्गिरोभि॒रा गंहि॑ य॒ज्ञिर्येभि॒र्यमं॑ वैरूपैरि॒ह मादय॑स्व। वि॒वंस्वन्त॑ ह॒वे यः पि॒ता तेऽस्मिन्॑ य॒ज्ञे व॒र्हिष्या॑ नि॒षद्य॑। अङ्गि॒रसो॑ नः पि॒तरो॑ न॒वंग्वा॑ अथ॒र्वाणो॑ भृ॒गवः॑ सो॒म्यासः॑। तेषां॑ व॒यः सु॒म॒तो॑ य॒ज्ञिया॑ना॒मपि॑ भ॒द्रे सोम॑न॒से स्या॑म॥ (७०)

[स॒मिधो॑ या॒ज्यां तस्मा॑न्नाभा॒गः हि॑ तमन्वित्या॒ह प्र॒जा वा आ॒हेत्या॑ह यु॒क्ष्वा हि॑ संसृ॒तिः॥७०॥
स॒मिधः॑ सोम॑न॒से स्या॑म॥]

भ॒वा॒स्मभ्य॑म॒सुं यद॑ग्रे म॒दन्ति॑ सोम॑न॒स एक॑ञ्च॥ [१२]

प्र॒जाप॑तिर॒काम॑यतैष॒ ते य॒ज्ञं वै प्र॒जाप॑ते॒र्जाय॑मानाः प्राजाप॒त्या यो वा॑ अ॒यथा॑दे॒वतमि॑ष्ट॒र्गो नि॒ग्राभ्याः॑ स्थ॒ यो वै दे॒वां जुष्टो॑ऽग्निना॒ रयि॑मेका॒दश॥ [१३]

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>